

В. М. ЛУДЫКОВА

КОМИ КЫВЙЫН ПРӖСТӖЙ СЕРНИКУЗЯ

СЫКТЫВКАР 1991

НАУКА ДА ВЫСШОЙ ШКОЛА КУЗЯ РСФСР-са
ГОСУДАРСТВЕННОЙ КОМИТЕТ
СЫКТЫВКАРСА ГОСУДАРСТВЕННОЙ УНИВЕРСИТЕТ

В. М. ЛУДЫКОВА

КОМИ КЫВЙЫН ПРӨСТӨЙ СЁРНИКУЗЯ

Спецкурсусь учебной пособие

Сыктывкар 1991

В. М. Лудыкова. Коми кывйын прѳстой сѳрникузя. (Простое предложение в коми языке): Учебное пособие по спецкурсу / Сыктывкарский ун-т. Сыктывкар, 1991.

В учебном пособии подробно рассматривается простое предложение в коми языке; анализируются типы простого предложения по цели высказывания, эмоциональной окраске, составу, пространности, а также главные и второстепенные члены; исследуется простое предложение, осложненное однородными и обороченными членами, вводными и вставными конструкциями, обращением.

Даны упражнения для самостоятельного выполнения.

Все теоретические положения иллюстрируются примерами из произведений художественной литературы.

Учебное пособие предназначено для студентов вузов, изучающих коми язык. Оно может быть использовано также и учителями средних школ.

Печатается по решению редакционно-издательского совета Сыктывкарского университета.

Рецензенты: сектор языка Института языка, литературы и истории КНЦ УрО АН СССР; **З. А. Прошева** — с. н. с. Коми филиала Института национальных проблем образования.

ВОДЗКЫВ

СЕРНИКУЗЯ. СЫЛОН ПРИЗНАКЪЯС, СИКАСЪЯС

Сёрникузя — тайё грамматическõй законъяс серти лосьбõдõм синтаксическõй тэчас, кодi кутõ õтувъя вежõртас да шуанног серти помасьõм мõвп. Сы отсõгõн ми артмõдам да висьталам ассьыным мõвпъяс, висьталам мыйкõ збыльтор йылысь. Быд сёрникузялõн эм аслас лексическõй вежõртас, аслас тэчасног. Сёрникузясõ артмõдõм могысь торъя кывъяссõ, кывтэчасъяссõ колõ сувтõдны колана формаясõ, колана кывбõръяскõд либõ союзъяскõд, колõ сiдзжõ тõд вылõ босьтны кывъясельсь инсõ. Сёрникузялы лосьялõны татшõм медшõр признакъяс: (а) **вежõртас**. Быд сёрникузяын висьтавьсõ кутшõмкõ мõвп, юõртсьõ мыйкõ збыльтор йылысь; (б) **тэчасног**. Быд сёрникузя артмõ кутшõмкõ структурнõй схема серти. Шуам, нимтан падежа существительнõй + морта глагол либõ существительнõй + прилагательнõй схема серти позьõ артмõдны уна сикас вежõртаса сёрникузяяс (Тулыс воис. Челядь велõдчõны. Пõч мойдõ да с. в.; Тулысыс шоньд. Луныс кымõра да с. в.); (в) **шуанног** (интонация). Сийõс артмõдõны сёрнилõн õдыс, ёнлун (интенсивность), мелодикаыс, шуõмыслõн тембрыс, коставлõмъяс (паузаяс). Сийõ индõ сёрникузя помланъяс гõлõс вежсьõм вылас, петкõдлõ висьталõмысльсь помасьõмсõ, торъя кывъясельсь õти сёрникузяõ пырõмсõ, торйõдõ õти сёрникузяõ мõдсыс, орччõн сулалъсьсьыс. Шуанногõн петкõдльсьõ мыйкõ йылысь юõртõм, юалõм, действие вõчны корõм, тшõктõм, соссьõм, шензьõм, чуймõм, падъялõм да с. в. (г) **предикативность**. Сёрникузяын висьталанторйыс йитчõ олõмса збыльторйыскõд, висьталанторйыс (действиыс, предметыс, признакыс, явлениыс) вермас лоны збыльсь либõ сийõ оз ло, абу, сёрнитъсьыс юõртигас тõдчõдõ, колана-õ, кõсьяна-õ, позяна-õ да с. в. висьталанторйыс. Тайõ и эм предикативность. Сёрникузя содержаннеыслõн збыльторйыскõд йитõдыс, збыльвылас мыйкõ эскõдõм либõ соссьõм и лобõ **предикативностьнас**. Сийõс петкõдлõны кад, модальность, наклонение синтаксическõй категорияяс, а сiдзжõ шуанног, кыв пõрадог. Предикативнõй отношениеясыс тõдчõны сёрникузялõн сюрõса (главнõй) членъяс костын, мõвпсõ петкõдлан (чужтан), гõгõрвоõдан предмет да сылõн признак, действие костын (Пуксис ар. Ывлаыс кõдзыд.). Предикативностьыс вермõ петкõдльсьыны и õти сюрõса членõн, сәки артмõ õти юкõна (õти состава) сёрникузя (Зэрõ. Пемдiс. Тõв); (д) **модальность**. Тайõ сэтшõм грамма-

тической категория, кодї петкӧдлӧ висьталанторйислысь збыльтор дїнас отношениесӧ да сёрнитысьыслысь висьталантор вылас видзӧдлассӧ (отношениесӧ), петкӧдлӧ, кутшӧма донъялӧ сёрнитысьыс сёрникузяыслысь содержаниесӧ. Модальностьсӧ петкӧдлӧны сказуемӧйислӧн формаясыс, наклонение категорияыс, шуанногыс, модальной кивъяс, частицаыс да с. в. (Ме ветлі вӧрӧ — сёрникузяс петкӧдлысьӧ збыльвылас вӧчӧм действие; Ме кӧсья ветлыны вӧрӧ — сёрникузяс петкӧдлысьӧ нин кӧсьяна действие; Ме, гашкӧ, ветла вӧрӧ. Ме ветла кӧ-а вӧрӧ — петкӧдлысьӧ действие вӧчӧмыслӧн чайтӧмыс, тані тыдовтчӧ, мый действиеыс абу вывтї колана, сійӧс пӧзьӧ вӧчны, но абу быть; Меным колӧ ветлыны вӧрӧ — петкӧдлысьӧ действиеыслӧн коланлуныс). Модальность, предикативность да шуанног лӧсялӧны сӧмын сёрникузялы да торйӧдӧны сійӧс мукӧд синтаксической единицаысысь, шум, кывтэчасысь.

Сёрнитӧгӧн ми вӧдитчам уна сикас сёрникузяӧн, найӧ торъялӧны тэчасногнас, предикативной подув лыднас, висьталан могъяснас, эмоциональной рӧмьяснас да с. в. Сы серти, кымын предикативной подулысь артмӧмабсь сёрникузяысыс, овлӧны прӧстой да сложной сёрникузяыс. **Прӧстойнас** лӧй сэтшӧм сёрникузя, кӧні эм сӧмын ӧти предикативной подув. **Сложной** сёрникузяыс артмӧ кык либӧ унджык предикативной подулысь. Збыльторйискӧд йитӧд серти, сы серти, кызди петкӧдлӧны збыльторсӧ, эм-ӧ збыльвылас сёрникузяс висьталӧмторйыс (предикативной отношениеыс сертиыс), сёрникузяысыс юксьӧны эскӧдана (утвердитана) да соссяна (отрицайтана) вылӧ. **Эскӧдана** сёрникузяын висьталанторйыс гӧгӧрвосьӧ кызд збыльвывса, татшӧм сёрникузяс петкӧдлӧм предметыс, действиеыс, признакыс эм либӧ вермас лоны збыльвылас: Коми сёрни мелі, мыла. Парма ёль моз селякылӧ. Сӧстӧм ёль моз сійӧ кывтӧ парма шӧрӧд, видзьяс вывтї (А. Лужиков). Ассьыс горсӧ сетӧ тувсов гым. Шоныд руӧн ӧвтӧ Эжва юсянь. Пӧльтӧ тӧвру... Еджыд-еджыд лым Льӧм пу вылысь пельпом вылӧ усьӧ (А. Лужиков). Соссяна сёрникузяын висьталанторйыс гӧгӧрвосьӧ кызди абу збыльвывса, тані петкӧдлысьӧ, **мый** висьталантор да збыльвывса олӧм костас йитӧдыс абу, оз вермы лоны, индӧм предметыс, действиеыс, признакыс збыльвылас абу, оз вермы лоны, либӧ сёрнитысьыс лыддӧ, мый йитӧдыс абу. Татшӧм сёрникузяысыс юксьӧны тырвийӧ соссяна да абу тырвийӧ соссяна вылӧ. **Тырвийӧ соссянаас** соссьысьӧ сёрникузяыслӧн вежӧртасыс ставнас, соссьысьӧ сказуемӧйыс, кодї артмӧдӧ сёрникузяыслысь предикативной, грамматической подувсӧ. Соссьысьӧ кӧ сказуемӧйлӧн вежӧртас, сідзкӧ, соссьысьӧ сёрникузялӧн вежӧртасыс дзоньнас. Соссьӧмыс петкӧдлысьӧ татшӧм вежӧртаса глаголӧн либӧ **абу** частицаӧн, кодъяс сувтӧдсьӧны медшӧр глагол водзас: Пермса Стефанлӧн шыпас **Эз на чусмы ни вижӧд** (А. Лужиков). Ты узьӧ... Лӧбисны важӧн нин лунвылӧ юсьяс... Узьӧны

юяс. А меным со бара **оз узьсы**. (М. Елькин). Съед кымөр-гундыр йиркакыліг кайё... **Эн повзы** сысы, рочаканьёй, **эн!** (М. Елькин). Тэон чужтөм муслун вөлөм сэтшөм пөсьөн. **Ылөдлыны** тэнсьыд сьөлөм **абу лөсьыд** (А. Лужигов). Соссьёмыс вермө петкөдлысыны и шуанногөн да кыв пөрадокон. Татшөм сёрникузясыс век экспрессивной рёмаось, найё паныдасьлёны сомын йөзкост сёрниын: Кызди жё, локтас сійо! (= оз лок). Виччысь, вөчас сійо! (= оз вөч). Сёрникузяын, көні сказуемойыс нин сулалө соссяна формаын, вермасны лоны и соссяна наречиеяс да местоимениеяс. Сэки соссяна вежөртасыс ёна содө: Некор некытчө эг ветлы.

Соссяна кывийыс кө сулалө оз сказуемой водзас, а сёрникузяса мукөд членъяс водзын, соссьысьö оз сказуемойлөн вежөртасыс, а мукөд членъяслөн, сёрникузясыс **абу тырвийё соссяна**: Дедыс тэрмасьтөг сынё, **оз** и **гырысьён** сыныштав, но öнтая серти водзö кылалёны бурджыка (И. Торопов). Ме төда: **оз кокниа** овсьы, кор ыджыдөс сувтөдан мог (А. Ванеев). Кор орö олөм да **оз висьём** понда, Кор пөрö лыска пу, **оз** косьмөм **конда**, сэк кыз он жугыльмы, он майшась (А. Мишарина).

Сёрникузяяс, көн эм грамматическөя петкөдлөм эскөдөм и соссьём, шусьёны **эскөдана-соссянаясөн** (отрицательно-утвердительнойясөн). Татшөмъяснас вермасны лоны прөстөй и сложной сёрникузяяс. Сложной сёрникузяяслөн тшөкыда öти юкөнныс овлө эскөданаөн, а мөдыс — соссянаөн: Шыльыд туй вивтi **восьлавны кокныд**, он нин, майбырöй, **джөмды** ни **усь** (В. Власов). Кор ми мөдөдчам чой-вок чукөр Корсьны асьыным шуда шег, мам-бать чужөмө содтөд чукур, көть **ог көсийöй**, а содтам век (А. Лужигов). Тян водзын войт мында **ог ошйысь** — нем жалиттөг **босьтi** эськө лов Парма вöрас медся ыджыд ошлысь, Сысысь, ёртъяс, ачым кө **эг пов** (М. Елькин).

Мукөд сёрникузясыс форма сертиыс быттьö соссяна, а збыль вылас сэнi зэв вына эскөдөм төдчö: Галина локтiс көкъямыс бөрын нин, **казявтөг эз ов** Павелөс (Г. Юшков). Танi кык соссяна кыв, кык пөвета соссьёмыс и артмөдö ыджыд вынөн мыйкө эскөдөм. Татшөм сяма сёрникузясыс зэв выразительнойөсь, ёна сөвмөмаось коми кывийын, тшөкыда овлөны йөзкост сёрниын.

Быд сёрникузялөн эм аслас мог — мыйкө йылысь юөртны, юавны, кодөскө корны мыйкө вөчны. Висьталан могъяс сертиыс сёрникузясыс овлөны юөртанаяс, юаланаяс да чуксаланаяс. **Юөртанаяс** — сэтшөм сёрникузя, көні сёрнитысьыс юөртö збыль-вывса факт, действие, явление, лоөмтор йылысь, могыс налөн — юөртны кывзысьыслы мыйкө выльтор. Юөртанторийыс (предметыс, действнеыс) вермө эскөдсыны либө соссьыны. Татшөм сёрникузясыс паныдасьлө медся тшөкыда, сэнi петкөдлысьö помасьём мөвп, сылы лөсялө юөртана шуанног: Лэчыд дорышнас медводдза кодзув со югнитiс ёся... Воча ыпнитiс кодлөнкө выльөн на мыськалөм öшинь (М. Елькин). Мичаөн да нерөн юсьылы колö

лоны нэмыс: Еджыд вылө съодыс усьлө, абуыс и эмыс (А. Лужи-ков). Сöстөм лымыён шоныда кышасьом вөр дзирыда югъялө лыдтөм эзысь киньясөн (И. Торопов).

Юалана сёрникузяын сёрнитысьыс шыдчө мөд морт динө да корө висьтавыны мыйкө вьльтор, мый йылысь сийө оз на төд, мо-гыс сьлөн — мыйкө вьльтор төдмалөм. Медся тшөкыда юалана сёрникузяыс паныдасьлөны диалогын, сёрнитысьяс костын, көні эм юалөм да сы вылө вочавидзөм. Юалөмсө грамматическөя петкөдлөны юалана шуанног, кыв пöрадок (сийө кывйыс, коді йитчөма юалөмыскөд, сувтөдсьө сёрникузя водзас), юалана кывъяс (коді, мый, кодлөн, кымынөд, кытчө, көні да с. в.), юалана ча-стицаяс (ө, өмөй, нө). Овлөны сэтшөм юалана сёрникузяяс, көні эм юалөм, код вылө быть колө вочавидзны. Тайө сідз шусяна збыль юалана (собственно-вопросительной) сёрникузяяс:

— Төдан, Ванюк, мыйла тайө ягас медьёна быдмө еджыд гобыс?

— Местаыс, тыдалө, бур, дедуш... Шондыс веськалө... Ю дор... Сук яла нитш...

— Сідзи, сідзи, пиө... (И. Торопов).

— Пөмнитан, ме тэныд Пера йывсьыд мойдлі?

— Да... (И. Торопов).

Эмось сэтшөм юалана сёрникузяяс, көні юалөмнас чуксалөны вөчны кутшөмкө действие (вопросительно-побудительнойяс): Мый нө, зонъяс, горөктылам? Гашкө, вьльног важө сьылам (И. Куратов). Гашкө, удж йылысь сёрнитыштам?

Паныдасьлөны и сэтшөм юалана сёрникузяяс, көні эм юалөм, но юалөмыс оз кор вочавидзөм, сы вөсна мый вочавидзөмыс эм нин юалөмас. Сёрникузяяс эм риторическөй юалөм, ыджыд вынөн мыйкө эскөдөм (вопросительно-риторическөй сёрникузяяс): Коді нө оз төд мян кадө Куратовсө?!

Чуксалана сёрникузя петкөдлө сёрнитысьыслысь көсийөмсө, сьлөн могыс — кодөскө кутшөмкө действие вөчны корөм, тшөктөм. Висьталысьыс тшөктө, корө кодөскө мыйкө вөчны, сеталө советьяс, өлөдө: Шоныд тувсов войөй, Мыйкө меным мойд! Мойд... Но, зарни чойөй, Сьөлөмөс эн дойд! (В. Лыткин). Петав, петав, югыд шонді, Кымөр улысь петав (В. Лыткин). Татшөм сёрникузяяс вермө петкөдлыны и өтувья действие вөчны корөм: Ветламөй ставөн видз вылө! Медсясө паныдасьлөны чуксалана сёрникузяыс йөз кост сёрнын, кык либө унджык морт костын. Художествоа гижөдын найө вермөны паныдасьлыны стилистическөй могьясөн, кор гижысьыс көсийө кыскыны лыддысьыслысь вниманьесө. Грамматика боксян чуксалөмсө петкөдлөны чуксалана шуанног, ка-дакывлөн (глаголлөн) тшөктана (повелительной) наклонение, чуксалана частицаяс (мед, вай), ашөр, зависиттөм инфинитив, кодөс шуөма аслысыа чуксалана шуанногөн.

Эмоциональной рөм сертиыс овлөны горөдана да горөдтөм

сёрникузяяс. Горёданаяснас лооны сэтшөм сёрникузяяс, көні эм ыджыд эмоцияон, ыджыд чувствоон мыйкё йылысь висьталөм. Татшөмъяснас вермасны лоны юёртана, юалана да чуксалана (медся тшөкыда) сёрникузяяс. Быд сёрникузяын мыйкё йылысь висьталёны, юалёны, корёны, чуксалёны мыйкё вөчны, и налён быдёнлён вермас лоны содтөд эмоциональнөй рөм. Горёдана шуанногыс петкөдлө радлөм, шогсьөм, шензьөм, чуймөм, скөрмөм да с. в.: Олан жё вылан тэ, Ас чужан му: Веж еджыд яг нёрыс, Дзирдалан ю! (В. Лыткин). Кодзулөй, кодзулөй, енежса кодзулөй! Мыйла нө югыда дзирдалан? Дзирдалан-югьялан, өгыр моз ломтысян, любуйтчан-гажөдчан, синъяснад лапйөдлан?! (В. Лыткин). Татшөм сяма шуанног кындзыс сёрникузяяс вермасны лоны и горёдана кывъяс, частицаяс да междометнеяс, кодъяс шусьёны горёдана шуанногөн. Найө век сулалёны сёрникузя водзас: Кутшөм шоныд асыв талун! Ывла вылыс мелі, бур! (В. Лыткин). Кутшөм мича вөрыс! Ок и интереснөй книга!

МЕДВОДДЗА ЮКӨН

ПРӨСТӨЙ СЁРНИКУЗЯ

Прөстөй сёрникузяяс овлө синтаксис боксянь юксянаон либө синтаксическөй юксьытөмөн. Синтаксис боксянь юксянаясыс вермасны лоны өти составаон либө кык составаон.

Луныс зэв мича. Лымъялө. Ок! — Тайө куимнан сёрникузяяс-лөн эм өткодьлун — найө лооны коммуникативнөй юкөнөн, на өтсөгөн ми висьталам мыйкё збыльтор йылысь, но налён эм и торъялөм, сійө тыдовтчө тэчасногсьыс, медводдзаяс — кык юкөна сёрникузя, көні эм подлежащөй да сказуемөй; мөдыс — өти состава, көні эм сөмын сказуемөй, подлежащөйыс абу да оз и ков; коймөдыс лоө синтаксис боксянь юксьытөмөн, сэні абу ни подлежащөй, ни сказуемөй, ни содтана членъяс.

Содтана членъяс сертиыс эмөсь паськөдтөм (распространитөм) да паськөдөма (распространитөм) прөстөй сёрникузяяс. Вежёртас да тэчасног сертиыс кө эм став колана членыс, сёрникузяяс лоө тырманаон (полнөйөн), а оз кө тырмы өти либө унджык колана член, сёрникузяяс абу тырмана (неполнөй).

Прөстөй сёрникузяын торъялөны сюрөса (главнөй) да содтана (второстепеннөй) членъяс. Сёрникузялөн членъясыс — сійө сёрникузялөн структурно-семантической юкөнъяс, кодъяс йитчөмаөсь өта-мөдыскөд синтаксической отношенииясөн. Сёрникузяын медшөр инсө босьтөны подлежащөй да сказуемөй, найө лооны сюрөса членъяснас, на костын эм предикативнөй йитөд, найө артмөдөны сёрникузялысь предикативнөй, грамматическөй подувсө, тэчасног сертиыс быть коланаөсь. Содтана членъясыс гөгөрвоөдөны

сюрёсаяссё либё мукёд содтанасё, паськёдёны налысь вежёртас-сё, вермёны лоны абу быть коланаён (факультативнэйён), но ёткымын сёрникузян (торйён нин ёти составаын) найё овлёны тэчасног сертиыс быть коланаён, сідзжё и вежёртас сертиыс вермасны лоны быть коланаён, отсалёны кё найё петкёдлыны медшёр мёвпсё.

КЫК СОСТАВА СЕРНИКУЗЯ

Тайё сэтшём сёрникузя, кёні эм кыкнан сюрёса членыс — подлежащэй да сказуемэй, кодъяс артмёдоны предикативнэй подувсё, пырёны структурнэй схемаас. Найёс вермасны паськёдны, гёгёрвоёдны содтана (второстепеннэй) членъяс. Подлежащэйыс да сы дінё йитчысь кывъясыс артмёдоны подлежащэйылысь составсё, а сказуемэй да сы дінё йитчысь кывъясыс — сказуемэйылысь составсё.

ПОДЛЕЖАЩОЙ

Подлежащэй — сійё сёрникузялён сюрёса асшёр член, коді петкёдлё сёрни предметсё, коді мыйкё вёчё, олё кутшёмкё состояниены. Подлежащэйнас вермас лоны:

1) нимтан падежа существительнэй (татшёмыс медся тшёкыда паныдасьлё): **Олём, олём** — абу мойдём. **Олём** ётдортлё да дойдлё (А. Лужиков). Бара воис **тулыс**. Пондїсны варовитны-бузгыны Печораё тэрмасьыс **шоръяс**. Югьд **шондї** азыма нюліс пармалысь лымсё (И. Торопов). Сёстём лымйён шоныда кышасьём **вёр** дзырыда югъялё лыдтём эзысь киньясён (И. Торопов);

2) нимтан падежа нимвежтас (местоименне): Рас шёрысь нэрник кыз пу **ме** адзылі (В. Лыткин). Кыйсьыліс пёльёй... И чомйыс на ты бокрын ловъя. **Ачым** на зэръясысь сы пытшкё дзесьыла, овлё (М. Елькин). **Кодкё** гудёкён ворсё, ворсё ливкйёдлїгмоз (А. Лужиков). И **некод** абу тани... Шондї сёмын... Да ыркыд тёв... (И. Торопов);

3) лыда да собирательнэй числительнэйяс, лыд петкёдлысь кывъяс: Мыйла бара абу быд мортлён ёткодъ сямыс! Мыйла ётияс син лапнитлытёг видзёдоны быдтор вылё, а **мёдъяс** яндысьёны весиг асланыс югьд думъясысь? (Я. Рочев). Сьылёны муньясыс, Сьылёны **витнанныс** (В. Лыткин). **Кызь** юксё дас вылё. Август помланё **куимён** лёсьёдчисны мунны Печора вылё!.. (И. Торопов);

4) субстантивируйтём прилагательнэйяс да причастиеяс: ... ёшиньясын Вильшасис сэк энэжыслён **сэзь** (А. Ванеев). **Лёзь-югьд** сёдзёдчыны пондїс (Г. Юшков). А гёгёр пемдё и пемдё.

Кыддза-пипуа раскын лөнисны медбөръя **сылысыяс** (И. Торопов). Асывводзнас **кывтысыяс** воисны Воя вомö (Я. Рочев);

5) инфинитив. Татшöм инфинитивыслөн зэв паськыд вежöртас, сылы лöсялöны глаголлөн да существительнöйлөн признакъяс. Сылөн кольö «действие» вежöртасыс, оз субстантивируйтчы, сы вöсна инфинитивөн петкöдлöм подлежащöйлөн оз вермы лоны определение. Татшöм подлежащöйыс век сулалö сказуемöй водзас: **Велöдчыны** — миян мог.

Подлежащöй пыдди вермасны мунны и синтаксис боксянь юксытöм кывтэчасъяс, көнi зависитысь кывйыс стöчмöдö сюрöсасö. Подлежащöйөн лöоны кывтэчасъяс, кодъяс артмöмабсь:

1. морта да усилительнöй местоимениеыс либö существительнöйыс да усилительнöй местоимениеыс: **Ачым ме думайтi**, гашкö, матö сё во сайын тайö степ вомöны Иван Куратовлөн вуджöм йылысь (С. Морозов). **Зонъяс асьныс** ужнайтисны би мöдарын, сёйисны-юисны чöла... (И. Торопов);

2. нимтан да öтвывтан падежа существительнöйысысь либö татшöм жö падежа местоимениеысысь. Татшöм подлежащöйыс петкöдлö öтувъя действие вöчысыясöс: **Терень Чумановкöд** пукавлисны быд рыт öтлаын. Ой, олöм, олöм! Тэньсыд донтö ме лэпта лунысь лунö. **Ми тэкöд** видчыны ог пондö, Тэ кольччы, а ме муна (И. Куратов). **Ми Знакöд** вуджам бадь бурыйсь вомөн да петам видз вылö (И. Торопов). Татшöм подлежащöй бердас сказуемöйыс сулалö уна лыдын, а сiйö кө öтка лыдын, сiдзкö, подлежащöйнас лöб сöмын нимтан падежа существительнöйыс (местоимениеыс), а öтвывтан падежаыс лöб дополнениеöн.

3. числительнöйысь либö лыд петкöдлысь кывйысь да существительнöйысь (местоимениеыс): **Кык чой** пуксисны лөнъ сынöдын гажаа ыргысь би дорö, рöч дорышö лöсьöдöм пöв вылö... (И. Торопов). **Фронт** вылö мунис **нель братан** Граница дорысь зырны врагöс (А. Размыслов). Рытывбыд **öтнам** ме гуляйтi. Зэв гажа вöли нöрыс йыв... (Ф. Щербаков). **Найö** куймөн пуксисны пызан сайö да дыр сёрнитисны (Я. Рочев).

4. морта да обобщайтана, индана да обобщайтана либö морта да соссяна местоимениеысысь: **Быдөн тi** уджаланныд бура. Латкинлы **некоднанныс найö** эз висьтавны нинöм (Г. Фёдоров). **Ставыс тайö сетiс** Генялы выль вын (Я. Рочев).

5. существительнöйысь да обобщайтана местоимениеысь: Сэзь вой. Лөнъ-чөлö вöйöма **став сикт** (А. Размыслов). Уна туй вылын каръяс да сиктъяс, Пыра керкаö кызди важ гöсть. И **быд көзьяка** узянин ликтö, зiля лöсьöдö вольпась выв пöсь (А. Размыслов);

6. существительнöйысь (местоимениеысь, существительнöй пыдди мунысь кывйысь) да **пöвстысь, кындзи, пиысь** кывбöра существительнöйысь (местоимениеысь, лыда кывйысь): Нывъяс узьмöдчисны вылi судтаса ичöтик жырйö... Мужичöйяс меститчисны улö, зэв ыджыд жырйын да верандаын **наысь кындзи некод**

жб̄ эз вб̄в (И. Торопов). ...тайб̄ лб̄нь асывводзнас сыб̄сь кындзи сиктын унаб̄н оз узьны (Я. Рочев). Кодсюрб̄ зонъяс пыб̄сь гижб̄ны висьтъяс;

7. кывтэчасысь, коді артмб̄ма числительнб̄йсысь, гб̄гб̄р, кымын кывъяссысь да существительнб̄йсысь, либб̄ числительнб̄йсысь, б̄ частицаысь да существительнб̄йсысь: Дас гб̄гб̄р морт муніс видз вылб̄. Первой лунас уджалісны медся унаб̄н Василь участокын. Об̄лб̄канкб̄д петісны сб̄мын вит-б̄-квайт морт (В. Юхнин);

8. существительнб̄й пыдди мунысь кывб̄йсысь да сыб̄сь зависытысь кывъяссысь: Кб̄р дорын ветлысыяс пыр радб̄сь ловъя морттыдлы (Я. Рочев). Гожб̄мын керкаб̄ пыжб̄н ветлысь морт оз пыр..., а узьмб̄дчас ывла вылб̄, вонб̄б̄ (В. Чисталёв).

Подлежащб̄йб̄н вермб̄ны лоны и фразеологизмъяс, быдса сёрникузяяс, кор найб̄ муноны нимтан падежа существительнб̄й пыдди, а сідзжб̄ книга, учреждение да с. в. нимъяс: Ёсь тышын чужис Керчомъяса «Выль олб̄м» коммуна (Югьд туй).

СКАЗУЕМОЙ

С к а з у е м б̄й — сиб̄б̄ сёрникузялб̄н сюрб̄са член, коді петкб̄длб̄ подлежащб̄йлысь предикативнб̄й признак (действие, процесс, состояние, свойство, качество) да индб̄ сёрникузялб̄н став объективно-модальнб̄й да кад вежб̄ртасъяс вылб̄. Сиб̄б̄ артмб̄дб̄ сёрникузялысь предикативнб̄й подувсб̄. Лексическб̄й да грамматическб̄й вежб̄ртасъяссб̄ петкб̄дланног сертиыс сказуемб̄йыс юксб̄ торъя сикасъяс вылб̄. Тэчасног сертиыс сиб̄б̄ овлб̄ прб̄стб̄йб̄н да составнб̄йб̄н, прб̄стб̄йыс артмб̄ б̄ти кывб̄йсысь, составнб̄йыс — кыкысь. Кыдз прб̄стб̄й, сідз и составнб̄йыс вермасны лоны сложнб̄йджыкб̄н. Сы серти, кутшб̄м кывсикасб̄н петкб̄длб̄ма сказуемб̄йсб̄, сиб̄б̄ овлб̄ глаголнб̄йб̄н, нимаб̄н да наречнб̄йб̄н.

Прб̄стб̄й глаголнб̄й на с лб̄б̄ быд пб̄лб̄с лексическб̄й вежб̄ртаса ашб̄р морта кадакывб̄йб̄н либб̄ действие вылб̄ индысь-ысь, -тб̄м суффикса причастиеб̄н петкб̄длб̄м сказуемб̄й. Сылысь лексическб̄й да грамматическб̄й вежб̄ртасъяссб̄ петкб̄длб̄ б̄ти кыв, кадакывб̄йыслб̄н кывдіныс индб̄ лексическб̄й вежб̄ртас вылас, а суффиксысыс — морт, лыд, кад, наклонение вылб̄: Пб̄льтіс чизыр вой тб̄в (Г. Фёдоров).

Но корсюрб̄ прб̄стб̄й глаголнб̄й сказуемб̄йыс вермб̄ артмыны и кык кывб̄йсысь, тайб̄ овлб̄ сэк, кор глаголыслб̄н колян да локтан кадыс артмб̄ма аналитическб̄й, кык юкб̄нысь: Коркб̄ пожьясъб̄ вб̄лі Вириня и кыліс пыжб̄н катысьб̄с (Г. Юшков). Прб̄стб̄й глаголнб̄йб̄н лб̄ и зумьд глаголнб̄й кывтэчасб̄н (фразеологизмб̄н) петкб̄длб̄м сказуемб̄й: — Аттьб̄, — шуис Доронин да нюм жб̄ лэдзіс (Г. Юшков).

Коми кывб̄ын прб̄стб̄й глаголнб̄йб̄н лб̄ и -ысь суффикса при-

частиеён петкөдлөм сказуемой, татшөм причастиеыс индө активнөй действие, процесс вылө: Ме армияö **мунысь** (И. Торопов). — Ой, Федя, а карас өд тэ, көнкө, регыдик **олысь?** (И. Торопов). Рытнас ме бөр **мунысь**, мамө. Менө удж вылө корөны (Г. Юшков). -төм суффикса причастиеён петкөдлөм прөстөй глагольнөй сказуемой индө сы вылө, мый действиесө кутшөмкө помкаяс вөсна абу вөчөма: Ме ачым **пажнайттөм** (Г. Юшков).

Коми кывйын зэв тшөкыда паныдасьлө ослонитөм прөстөй глагольнөй сказуемой. Сийö висьталө оз сөмын кутшөмкө действие мунөм йылысь, но и донъялө действиесө, гөгөрвоөдө сийөс. Сылөн медшөр вежөртас кындзыне пыр эмөсь содтөд рөмьяс. Позьö индины сьөктөдөм (сложноймөдөм) прөстөй глагольнөй сказуемойлысь татшөм медшөр сикасыяс:

1. повторяйтчысь морта глаголысь артмөм сказуемой. Глаголыс повторяйтчө союзьастөг либө союзьасөн: Жарыс **содө-й содө!** Гожея шондй сотө (В. Лыткин). Идравтөм видзьяс вылын гөг вөрзьытөдзыне мыйкө асьыныне **сьылөны и сьылөны** чиркъяс (И. Торопов). А лымйыс **сапкис и сапкис**, төвся дзурыд лым, вesityсь нин джуджыда шебраліс турдөм мусө (Г. Юшков). Повторяйтчысь морта глагол дорас вермасны лоны частицаяс: **Вермам не вермам**, а видлам (И. Торопов). Петкөдлө татшөм сказуемойыс дыр мунысь, өна мунысь действие;

2. изобразительнөй либө звукоподражательнөй глаголысь да медшөр глаголысь артмөм сказуемой. Изобразительнөй да морта глаголыс сулалөны өткодь грамматическөй формаясын. Морта глаголыс индө медшөр действие вылас, а изобразительнөйыс сетө действиеыслы донъялөм, индө; кыдзи, кутшөм ногөн вөчсьө действиеыс: Со тай ош **варгыльтө-локтө** (В. Лыткин). Эжва кузя **шывгө-локтө** лым кодь еджыд пароход (В. Лыткин). Вына Эжва **шуньгө-мунө**, Шывгө мича Эжва ю (В. Лыткин). Галина жыр тырнас **чарснитіс-серөктіс** тадзисө өткодялөмысь (И. Торопов). Керка бердөдыс, Дзоля эрдөдыс **Дзольгө-визувтө** ичөтик шор (П. Шеболкин). Медся уна изобразительнөй глагол паныдасьлө ветлөм-мунөм петкөдлысь глаголъяскөд (мунны, ветлөдлыны, локны, петны, котравны да с. в.), а сідзжө шуны, сёрнитны, виставны, серавны, сывны, бөрдны, видзөдны, сөйны, юны да с. в. глаголъяскөд. Татшөм сказуемойыс сёрникузясө вөчө торйөн нин мичаөн, выразительнөйөн;

3. кык ашөр вежөртаса морта глаголысь артмөм сказуемой. Глаголъяс писысь өтныс индө медшөр действие вылас, а мөдыс петкөдлө кутшөмкө содтөд действие, кодй вөчсьө медшөр действиеыскөд өти кадө: ...бура кисьмөм сэтөр розьясыс **югьялісны-өшالیсны** сьөд виноград кодьөсь (И. Торопов). Да нөшта посни челядь **горзісны-исласисны** (И. Торопов);

4. сказуемой, кодй артмөма өткодь формаа кык ашөр глаголысь, на пиысь өтныс петкөдлө медшөр действиесө, а мөдыс индө

действиеслөн вын, степень вылас: Нылыд **ыпнитіс-гөрдөдіс**, кыв шуны эз куж (И. Торопов). ...енэжыс вочасөн **гөрдөдіс-доналіс** (Б. Шахов);

5. глагол-синонимьясысь либө матысса вежөртаса глаголъясысь артмөм сказуемöй. Сійö паныдасьлө сэк, кор колö тöдчöдны действиесö, пасйыны дыр, ёна мунысь действие: Вөртас сайö **водіс-узьмөдчис** шонді (И. Торопов). Уна и удж найö **керисны-вөчисны** асланыс нэм чөжөн (Г. Фёдоров). Тэ пö, Надьö, шуисны складаын, видлы пö Марьясö, кызди пö **бурдö-лечмө** (Е. Рочев);

6. морта глаголысь да сэтшөм жö кыввужъя инфинитивысь артмөм сказуемöй, коді индö ёна мунысь действие вылö, действиесö тöдчөдөм вылö: **Кöсийсыны — кöсийсыбны**, а вот делö вылас нинөм (Я. Рочев). **Думыштны думыштіс**, но нинөм эз шу, ни водзөсö юасыны эз кут, сөмын гусьөн ышлалаліс (Я. Рочев). **Вунөдны эг вунөд**, но сэсянь öд уна ва визувтіс (Г. Фёдоров). **Сывны эз сыв, сотчыны эз сотчы**, код тодас, кöні шландайтö... (Я. Рочев);

7. кык ашшөр морта глаголысь артмөм сказуемöй. Глаголъясыс индöны сьöрсьөн-бөрсьөн вөчсысысь действиес вылö: **Чужибдыми** Эжва бердын, Колли сәні ичөтдыр (В. Лыткин). А сэся öд и ловъя пуыс, ловъя вöрыс сымда на мукөд пөлөс озырлун **чужтö-быдтö** (И. Торопов);

8. морта глаголысь да сэтшөм жö кыввужъя деепричастиеысь артмөм сказуемöй. Сійö индö ёна мунысь, интенсивнöй действие вылö: Сьөлөмсö сылысь **йирөмөн йирис** и öбида, и вежөктөм, и асьыс вынтөмлунсö чувствуйтөм (Г. Фёдоров). Макла сиктысь **сылөмөн сылі** став прамөйджык мужикуловыс, тшөтш и Гея (Я. Рочев).

Прөстөй глагольнöй сказуемöйлысь лексическöй да грамматическöй вежөртасьясö кö петкөдлө öти кыв, öти морта глагол, то составнöй глагольнöй сказуемöйлөн тайö вежөртасьясыс петкөдлысьöны торйөн. Сійö век артмө кык юкөнысь: морта кадакывйысь да сы дінö примыкайтесь инфинитивысь. Инфинитивыс петкөдлө сказуемöйсылысь медшөр лексическöй вежөртассö, конкретнöй действиесö, но сійö оз вермы индыны грамматическöй вежөртасьяс вылö, сы вöсна татшөм сказуемöяе колö сөдтөд, отсаяна глагол. Отсаяна кадакывьясыс кушшөмакö век воштöны асьыныс лексическöй вежөртассö, налөн вежөртасыс паськыд (абстрактнöй), татшөм глаголъясыс петкөдлөны сказуемöйлысь став грамматическöй вежөртассö: лыд, морт, кад, наклонение, модальность. Морта кадакывйыс да инфинитивыс топыда йитчöны öта-мөдыскөд, гөгөрвоөдöны öта-мөдсö, налөн действие вөчысыс öти и сійö жö морт. Составнöй глагольнöй сказуемöйö пырысь инфинитивыс век субъектнöй: И Ламбей дугдіс **сёрнитны** (В. Юхнин). Уткин бөръя кадö **поліс воływлыны** тестыс ордö (Г. Фёдоров). Но отсаян глаголыс кö пасйö öти мортлысь действие, а инфинитивыс — мөд мортлысь, сәки инфинитивыс

нитивыс лоо объектнойон, сёрникузьян лоо дополненной, морта глаголыскод оз артмод составной глагольной сказуемойсё. Морта глаголыс лоо прстой глагольной сказуемойон: Прошкалы мачекаыс рытсаныыс на **тшөктіс** асывнас вөв **корсьны** (Я. Рочев). Көзяин **корис** гөстьясөсө чай юны (Я. Рочев). Лэччисны ва дорө да Виринея ачыс пуксис сынны, а Ардальонлы **тшөктіс** бө жа вны (Г. Юшков). И ачыс льөм пу дзебсьынысө тшөктө, Кор тадзи вежсө ывлаыслөн сер... (М. Елькин).

Отсаян глаголыяс пыдди вермөны мунны сөмын торъя вежөртаса непереходной кадакывъяс. Вежөртас сертиыс овлөны фазисной да модальной отсаяна кадакывъяс. **Фазиснойясыс** петкөдлөны действиеыслыс (а) заводитчөмсө либө (б) помасьөмсө. Татшөмъяснас лооны (а) заводитны, **кутны, мөдны, пондыны**, босьтчыны, кутчысыны да с. в. (б) дугдыны, помавны да с. в.: Асывнас... деда-внука бара пуксисны пыжө да водзө на **пондїсны катны** Льөм-юбд (И. Торопов). Бара **кутіс матысмыны** тулыс (Я. Рочев). Ким **помаліс лыддынысө**, лои шыни төв (И. Торопов). Пон дугдїс **увтны** (Я. Рочев). **Модальной** глаголыясыс петкөдлөны действие вөчөмыслыс позянлунсө, коланлунсө, кужөмлунсө, көсйөмсө, чайтөмсө, сөгласитчөмсө, полөмсө, радейтөмсө да с. в. Татшөмъяснас лооны **вермыны, кужны, сяммыны, вевъявны, гөгөрвоны, көсйыны, окотитны, зільны, видлыны, сёрмыны, сөгласитчыны, өткажитчыны, повны, яндысыны, радейтны, лысьтны, смелмөдчыны, дөзмыны** да с. в.: Көсья ме сыланкыв **тэчны** Асья шондї югөрсьыс мичаөс, Тувсов шонид лун төвсьыс небыдөс, Гожея дзырыд шондїсьыс чорыдөс... (В. Лыткин). Көсья ме сыланкыв **тэчны** Посни сөстөм дзирдалан изьясысь... (В. Лыткин). Онї сэсся ті **верманныд мунны**. Ёгор нинөм эз **сяммы шуны** (Я. Рочев). Накөд тшөтш **окотитіс мунны** и Домна Каликова (Г. Фёдоров).

Составной глагольной сказуемойыс вермас лоны **сьөктөдөмаөн (сложноймөдөмаөн)**. Сэни кык грамматической вежөртасыс (фазиснойыс да модальнойыс) петкөдлысьөны кык торъя глаголөн. Татшөм сказуемойяс инфинитив формаа отсаян глагол да медшөр глаголыслөн инфинитивной форма кындзыыс эм нөшта и морта отсаян глагол (морта отсаян глагол + отсаян глагол инфинитив формаын + медшөр глагол инфинитив формаын): Дыр мысти пукалысыяс **заводитісны лөсьөдчыны** гортсаяслы **гижны...** (Г. Фёдоров). Составной глагольной сказуемойыс сложноймөдсьө и изобразительной глаголөн инфинитивөн: Сэсся дедушыс, вөсни пөтшваа ас көтіа кокъяснас кызкө зөв небыда тувччалігтыр, **пондїс кыньксьөдны-мунны**, весиг ув оз тричнит кок улас (И. Торопов).

Нимаөн лоо существительнойон, прилагательнойон, местоименнойон, числительнойон да признак вылө индысь причастиеөн петкөдлөм сказуемой. Наречие артмөдө наречной сказуемой. Лыд-

дъдлѡм нима кывсикасъясъсказуемѡй пыдди вермасны мунны связкаястѡг, ашѡра, либѡ связкаясѡн. **Нима** (предикативнѡй) **юкѡныс** петкѡдлѡ сказуемѡйыслысь лексическѡй вежѡртасѡ, предметыслысь признаксѡ. Связкаыслѡн абу тыр лексическѡй вежѡртасыс, сы вѡсна сѡйѡ ашѡра оз вермы артмѡдны сказуемѡйсѡ. **Связканас** лѡѡ непереходнѡй глагол, кодлѡн ставнас либѡ неуна, джынвийѡ вошѡма лексическѡй вежѡртасыс да петкѡдлѡ морт, лыд, кад, наклонение грамматическѡй вежѡртасыс, йнтѡ нима юкѡнсѡ подлежащѡйыскѡд. Овлѡны отвлечѡннѡй, полуотвлечѡннѡй да знаменательнѡй связкаыс. **Отвлечѡннѡй связкаыс** — тайѡ **вѡвны** глагол, кодлѡн абу некутшѡм лексическѡй вежѡртас, а эм сѡмын грамматическѡй вежѡртасыс. **Полуотвлечѡннѡй связканас** лѡѡны абу тыр лексическѡй вежѡртаса глаголъяс, найѡ корѡны сувтѡдны ас дѡнас ашѡр вежѡртаса мѡд кыв, асьныс ашѡра оз вермыны лѡны сказуемѡйѡн. Татшѡмъяснас лѡны **висьтасыны, шусыны, кольны, лѡны, овлыны, пѡрны, пѡртсыны** да с. в. глаголъяс.

Знаменательнѡй связкаяснас лѡѡны ашѡр лексическѡй вежѡртаса глаголъяс. Найѡ петкѡдлѡны сказуемѡйыслысь став грамматическѡй вежѡртасѡ, налѡн сѡдзжѡ эм и лексическѡй вежѡртас. Но сказуемѡйыслысь лексическѡй вежѡртасѡ петкѡдлѡм могысь колѡ нима юкѡныс, подлежащѡйыслысь признаксѡ петкѡдлысь нима кывсикас. Ашѡр глаголыслѡн лексическѡй вежѡртасыс нима кывсикасыскѡд йнтѡдын чинѡ, логическѡй ударениеыс усѡ предикативнѡй юкѡн вылас, а оз глагол вылас. Татшѡм связкаяснас лѡѡны сѡтшѡм кадакывъяс кыдзи **мунны, ветлѡдлыны, сувтны, уджавны**.

Нима сказуемѡйлѡн **предикативнѡй юкѡныс** — сѡйѡ тыр лексическѡй вежѡртаса ашѡр нима кыв, кодѡ индѡ мортлѡн, ловъя ловлѡн, предметлѡн признак вылѡ. Предикативнѡй юкѡннас овлѡ:

1) нимтан падежа существительнѡй, кодѡ паныдасылѡ ашѡра либѡ связкаяскѡд. Онѡя кадын связкаыс оз овлы, сылѡн абутѡмыс и индѡ онѡя кад вылас: А онѡ сѡйѡ медбур **буритчысыс** Ухтаас (Г. Юшков). Петкѡдлысь кѡ предметыслы пыр лѡсялана признак, связкаыс оз жѡ овлы: И Коми му — **Россиялѡн жѡ юкѡн**, и Ленин коми йѡзлы **асшѡр морт** (А. Ванеев). Эм связка паныдасылѡ зѡв шоча. Сѡйѡн вѡдитчѡны сѡмын сѡтшѡм сѡрникузясыс, кѡнѡ подлежащѡйсѡ да сказуемѡйсѡ петкѡдлѡма нимтан падежа ѡти кыввужъя существительнѡйѡн: Мойдыд **мойд** и эм. Мойднад быдтор позьѡ. (Г. Фѡдоров). Арся ззырд — **арся зэр** и эм... (В. Безносиков). Каньыд **кань** и эм, кѡть и пѡт, а кыйсян руыс, тѡдѡмысь, босьтлѡ на (Г. Юшков);

2) керанторъя падежа существительнѡй, кодѡ паныдасылѡ отвлечѡннѡй, полуотвлечѡннѡй да знаменательнѡй связкаяскѡд: Батыс коркѡ **вѡвлѡма кузнечѡн** (И. Куратова). **Вѡралысьѡн висьтасын**, а пон ни пищаль? — юалис Самарин (Г. Юшков);

3) асалан падежа существительной: Гөлөсыс **вөлі Степыс Розалөн** (И. Торопов);

4) торйодан падежа существительной. Паныдасьлө медсясө **овны, кольны** глагол-связкаяскөд: Став Печора вожыс да Эжвайылыс **няньтөг кольоны** (Я. Рочев). Ачыс сийө куим арөсөн **батьтөг коли...** (Н. Куратова);

5) ина падежа существительной, коді вермө паныдасьлыны связкаястөг либө отвлеченной, полуотвлеченной, знаменательной глагол-связкаяскөд: Прамөй йөзыс важөн нин ставыс **колхозынось...** (Г. Фёдоров). Кынева **вөлі уличаын** нин (В. Юхнин). Меөд карын бара нин **слугаын ола**. Абу, Павел Ламбей **абу өбидаын** (В. Юхнин);

6) петан падежа существительной, коді сказуемой пыдди вермө мунны ашөра либө отвлеченной да полуотвлеченной связкаяскөд: Пөтөлөкыс лөсийтөм **плакаясысь**, джоджыс **муысь**, кытчө вольсалөма турун (В. Юхнин). ... сэся нывбаба друг быттьө **сайкалыштис сёрнисыс**, вежсьөм синъясөн видзөдліс Света вылө (И. Торопов). Вежон чөж живгыс асыв-вой төв да **уси жө сэся эбөссыс** (Е. Рочев);

7) пыран падежа существительной, коді паныдасьлө сөмын полузнаменательной да знаменательной связкаяскөд: Кыз туруныс Виринеялөн **зорөдө** нин воис... (Г. Юшков). Дженьыд гожөм төдлытөг **вуджө арө** (Я. Рочев). ... шылыыд туйөд мунигад **мортө он во** (М. Игнатов). Ардальон сэки ачыс **көзяинө воас** (Г. Юшков);

8) матыстчан падежа существительной (сетчыны, мунны, восьлавыны, катовтны связкаяскөд): Сьөкыд **висьөмланы мунө** тай нө олөм (И. Куратов). Кадыс **катовтө рытланы** нин (М. Игнатов). Ортсыса вид сертныс өна **мунис Рыжөй Селифанланы** (Я. Рочев);

9) воан падежа существительной, коді паныдасьлө отвлеченной да полуотвлеченной связкаяскөд: Сы вөсна жө сэся управляющөйкөд **воис зыкөдз** (В. Безносиков). Сэся лөи райисполкомса зампрөдөн, а со и **юралысьөдз кыпөдчис** (И. Изьюров);

10) кывбөра существительной: Менам олөмыд **пөткалөн** коды (Г. Юшков). Важөн **вөлі вок коды**, а өні **төдтөм морт коды** (Г. Фёдоров). Иван Алексеевич лөи Венялы **бать пыдди** (Г. Фёдоров).

Нимтан да керанторъя падежа прилагательной сідзжө вермө лоны нима сказуемөйлөн предикативной юкөнөн. Сказуемөй пыдди сийө мунө ашөрногөн либө связкаясөн. Татшөм сказуемөйыс индө подлежащөйлөн признак вылө, качественной характеристика вылө: Ранитчөм зверыд **скөр**. Рытнас сук вөрыд **кажитчис** ещө нин **пемыдөн** (И. Изьюров). Быттьөкө сысьяссис шлювгысь ваыс **вуджөр пырыс** да **сөдзджык на лөи** (Г. Юшков). Төвся луньяс **пукалісны мичаөсь** (И. Изьюров).

Сказуемой пыдди мунысь прилагательной подлежащейыскод координируйтчо лыд серти: Луныс пемыд.— Луньясыс пемыдось.

Числительнойяс да лыд петкодлысь кывъяс, а сиджко местоимениеяс вермоны жо лоны нима сказуемойон: Гортас Невольский **воли отнас** (Я. Рочев). А часовойяс **воли кык...** (И. Торопов). ... Степан Федоровичыс **ветымынысь** важонкодъ нин **йоткыштчюма** (И. Торопов). Тайо но тэ? Тайо книгаыс **менам**.

Нима сказуемой вермо петкодлысьыны признак выло индысь причастиеон: Со и Алексей Никитичкод историяыс **абу** зэв **ышодана** (В. Юхнин). Юоръяс збыльсь **волины повзбоданабсь** (Я. Рочев).

Нима сказуемойлысь предикативной юконсо ко петкодлома ашор вежортаса кык существительнойон либо матысса вежортаса кык существительнойон, сийо лоо сьоктодомон (сложноймодомон): ... они **лыддысыс** водзын мунысь **шахтер-комсомолецон** (В. Юхнин). Да, друго, гожея луныс **йолон-вийон** **исковто** (В. Безносиков). Оти кыввужья существительнойсо либо прилагательнойсо кыкысь шуомыс (повторяйтомыс) сиджко сьоктодо (сложноймодо) нима сказуемойсо: ... аслас уджын сийо **волма артистсыс артист** (И. Торопов). Стадаясыд волины она дорысь се повгырысьджыкось, а чумьясыс — **дворецьясыс дворецьяс** (Я. Рочев). Гогор лоньома дзикодз. Паськыд курьялон веркось **шыльдсыс-шыльд, югыдсыс-югыд...** (И. Торопов). Луныс шонди, **лоньсыс-лонь**.

Откмын нима кывсикасьяс ашора оз вермыны тырвийо индыны подлежащейыслон признак вылас, найо сказуемойыслысь вежортассо петкодлом могысь короны сувтодны ас динас примыкайтысь инфинитив, найо сиджко артмодоны сьоктодом нима сказуемой: Пось муслун ассым **йтны** Ме эсько нэм чож **воли рад** (А. Размыслов). Тэно, парма, **чоломавын рад** ме — Гажтомтчомос некызни ог вен (В. Тимин). Медся мелі арся шонди **вынтон ловзбодны** воймом турунсо (В. Юхнин).

Нима сказуемой лоо сьоктодомаон и сэки, кор сийо артмома кум юконьыс: глагол-связкаысь, инфинитивысь да нима юконьыс. Связка пыддыс муноны фазисной да модальной глагольяс: ...ещо **шустомджыкн модис кажитчыны** войыс (Г. Федоров). Лунысь **кузь кутис кажитчыны**.

Сказуемой, кодлысь предикативной юконсо петкодлома наречиеон, шусьо **наречнойон**. Нимаон татшом сказуемойсо оз позь шуны, сы вюсна мый наречиеыс оз ло нима кывсикасон, сийо оз петкодлыны ни предмет, ни сылысь признаксо. Сказуемой пыдди наречиеыс вермо муны ашора либо **вовны** отвлеченной да **лоны, кольчыны, кажитчыны** ползнаменательной связкаыскод: Коръяс **менам эстоньось** (В. Юхнин). Мед ме тэ дорсянь зэв **ылын**. Ассым **мовпясос** тэсянь ог дзеб (А. Размыслов). Но Усавом

вöлi ылын на (Я. Рочев). Бөрö колины ичöтик посёлöклöн песни керкаяс (В. Юхин).

ОТИ ЮКОНА СЕРНИКУЗЯ

Оти юкóнаöн лоö сэтшöм сёрникузя, кöни эм сöмын зависитöм сюрöса öти член, сийö артмöдö сёрникузяыслысь грамматическöй подуссö, петкöдлö предикативностьсö. Сюрöса членыс петкöдлö кутшöмкö действие, состояние, явление, предмет, индö збыльтор дiнас отношение вылас, петкöдлö синтаксической кад да модальность вежöртас. Тайö öти сюрöса член дiнас йитчö став мукöд членыс. Мöд сюрöса член йывсьыс некутшöм юöртöм абу, сылөн абутöмыс оз гöгöрвоодсьы контекстас ни сёрни ситуацияс. Тайö тэчасног сертиыс аслысникас сёрникузя. Кык составаяссьыс сийөн и торьялöны, мый танi эм сöмын öти сюрöса членыс. Тайö синтаксис боксянь юксяна сёрникузя: позьö торйöдны сюрöса член, а сы дiнö вермöны йитчыны содтана членъяс. Тайö аслыспöлöслун сертиыс найöс колö торйöдны синтаксис боксянь юксьытöм сёрникузяыссь, кодъяс артмöны служебнöй кывъяссьы. Сюрöса членсö петкöдлöм серти торйöдöны нима да глагольнöй öти юкóна сёрникузяяс. Сюрöса членсö кö петкöдлöма нимтан падежа существительнöйöн, кодi лоö подлежащöйöн, сёрникузяыс — нима. Глагольнöй öти юкóна сёрникузяын сюрöса членнас вермас лоны морта либö безличнöй глагол, а сiдзжö инфинитив, кодi лоö сказуемöйöн, подлежащöйыс абу.

ОТИ ЮКОНА ГЛАГОЛЬНОЙ СЕРНИКУЗЯЯС

Оти юкóна глагольнöй сёрникузяыс индö кутшöмкö зависитöм действие вылö, кодлөн абу торья кывйөн петкöдлöм субъект, танi сюрöса членыс — зависитöм глагол, кодi лоö сказуемöйöн; сийö артмöдö сёрникузяыслысь грамматическöй подуссö. Став татшöм сёрникузяыслөн öткодьлуныс сын, мый сэнi абу подлежащöй, и сийö оз вермы лоны. Овлöны определённo-личнöй, обобщённo-личнöй, неопеделённo-личнöй, безличнöй, инфинитивнöй öти юкóна глагольнöй сёрникузяяс.

Оти юкóна определённo-личнöйясөн лоöны подлежащöйтöм сёрникузяяс, кöни сюрöса членыс, сказуемöйыс, петкöдлысьö морта глаголөн. Сказуемöйыс действиесö петкöдлiгөн индö стöча урчитöм действие вöчысь вылас, глаголыслөн морта суффиксьясыс петкöдлöны действие вöчысьсö, сы вöсна сказуемöй дiнас местоимение — подлежащöйсö сувтöдны оз ков. Татшöм сёрникузяяс действие вöчысьнас лоö ачыс сёрнитысьыс либö вомъёртыс, сийö, код дiнö шыöдчö сёрнитысьыс, вöчöны

действиесö найö, кодьяс костын муно сёрниыс. Сказуемойыс петкөдлысьö 1 да 2 морта öтка да уна лыда изъявительной накло-
нениеа öния, локтан да колян када глаголön, а сідзжö повели-
тельной наклонениеа глаголön: Медся ёна вёськодлунысь **пола**,
Сытöг сомын тыр вир-яйön **ола** (А. Мишарина). Жугыль сьölö-
мön Дзирья öшинь **восьтышта**, нора сьölöмön Том олöмöс **казы-
тышта** (В. Савин). Тöрыт на, эг важön, Орччön **пукалм**, öти шo-
гöн-гажön **Олим-сёрнитим** (И. Куратов). **Лок жö, лок, бур гöсь!**
Видлы менсым керка-карта (И. Куратов). Тувсов рытын сёрön
Лэччи керöс дорö (В. Лыткин). Татшöм сёрникузяс оз вермы
лоны сказуемойön 3-öд морта глагол, сы вöсна мый сийö оз инды
стöча тöдса действие вöчысь вылас. Вежöртас сертиыс опреде-
лённо-личной сёрникузясыс зэв матынöсь, пöшти öткодьöсь кык
составаяскöд, кöни эм **ме, тэ, ми, ти** местоименнеясön петкөдлöм
подлежащöй. Кык состава сёрникузясысь торъялöмыс — стили-
стической. Определённо-личнойясын ёнджыкасö тöдчöдсьö дейст-
виеныс, а оз действие вöчысьыс. Сёрникузяыс лöб тырвыяön (пол-
нойön) вежöртас и тэчасног сертиыс. Сувтöдны кö **ме, тэ, ми, ти**
местоименнеясön петкөдлöм подлежащöй, то найö кутасны ин-
дыны сийö жö вежöртасьяс вылас, кутшöмöс петкөдлöны и гла-
гол-сказуемойыслön кывйывъяныс, кутасны петкөдлыны öти и
сийö жö вежöртасьясö, повторяйтны öта-мöдсö, татшöм подлe-
жащöйыс выль юöртöмсö, выль информациясö оз сет, сийö лöб
көвтöмön.

Определённо-личной сёрникузяс кö сувтöдны морта место-
именнеön петкөдлöм подлежащöй, сийö кокниа вуджö кык соста-
ваö, сэки ёнджыка кутас тöдчöдсьыны действие вöчысьыс. И мö-
дарö, кык состава сёрникузяыс кö лэдзны подлежащöйсö, сийö
вуджö öти составаö.

Сы серти, кызди петкөдлысьöны действиеныс да действие вö-
чысьыс (öти кывйön либö торйön, кык кывйön), найö юксьöны
спрягаемо-личнойяс да спрягаемо-инфинитивнойяс вылö. Спря-
гаемо-личнойясас тайö кык вежöртасыс (действиеныс да действие
вöчысьыс) петкөдлысьöны öти кывйön, 1 да 2 морта глаголön,
кодлön морта суффиксыс индö действие вöчысь вылас, а кывдi-
ныс — действие вылас: Восьса öшинь дорын **пукалi**, Тайö öшинь
керыштлi Муса Комилань — а **кыли**: шог нюгыльтö сьылi (И. Ку-
ратов). Спрягаемо-инфинитивной сёрникузясын сказуемойыс
артмö кык кывйысь, аналитической, спрягайтана глаголысь да
инфинитивысь. Действие вöчысь вылас индö морта формаа гла-
голыс, а действие вылас — инфинитивыс: Полiгтыр юасьлi олöм-
тö-вылöмтö — эг **лысьтлы юавны сьölöмлысь кылöмтö**, эг **лысьт-
лы висьтавны** тэд сьölöмлысь доймöсö ме (В. Лыткин). Олöм
кöть мем дона, **Овны мудзи ёна** (И. Куратов). **Радейта видзöдны**
шондi пуксьöм вылö.

Неопределённо-личнойön шусьö подлежащöйтöм

сэтшөм өти состава сёрникузя, көні глагол-сказуемойыс петкөдлө зависиттөм действие, кодос вөчөны стөча урчиттөм, стөча төдтөм, неопределённой йөз. Сказуемойнас лоө 3-өд морта уна лыда өнйя, локтан, колян када изьявительной наклонениеа морт да лыд серти вежласьтөм кадакыв. Сийө вежласьө сөмын кад серти. Татшөм тэчаснога сёрникузяыс оз кор, оз лэдз сувтөдны подлежасьтөм. Действие вөчысьыс тани петкөдлысьө төдтөмөн, та вылө эм некымын помка: 1) Действие вөчысьсө абу висьталөма, сы вөсна мый сёрнитысьыслы медея төдчананас, медшөрнас лоө ачыс действиеыс, а оз действие вөчысьыс; став вниманиеыс төдчөдөма действие вылас; 2) Сёрнитысьыс вермас и не төдны действие вөчысьсө, оз стөча төд сийөс, сы вөсна оз инды; 3) Действие вөчысьыс зэв уна, мый найөс ставнысө оз позь индыны да оз и ков; 4) Вермас лоны, мый сёрнитысьыс төдө действие вөчысьсө, но кутшөмкө помкаяс вөсна оз ков либө оз позь висьтавын сийөс; 5) Корсюрө действие вөчысьнас лоө ачыс сёрнитысьыс, и сийө сідзжө оз инды действие вөчысь вылас.

Неопределённо-личной сёрникузяысын петкөдлысьөны объектной отношениеяс. Татшөм сёрникузяысыс сідзжө овлөны спрягаемо-личнойяс да спрягаемо-инфинитивнойяс. Спрягаемо-личнойясас сказуемойсө петкөдлөма өти кывйөн, 3-өд морта уна лыда глаголөн, коді кутө и лексической, и грамматической вежөртассө: ...матысь и ылысьджык, Печораө усьысь Уса вылысь, **аддзөмабсь** уна нефть (И. Торопов). Сыктывдін карса театрын **пуктылөмабсь** 1917 вося май төлысын комиён Гогольысь «Гөтрасьбөм» (В. Савин). Сиктын **лөсьөдчисны** масленича кежлө (Я. Рочев). Спрягаемо-инфинитивной сёрникузяысын сказуемойыслөн вежөртасыс петкөдлысьө кык юкөнөн: действие вылас индө инфинитивыс, а грамматической вежөртасыс вылас — морта глаголыс: Гөстинөйын **заводитисны ворсны** граммофонөн. (В. Юхнин).

Неопределённо-личной сёрникузяысыс паныдасьлөны художествоса гижөдьясын, газет статьясын, йөзкостса сёрниын. Татшөм сёрникузяысыс тшөкыда паныдасьлөны вводной функцияын, кор индөны источник вылас: **Висьталөны**, тэ ветлөмыд ылі карьясө.

Неопределённо-личной сёрникузяыссө оз ков сорлавны кык состава абу тырманаыскөд, көні сказуемойсө сідзжө петкөдлөма 3-өд морта уна лыда глаголөн: Йөзыс мудзөмабсь. **Пуксялісны шойччыштны**. Татшөм сёрникузяысас действие вөчысьыс төдса, сийө гөгөрвоана контекстысь.

Оз лоны өти состава неопределённо-личнойясөн и сэтшөм сёрникузяыс, көні сказуемойсө петкөдлөма 3-өд морта өтка лыда глаголөн. Найө сідзжө лөоны кык состава абу тырманаөн, действие вөчысьсө контекстас жө висьталөма: Кытыськө вөр сайсыс йөй төлысь петіс. **Видзөдліс** ме вылө Былялөм синнас — Паськыда шпыньмуніс (В. Лыткин). Мыйла нюмдөма Джоконда? Мыйла

видзодыштö шога? Гашкö, **шогсьö** кодкö понда... Гашкö, йöзыс водзын мога... (А. Лужиков).

Обобщённо-личнöйясөн лооны подлежащöйтöм öти состава сёрникузяяс, кöни действие вöчысьыс гөгöрвосьö зэв паськыда (обобщитöмаөн). Сийö петкөдлö ашшөр действие, кодöс вöчö оз кутшöмкö торъя (стöча индöм, конкретнöй) морт, а öтввтöм (обобщённой) вежöртаса субъект, действиесö вермас вöчны любöй морт, сийö лöсялö быдөнлы, тшöтш и сёрнитысьыслы. Зависитöм действиеыс оз йитчы некутшöм торъя кадкөд, сёрни моментыскөд, и тайö лоö татшöм сяма сёрникузяяслөн медшөр признакьясысь öти. Сказуемöйнас лоö 2-öd морта öтка лыда глагол: Тшынтö **он потш**. Бордтөг этша **лэбалан**. Паськөм серти **он на тöдмав** мортлысь пытшкөссö. Йöзыдлысь бöрдöмтö **он тöдлы**. Татшöм сёрникузяясас некор оз сёрнитысьыс кывзысьлөн торъя (конкретнöй) действиеяс йылысь, кызд определённо-личнöйясын (Тшакла **ветли**). Корсюрö сказуемöйнас лоö и 2-öd морта уна лыда, а сидзжö повелительнöй наклонениеа глагол: Быд төв войвывлысь **адзыланыд** вой энэжлысь востымасöмсö (В. Юхнин). Медвылысь увйö **эн кай**. Сизимысь **мерайт** да öтчюд **вунды**. Сказуемöйнас вермö лоны и 3-öd морта уна лыда глагол, коть сэтшöмыс паныдасьлö шоча: Кыйтöм пöткатö **оз куштыны**. Тöлын телега **дасьтöны**, гождöмын — додь. Биён **оз ворслыны**.

Веськыд дополнение пырджык сулалö сказуемöй водзас, а оз бöрас, кызд кык состава сёрникузяын.

Татшöм сёрникузяяс зэв тшöкыда паныдасьлöны шусьөгьясын да кывйöзьясын, но вермасны лоны и описаниеясын, кöни петкөдлöма тшöкыда овлысь, повтöряйтчысь действиеяс: **Пыран** төвья ягö да пыдисянь **лолалан**: сынöдыс сöстöм да ыркыд.

Обобщённо-личнöй сёрникузяяслөн пыр эм эмоциональнöй рöм, сы вöсна оз паныдасьлыны сёрнилөн официальной стилын.

Безличнöй (морттöм) сёрникузяяс — сийö сидзжö подлежащöйтöм öти состава сёрникузя. Сэни сказуемöйыс петкөдлö сэтшöм действие либö состояние, кодi мунö действие вöчысь вылас видзөдтөг, ас вöляысь. Действие вöчысьыс оз вермы петкөдлысьыны нимтан падежа существительнöйөн, оз вермы лоны подлежащöйыс. Глагол-сказуемöйыс оз жö инды действие вöчысь вылас. Татшöм сёрникузяясыс вермöны петкөдлыны: (а) бвла выв явлениеяс (**Зэрö. Пужьялöма**); (б) мортлысь, ловъя ловлысь физическöй либö психическöй состояние (Менö **кынтö. Оз узьсы**. Сылы **яндзим**); (в) морт оланинлысь состояние (Керкаын **шоньд**. Бвлаын **көдзюд**). Сказуемöйнас лоö морттöм (безличнöй) глагол, кодi лöсялö 3-öd морта öтка лыда глаголлы, безличнöй пыдди мунысь морта глагол да безлично-предикативнöй кывьяс. Тэчасног сертиыс вермас лоны прöстöйөн, составнöйөн, осложнитöмаөн. Прöстöй глагольнöй сказуемöйыс петкөдлысьсö: (а) безличнöй глаголъясөн: лымьялö, слöтитö, пужьялö,

кынтö, лысваалö, войтасьö, чарöмалö, кодздöдö, шондöдö, пуржитö, рөмдö, югдö, пöжö, ыркалö, кымöртчö, төвзьиьсьö да с. в., татшöм глаголъяснас коми кыв зэв озыр, либö (б) безличнöй пыдди мунысь 3-öд морта глаголъясöн (юрын **шувгö, шумитö, сэтчö оз кыскы**). Татшöм сказуемöйыс петкöдлö ывла выв явленияс, либö мортлысь, ловья ловлысь физической, психической состояние: Кыза **лысваалис** (В. Чисталёв). Рытьявылысь сийöс ёна **биалöма...** (И. Торопов). Дыр на **дрöжжитöдис** Мишкаöс (В. Юхин). Коми безличнöй сёрникузясын тшöкыда паныдасьлö -сь-возвратнöй суффикса глаголөн петкöдлöм сказуемöй. Сийö вермас петкöдлыны действиеыслысь помасьöмсö (**Ытшкыссис**. Пукси шор бокö (А. Мальцев), произвольнöй действие: Виринеялөн эз на **чеччысьы** (Г. Юшков). Ты узьö... Лэбисны важöн нин лунвылö юсьяс... Узьöны юяс. А меным бара **оз узьсьы** (М. Елькин) да с. в., вежöртассö татшöм сказуемöйыслысь позьö тöдмавыны контекстысь.

Прöстöй глаголнöй сказуемöйөн вермас лоны безличнöй пыдди мунысь -öма- суффикса глагол, кодi петкöдлö действие помасьöмсö: Сылөн **гижöма** вель уна кывбур. Менам сы пыдди ставсö **мöвпалöма** да **арталöма** (Г. Фёдоров).

Безличнöй глаголсö повторяйтöмөн (кыкысь шуöмөн), сы динö изобразительнöй глагол сувтöдöмөн, кык безличнöй глагол орччöдöмөн артмö сьöктöдöм (сложнöйджык) прöстöй глаголнöй сказуемöй. Вочасөн век **югдö и югдö**. Жугласьö ывла. Зэрыштö... Посныда, посныда, вöсныдик си пож пыр **сысьялö-зэрö...** (В. Чисталёв). Ывлаын төла, **зэрö-слöтитö...** (В. Чисталёв). Составнöй глаголнöй сказуемöй артмö безличнöй формаа отсаян глаголысь да инфинитивысь. Пондыны, мöдны, заводитны, кутны, öддзыны, дугдыны да с. в. отсаян глаголъяс индöны действие заводитчöм либö помасьöм вылас: **Заводитис öдйö рөмдыны. Кутис думайтсьыны** аслас удж йылысь. Муртса **югдыны вөрзьö** (В. Чисталёв). **Рөмдыны** нин **пондис** ягын (В. Чисталёв). Дугдис нин **лымъявны**. Отсаян глаголөн вермасны лоны уна сикас модальнöй вежöртаса глаголъяс (позьны, ковны, шогмыны, лöсьявны, лоны, сюрны, лöсьöдчыны, вермыны да с. в.): **Позьö сёрнитны** любöй кылөн, сöмын öдортны асьым ог мöд (В. Тимин). Тайö лунсянысь Зоялы **лои эновтны** школа (Я. Рочев). Дерт, сылы не этша **вичмывлis** подöнтö **ветлыны...**

Составнöй глаголнöй сказуемöйыс лöö сложнöйджыкөн, (а) инфинитивсö кö кыкысь шуöма, (б) содтöма кö инфинитив формаа изобразительнöй глагол, (в) инфинитив формаас кö сулалö кык ашöр вежöртаса глагол: (а) Да, **олыштны** на, **олыштны колö!** А öни **колö тэрмасьны, тэрмасьны!** (б) Сы бöрын здук кежлö лöньыштлис да мöдис **клыститны-зэрны...** (в) Позьö бура **узьны-шойччыштны...**

Сказуемöйнас вермас лоны и безлично-предикативнöй кыв.

Тайё векджык вежласьтём нима либё наречной кыв, коді петкөдлө мортлысь, ловъя ловлысь либё ывла выв состояние, сёрникузяын сійё оз примыкайт некутшом кыв дінё, вермё йитчыны сомьын связкакод. Сійё вермас лоны сомьын сказуемойон безличной сёрникузяын, некутшом мукөд членон оз вермы лоны. Ывла выв состояние вылө индоны татшом безлично-предикативной кывьяс: кымора, шондіа, югыд, лонь, шоньд, көдзыд, сайкыд, ыркыд, төла, сэзь да с. в. Шы ни төв. Откымын татшом кыв вермё петкөдлыны и миянөс кытшалысь состояние (шоньд, көдзыд, югыд, пемыд да с. в.). Татшом вежортас вылас индоны и **гажа, гажтём, няйт, сөстём, буса, тшына, дзескыд** да мукөд кывьяс. Татшом сяма сёрникузяс быть коланаон лооны ина обстоятельствоас: Гажа жё му вылын! **Лёсьыд** жё ывлаын шоньд сэзь рытын (В. Лыткин). Сэни **вөлі пемыд, няйт**. Таңі, улыс складас, век **вөлі зэв гажа да шума** (Г. Фёдоров).

Йөзлысь, ловъя ловлысь физической да психической состояниесө петкөдлоны **кокни, яндзим, сьөкыд, гажтём, долыд, шог, зывөк, муса, шуштём, өбиднө, приятнө** да с. в. безлично-предикативной кывьяс: И Домналы **вөлі шуштём** тайё висьтсьыс (Г. Фёдоров). Отпыр зэв мем **дзугыль лоис**, Ас пиё эз ло нин төрөм! (И. Куратов). Мортлы **дзескыд** пемыдын... (И. Куратов). Дерт, Ондрейлы **вөлі сьөкыд** (В. Юхнин).

Безлично-предикативной кывьясё вермасны шуны кыкысь, сэки сьөктөдоны сказуемойсө: Мыйон нө лёк оласног? Отторъя мем **шог** да **шог!** (И. Куратов). **Вөлі сьөлөмлы шуштёмсьыс шуштём** (В. Лыткин). Сандралы **шог-шог** (Г. Фёдоров).

Безлично-предикативной кывьяс дінас вермё примыкайтны инфинитив. Сійё петкөдлө медшөр действиесө, а безлично-предикативной кывйыс — тайё действиесө вөчигон субъектыслысь состояниесө. Индом кык кывйыс артмөдоны отувъя сказуемой, коді петкөдлө (а) субъектнас действиесө вөчөмыслысь сьөкыдлунсө либө **кокнилунсө**, (б) субъектыслысь эмоциональной состояние, (в) модальной вежортасьяс: **Сьөкыд** мем кыв джын **шуны**, Висьөмой морөсөс личкө... (И. Куратов). Шыльыд туй вывті **восьлавны кокныд**, Он нин, майбырөй, джөмды ни усь (В. Власов). Водзё Питиримлы **сьөкыд** лои **сёрнитны** да ланьтис (И. Торопов). Тэон чужтём муслун вөлөм сэтшөм пөсьон. **Ылөдлыны** тэнсьыд сьөлөм абу **лөсьыд** (А. Лужиков). Меным кызкө весиг **яндзим командуйтны** наон (И. Торопов). Меным окота **лэбны, лэбны** сэтчө. Олөм өтдортлө и дойдлө. Вывті-вывті дзескыд овлө **Лөккөд** орччөн сөстём ловлы. Но вот колө, **овны колө** осьса сьөлөмөн да долөн (А. Лужиков). Безличной сёрникузясын сказуемой кындзи вермасны лоны и содтөд (второстепенной) членьяс. Найө паськөдоны сказуемойыслысь вежортассө, найө вермасны лоны тэчасног сертиыс быть коланаон да ковтөмөн. Абу быть коланаясө сёрникузяыслөн тэчасногыс оз кор, найө вермасны и не ло-

ны. Шуам, югдö, пемдö, зэрö, лымъялö, пужъялö да с. в. кывъяс оз быть корны содтöд (второстепенной) членъяссö, налön вежöртасыс петкöдлö сёрни мөвпсö. Но на дiнын вермасны лоны када, ина, степень, мера, нога обстоятельствоас: Рытнас **зэрмис**. Ёна **зэрмис**. Ывлаын **зэрмис**. Тэчасног серти быть колана второстепенной членъясыс сказуемöйыскöд öтлаын артмöдöны безличной сёрникузяыслыс подувсö, найö колöны сiдзжö и сёрникузяыслыс вежöртассö стöчмöдöм могыс. Татшöмъяснас лöбны сетан да асалан падежа косвенной дополнение (найö индöны субъект вылас) да ина обстоятельство: Меным **гажа**. Керкаын **шоньд**.

Инфинитив вермö паныдасылны оз сöмын отсаян глагольяскöд да безлично-предикативной кывъяскöд (сэки сiйö зависитö наыс, накöд öтлаын артмöдö сказуемöйсö), но и асшöра, вермö лоны асшöр членön, сказуемöйön. Татшöм инфинитивыс оз примыкайт, оз подчиняйтчы некутшöм членлы, а став второстепенной членыс йитчö сы дiнö, сiйö артмöдö сёрникузяыслыс предикативной подувсö. Асшöр инфинитивыс артмöм öти состава сёрникузя шусьö инфинитивной öн. Сэни, кызди и безличной сёрникузяын, абу и оз вермы лоны подлежащей. Торъялöмыс тайö кык öти состава сёрникузяыслön сыын, мый безличнойясас инфинитивыс зависитö отсаян глаголсыс либö безлично-предикативной кывсыс, а инфинитивной сёрникузяас инфинитивыс лö асшөрön, зависиттöмön. Инфинитив бердас вермасны лоны обстоятельственной, объектной вежöртаса второстепенной членъяс. Модальностьсö татшöм сёрникузяас петкöдлö инфинитивыс да шуанногыс.

Инфинитивной сёрникузяысыс вермöны петкöдлыны: (а) действие вöчöмыслыс быть коланлунсö: Аски öд школаö **мунны!**; (б) субъектнас действие вöчöмыслыс кöсiймсö. Инфинитив дiнаснас вермöны лоны **эськö, кöть** частицаяс: **Эськö чужны** кö татöни кыкыс, **эськö овны** кö танi кык нэм (А. Мальцев). **Кöть пуксыштлыны** регыдик кежлö!; (в) действие вöчöмыслыс падъялöмсö. Тайö вежöртассö петкöдлöм могыс паныдасылöны **гашкö, дашкö** вводной кывъяс, **кö** частица: **Дашкö**, мися, öтлаын **ветлыны** да **видзöдлыны...** (И. Торопов). **Гашкö, пыравлыны** вокзалö? (И. Торопов), (г) сёрнитысыслыс чуймöм: **Эновтны** этатшöм беда дырйи радейтана мортöс! (Н. Куратова); (д) действие вöчöмсö ёна корöм, тшöктöм: **Построитчыны** колоннаö нель мортön! (И. Торопов); (е) действие вöчöмыслыс позьтöмлунсö. Татшöм сёрникузяысыс соссянаöсь, инфинитив водзас сулалö **не** соссяна частица: Тэнö лэбачлы **не ордiыны**, Лэбалан тэ ачыд, збыль öд, пиукöй, тэ бордъяммин, Вылö-вылö качин. (В. Попов). Та мында нянь миянлы **не чукöртны!** (Г. Фёдоров).

Инфинитивной сёрникузяысас сказуемöйыс лöо сложнойджыкөн, сэни кö (а) инфинитивсö шуöма кыкыс: ...а Федялы **мунны** и **мунны** тайö эрдтыс (И. Торопов); (б) медшöр инфинитив кын-

дзынс кӧ эм ӧткодь либӧ матысса вежӧртаса мӧд инфинитив, а сӧджӧ инфинитив формаа изобразительной глагол да с. в.: Ӧд-йӧджык **помавны-эштӧдны** эськӧ тайӧ уджсӧ!

НИМА СЕРНИКУЗЯЯС

Ниманас лоӧ сказуемӧйтӧм сэтшӧм ӧти состава сёрникузя, кодлысь главнӧй членсӧ — подлежащӧйсӧ — петкӧдлӧма нимтан падежа существительнойӧн. Сийӧ индӧ збыльвывса предметяс, явлениеяс вылӧ: **Рыт. Тулыс.** Подлежащӧй пыддныс вермасны мунны и нимтан падежа местоимение либӧ лыда нима кывтӧчас: **Вот и ме! Со и сийӧ! Данс кык час.** Татшӧм сёрникузяяс зэв дженъыдӧсь, но вежӧртас боксянныс унатор йылысь юӧртӧны, налӧн эм ыджыд экспрессивной поэянлун. Висьталан могъяс сертиыс овлӧны медясӧ юӧртана нима сёрникузяяс, зэв шоча паныдасълӧны юаланаяс.

Нима сёрникузяяс овлӧны экзистенциальнойӧн, инданаӧн, донъяланаӧн. Экзистенциальнойяс зысьталӧны, мый сёрни предметыс эм збыльвылас: Зарни **ар.** Веж **пуяс.** Индана сёрникузясын эмлун вежӧртас кындзыыс эм и предмет, явление вылас индӧм. Тани тӧчасног сертиыс коланаӧн лоӧны **со, то, вот** индана частицаяс: **Со и вӧр. Вот** и менам **керкайӧ.** Донъялана сёрникузяяс индӧны предмет, явление вылас да сетӧны налы эмоциональной донъялӧм. Та могысь колӧны **но и, кутшӧм** горӧдана частицаяс да определение пыдди мунан прилагательной: **Кутшӧм луныс! Но и лун!**

Нима сёрникузяыс кӧ артмӧма сӧмын подлежащӧйсыыс, сийӧ лоӧ паськӧдтӧмӧн (распространиттӧмӧн). Татшӧмӧн жӧ лобны и сэтшӧм нима сёрникузяяс, кӧни нимтан падежа существительной кындзыыс эмӧсь частицаяс: **Со и сикт.** Нима сёрникузяяс кӧ подлежащӧй кындзыыс эм нӧшта и определение (определениеыс вермас лоны некымын), сийӧ лоӧ распространитӧмаӧн (паськӧдӧмаӧн): Зэра **луньяс.** Ълысь локтӧм **морт.**

СИНТАКСИС БОКСЯНЬ ЮКСЬЫТӧМ СЕРНИКУЗЯЯС

Синтаксис боксянныс юксьытӧм сёрникузяяс артмӧны ӧти кывйысь, торйӧдны позьтӧм кыв йитӧдысь, частицаясысь, междометнеясысь, сы вӧсна найӧс нӧшта шуӧны кывъяс-сёрникузясӧн. Найӧ петкӧдлӧны сёрнитысьсылысь кутшӧмкӧ действие, ситуация вылӧ эмоциональной, модальной шыӧдчӧм (реакция), но оз индыны сылӧн (шыӧдчӧмыслӧн) характер вылас. Найӧ синтаксис боксянь юксьытӧмӧсь, наысь оз позь торйӧдны некутшӧм член, ни сюрӧса, ни содтана, сёрникузясӧ артмӧдысь кывсӧ оз

позь паськōдны. Таын тыдовтчō тэчасног сертныс налōн аслыспōлōслуныс. Татшōм сёрникузяяслысь предикативнōй подувсō артмōдōны (а) междометнеяс (Ок!), (б) модальнōй кывъяс да частицаяс (гашкō, ѓдвакō, кōнешнō), (в) чолōмалōм-аттѓбалōм петкōдлысь кывъяс. Тані абуѓсь нимтан вежōртаса кывъяс, таын сідзжō тыдовтчō индōм сёрникузяыслōн аслыспōлōслуныс. Контекстысь торйōн босѓтōмōн татшōм сёрникузяясыс нинōм оз петкōдлыны, найō век муноны лючки тэчōм, тырмана (полнōй) сёрникузя бōрын. Тшōкыджыка паныдасьлōны кык морткостса сёрниын (диалогын), вермасны пырны сложнōй сёрникузя тэчасō. Синтаксис боксян юксытōм сёрникузяясыс овлōны эскōданаōн (Да.) либō сосянаōн (Абу.), юōртана (Да.), юалана (Но?), чуксаланаōн (Тес). Найō ставныс вермасны лоны горōданаōн. Примеръяс пыдди:

— **Чу!** Кōнкō кылыштис ныв серам (А. Размыслов).

— Тōдан, кыз сэн пластыс куйлō? Велōдисны техникумад?— пōлōса, вывсянъ улō, вундыштис сынōдсō кинас.

— Та вōсна, шуам, ѓтарнасджык долотоыс кучкысѓ породаас?— пановтис Павел.

— **Но!**— шпыньмунли Шабанов (Г. Юшков).

— Мый нō, оз позь меным луннас пывсыны?— пыр и дузмуні Шматов.

— Ме пайысь,— вочаалис Павел.— Қор эштан, сэки и пывсы. Тѓтя Таня тай... аддзылōма, буракō, ѓшинъ пырыс... Шматов пō пывсянысь локтō, кōть пō мед чай юны пыралас. Купеческōйѓс заваритōма, зєв чōскыд.

— **А-а,**— лигышмунис Шматов.— Кежала и эм, горш косьмō жō-а.

Междометнеысь артмōм синтаксис боксянъ юксытōм сёрникузяясыс шусьōны междометнōйѓн. Татшōмыс медся уна, найō вермōны петкōдлыны (а) сёрнитысьсылысь кутшōмкō отношение мыйкō динō, эмоциональнōй реакция. Тайō вежōртассō петкōдлōм могысь паныдасьлōны торъя междометнеяс (ой, а, э, ок, ура), фразеологизированнōй междометнōй тэчасъяс (но и но, вот тайō да, колō жō...), ашōбр кывъяс да кывтэчасъяс, кодъяс вуджōмаѓь междометнеясѓ (господи, слава богу); (б) мыйкō вōчны тшōктōм, корōм, чуксалōм (но, но: давай, вай, тырмас, на, марш, да, ладно, бур, но); (в) донъялōм:

— А мый нō эськō висьталан асьтō мездōм могысь?

— Ме нинōм ог. Ме киножурнал кора петкōдлыны, кодс ме коркō аддзыли. Американскōй бурѓвѓй сэні петкōдлōны.

— **А-а,**— нюркнитис Павел,— туйтōмось мян трубаясыс налōн серти? (Г. Юшков).

— ѓти лолыс нин меным тырмас. Да и абу тэныд уджыс.

— Оз на быдлаѓ специалист ков. Шуам, быт кузя вежысѓн?

— Абу менам тэныд уджыс,— вочавидзис Самарин.

— **Но, ладнө!**— наяна нюркнитіс Бедин да чеччис (Г. Юшков).

— Верөс дінас локтінныд татчө?— юалис Самарин да бөрмыччис паспортсө.

— **Да,**— нориника кайтіс Балашова (Г. Юшков).

Синтаксис боксянь юксьытөм сёрникузяясельсь торъя сикас артмөдөны чолөмалөм-аттыбалөм петкөдлысь кывъяс (атты, сө пасибө, ен могысь, лок видза, чолөм, пасибө...):

— Кытысь нө ачыд?— юалис пөльө.

— Югыд Лягаысь.

— Матысь тай. Ас морт туйө на лоан. Босыт өти налим, ыджыдджыксө эсийөс. Юкватө бурөс вөчас. Мускыд чөскыд и.

— **Пасибө.** (Г. Юшков).

Став татшөм сёрникузяас ыджыд төдчанлун босытө шуанног.

ВОКАТИВНОЙ СЁРНИКУЗЯЯС

В о к а т и в н о й сёрникузяясөн лооны шыөдчана кывъяс (обращениеяс), кодъяс петкөдлөны мөвпъяс, чувствояс, тшөктөм (волеизъявление). Тани век эм кодкө динө шыөдчөм. Öти учёнойяс татшөм сёрникузяяссө видлалөны кызд синтаксис боксянь юксьытөм сёрникузяяс, мөдъяс — кызд нимаяс, коймөдъяс — кызд аслыссяма өти юкөна сёрникузя. Татшөм сёрникузяяссө кокныыда позьө торйөдны прөстөй шыөдчана кывъясысь. Найө торъялөны шуанногнас, шусьөны ёна төдчөмөн, медшөр сёрникузясысь торйөдөмөн, ыджыдджык коставлөмөн, вокативной сёрникузя помын пуктөны горөдан пас, а шыөдчана кывъяссө торйөдөны запятаясөн. Пример пыдди: **Мича дзодзөг, зарни дзодзөг, Кытчө нө тэ лэбзян?** (В. Лыткин). Тарыт, **бур йөз, гажөдча, уджавны өд эшта** (И. Куратов). **Нылө, нылө,** тэ ме вылө Меліджыка видзөдлы! (И. Куратов). Петав, петав, **югыд шонді,** Кымөр улысь петав! (В. Лыткин). **Муса ныланөй, мича аканьөй!** Эз вош вөрын зон, сийө вошөдчис, Вөрө ылөдчис быд бур вайны сесь, Тэныд ошйысьны, Тэныд козынавны (И. Куратов). **Кодзулөй, кодзулөй, энэжса кодзулөй!** Мыйла нө югыда дзирдалан? (В. Лыткин). **Шондібанөй, Бур таланөй, Муса, мича ныв!** Ошктом өкты, Зон моз йөкты, Вильшась, серав, сьыв (И. Куратов).

Вокативной сёрникузяын эм нимтан падежа существительной, кодлөн аслыссяма шуанног. Сийө (шуанногыс) индө действие вөчны корөм, действие помавны тшөктөм вылө, сёрнитысьсыскөд, вомъертыскөд өти кывйө вотөм (несөгласие), коритөм (упрөк), жалитөм да с. в. вылө.

Главной членсө оз позь видлавны ни кызд подлежащөй, ни кызд сказуемөй. Быть коланаөн лоө нимтан падежа кыв, сы до-рын вермасны лоны определениеяс.

Кык юкөна и өти юкөна сёрникузяяс вермасны лоны паськөд-төмөн и паськөдөмаён. Сёрникузяяс кө артмөма сөмын предикативной подуvsьыс (кыкнан сюрөса членсьыс либө өтисьыс), сийө лоө паськөдтөмөн. Сёрникузяяс кө сюрөса членъяс (либө сюрөса член) кындзи эмөсь и содтана (второстепенной) членъяс, сийө лоө паськөдөмаён. **Содтана членъяснас** шусьоны ашшөр вежөртаса кывъяс, кодъяс гөгөрвоөдөны, стөчмөдөны сюрөса либө мукөд содтана членъяссө, тайө сёрникузялөн зависитьсь членъяс, найө подчиняйтчөны сюрөса кывъяслы. Откымын сёрникузя вермө артымыны сөмын сюрөса членъяссьыс, содтанаясыс сәні оз ковны: **Тулыс. Пужъялөма. Сапкө-усьө лым.** Но содтана членъяссыс сюрөсаястөгыс оз вермыны артмөдны сёрникузясө, көть вежөртас сертиыс найө овлөны быть коланаён, вермасны петкөдлыны сёрникузяыслысь медшөр вежөртассө. Откымын глагол, безлично-предикативной кыв вежөртассө петкөдлөм да тэчасногсө артмөдөм могьсь быть корөны сувтөдны содтана членсө: Школьникъяс **радейтөны** литература урокъяс. Меным **кажитчө** тайө нывкаыс. Но сьөлөмлы **көдзыд...** И лолөйлы **гажтөм** да **шог** (М. Елькин). Сёрникузяын вермасны лоны и тэчасног боксяныс абу быть колана членъяс, кодъяс вермасны лоны, а вермасны и не лоны. Найө паськөдөны, гөгөрвоөдөны, стөчмөдөны сёрникузяса кутшөмкө членөс: Тулысын пөткаяс войвылө лэбисны, лунвылысь, саридзысь чукөрөн мунисны (В. Чисталёв).

Содтөд членъяссыс вермөны петкөдлысьыны ашшөр вежөртаса торъя кывйөн либө синтаксис боксянь юксьытөм кывтэчасөн: Ме вичысьтөг шудлы ог эскы, Од олөмыд абу на мойд (А. Ванеев). Төвса энэжын пөртмасьысь бияс Тувсов кыа кодь мусаөсь мем (А. Ванеев).

Сёрникузяын членъяс костас овлө уна сикас отношение. Овлө зөв сьөкыд төдмавны, кутшөм членөн лоө сийө либө мөд кыв. Шуам, өти и сийө жө кывсө позьө видлавны и кызд определение, и кызд дополнение, дополнение и нима сказуемөйлысь юкөн, обстоятельство и нима сказуемөйлысь юкөн. Та вөсна сёрникузяын членъяссө корсигөн төд вылын колө кутны: (а) кутшөм кывсикасөн сийөс петкөдлөма. Определениеөн пырджык лоө прилагательной, дополнениеён — косвенной падежа существительной, обстоятельствоён — наречие, деепричастие; (б) сылысь лексической вежөртассө (торийөн нин сэк, кор колө төдмавны, видлалана кывйыс лоө дополнениеён либө обстоятельствоён, дополнениеён либө определениеён); (в) позьө-ө видлалана членсө вежны мөд кывсикасөн, кодө лоө сэтшөм жө членөн, однороднойөн, но сылөн бурджыка тыдовтчө синтаксической функцияыс; (г) аддзыны сюрөса кывсө, код динө йитчө видлалана членыс. Глаголөн петкөдлөм сказуемөй век гөгөрвоөдсьө обстоятельствоён, дополнениеён,

существительной петкөдлөм подлежащей да дополнение — определением; (д) кыв порадок (торийннин сэк, кор колө төдмавны, видлалана кывйыс лоо определениеон либө нима сказуемойон, подлежащейон либө нима сказуемойон).

Дополнение — действительон объект вылө индысь член. Сийө петкөдлө (а) предмет, код вылө веськыда либө косвенной вуджө действиеыс, состояниеыс: Малыштлывлін юрөд Ассыды ыджыд **питө**. Помнита ме, батыө, Тэнсыды гаддьөсь китө (А. Ванеев); (б) объект пыдди мунысь действие: Ваньбөс **вуграсьнытө** ознин ков велөдны (И. Торопов); (в) безличной сёрникузясыс субъектсө: Дерт, **мем** шог... (И. Куратов). Зэв нимкодь **сьөлөмлы** (В. Савин). **Мем** муса көка войлөн еджыд ытва... (А. Ванеев). Дополнение гөгөрвоөдө сказуемойөс, стөчмөдө сылысь вежөртассө, и сы вөсна векджык йитчө тайө сюрөса член динас, кодөс петкөдлөма глаголөн, глаголысь артмөм кывйөн либө безлично-предикативной кывйөн.

Дополнениеон векджык лооны косвенной падежа существительнойяс, а сідзжө местоимениеяс, объектной инфинитив, существительной пыдди мунысь кывьяс вермасны жө лоны дополнениеон. Сийө вермө петкөдлысьыны и кывтэчасьясөн, кодьяс артмөмабсь существительнойысь да лыдакывйысь либө существительнойысь да местоимениеысь (кык местоимениеысь): Зоньяс адзылісны **нэль-ө-вит уткаөс**, но лыйнысө кыыс эз лыб.— Коліс инө, дитя, телеграмм вачкыны...— А ми, Пөлаш тыөт, телеграммсө пановтім самолөтнад лэбигөн!— гажаа шыасис Степан Фёдорович; **кыкнан нывбабаыслы** кажитчис тадзисө шуөмыс, найө серөктыштісны... да меліалыштісны синнас... (Е. Рочев). Сөмын тай **найөс ставнысө** та бөрын шогөдыштіс сэсся шуштөм серпас (И. Торопов).

Глагол-сказуемой динө йитчысь дополнение вежөртас да грамматической форма сертыс овлө веськыд да косвенной. **Веськыдыс** петкөдлө предмет, код вылө действиеыс вуджө веськыда. Сийө паныдасьлө переходной глаголөн петкөдлөм сказуемой бердын, коді быть корө сувтөдны объект вылас индысь кывсө. Татшөм дополнениенас лооны керан падежа существительнойяс: эновта ме төждыситыр Ассыым лөнь да муса **грезд**. Ог ме шогсы и ог чиктыв, Шемөс вөрысь корся **мезд** (В. Лыткин). Рам шонді меліа **синьяссө** читкыртлө. Ытвадыр юясыс саридз моз туөма... (В. Лыткин). Нөрысын букыша сулалө парма, Горулас паськыд ю визувтө-шывгө — Шы ни төв кылөдө ассыс сөдз **васө** (В. Лыткин).

Косвенной дополниеыс петкөдлө предмет, код вылө действиеыс вуджө оз веськыда, а мыйкө пыр (косвенной). Татшөм дополнениенас вермө лоны кывбөртөм либө кывбөра косвенной падежа существительной (либө сы пыдди мунысь кыв). Сылөн вермас лоны уна сикас вежөртас, шуам, сетан падежа дополнение пет-

кӧдлӧ предмет, мортӧс, кодлы сетӧны, сийӧны, мӧдӧдӧны да с. в. мӧд предмет: Пӧрысь **бать-мамлы** веськыд ки сеті, Узьысь чой-воклысь эг вӧрзьӧд ун... Ыджыд туй вылӧ асывводз петі... (А. Размыслов). Лыдди **челядьлы** мойдкыв. Безличной сёрникузясын татшӧм допoлнениеыс индӧ субъект вылас: **Тэрыб Коклы** лон окота вӧчны мыйкӧ зэв бурӧс Ванялы (И. Торопов). **Ловъя синмыдлы** век колӧ.

Асалан падежын сулалась допoлнение петкӧдлӧ морт либӧ предмет, коді олӧ кутшӧмкӧ состояниеын: Сьӧлӧмаӧн эськӧ **менам** чужсьӧма, Некор на эг вӧчлы мортлы лӧк (Г. Юшков). Пуны-пӧжавны **Еленалӧн** рытсаяныс на лӧсьӧдӧма (Г. Юшков). Татшӧм допoлнениеыс индӧ предмет, морт вылӧ, кодлӧн мыйкӧ эм: **Батьлӧн** эм вӧралан керка (но асалан падежа существительнойыс кӧ индӧ принадлежность серти признак вылӧ, йитчӧ существительнойӧн петкӧдлӧм член дінӧ, лӧб определениеӧн: **Батьлӧн** керкаыс сулалӧ джуджыд берег вылын. Дзирдалан **асывлӧн** чужӧмыс нумъялӧ, Ва дор йыв нӧрысыс эзысьӧн лӧсталӧ, **Му вывлӧн** эшкыныс — кын... (В. Лыткин). Босьтан падежа допoлнение петкӧдлӧ предмет, кодлысь мыйкӧ босьтӧны, корӧны, юалӧны: Тайӧ книга сӧ ме босьті **велӧдысьлысь**. Керанторъя падежын сулалась допoлнение индӧ предмет вылӧ, код отсӧгӧн вӧчсьӧ действиеыс: Еджыдик **эшкынӧн**, пукӧвой **вольпасьӧн** Кынмӧм му вевттьысыс. Кыпымис ывла выв (В. Лыткин). Кузя мисьтӧмаліс ывлаыс, вӧсни кӧдзыд **зэрӧн** везъяліс, сесся кижя кодъ песни **лымйӧн** пожнасыс (Г. Юшков). Тшӧкыда татшӧм допoлнениеыс паныдасьлӧ безличной сёрникузясын: Пемыд. Кӧдзыд. **Лымйӧн** тыртӧ (В. Чисталёв). Ӗвтыштіс чӧскыд турун **дукӧн**. Ӗввывтан падежын сулалась допoлнение индӧ морт вылӧ, кодкӧд ӧтвыв вӧчсьӧ действиеыс. Сказуемӧйыс сулалӧ ӧтка лыдын: Ньӧжйӧ вӧсьлалӧ рыт. Паркын **тӧврукӧд** Вашкӧдчӧ тополь (В. Тимин). ...Виль **тӧлыськӧд** ӧттшӧттш Горт пристаньӧ чеччас Лӧз синъяса тӧдса пилот (В. Власов). (Но: **Ми ӧрткӧд** мунам вӧрӧ — нимтан падежа местоимение либӧ существительнойӧ ӧтвывтан падежа нима кывйыскӧд ӧтлаын артмӧдӧны ӧтувъя член — подлежащӧй. Сэки сказуемӧйыс сулалӧ уна лыд формаын). Петан падежа допoлнение индӧ материал вылӧ, мыйысь вӧчӧма предметыс: Няньсӧ пӧжалісны **пызысь**. Кокныд вевттьӧд вӧча **лыскысь**. Ӗзта бипур, пуа рок... (В. Власов). Татшӧм допoлнениеыс петкӧдлӧ и предмет (мортӧс), кодысь полӧны, яндысьӧны, торйӧдчӧны да с. в.: Челядь полӧны **батысь**. Ылыстчан падежын сулалась допoлнение петкӧдлӧ предмет (мортӧс), кодсянь мыйкӧ виччысьӧны, босьтӧны, тӧдмалӧны да с. в.: **Воксянь** воис письмӧ. Допoлнениеӧн вермӧ лоны и объектной инфинитив. Сийӧ индӧ объектыслӧн действие вылас: 1874-ӧд вося арын Куратовӧс бара на корисны **пыравлыны** Семиреченской областьса военной губернатор Колпаковский канцелярияӧ (Г. Фёдоров).

Определение ён лоё сёрникузялөн содтана член, кодї петкөдлө предметлысь признак, качество, либө петкөдлө кодлөн тайё предметыс. Вочавидзё кутшөм? кодлөн? кымынөд? юалөмъяс вылө. Определение да определяйтан кыв костас овлөны атрибутивной отношением. Определениеыс индö: 1) предметылөн качество (рөм, ыжда да с. в.) вылө: **Лёзов** енежьянь сернліс шонді, Сявкйис му вылын Вералан луч (В. Елькин). Шуньгö кыркөтш дорги ю. Мөдлапөлын **кельыд** лыа. Юё сунөма **виж** кыа (В. Лыткин). **Векни** туйыс чукыль-мукыль (В. Лыткин). Кысь ті мөдлаысь адзылїннїд со татшөм **гырысь** да бур көйдыса кольяссö? (И. Торопов); 2) ин, кад серти признак вылө: **Тавося** дзоридзлөн овсьөма, Тулысын петас дзик мөд (А. Мишарина). Юр весьтын **тувсовъя** югыд шонді шонтö төвся эшкынысь мездөм мусö, небзьөдö лым улысь петысь руд нитшсö (И. Изъюров). **Төвся** енежын пөртмасьысь бияс **Тувсов** кыа кодь мусаөсь мем (А. Ванеев). Эзысьөн төлысьыс көдзö: нюмъялө **енэжса** кутш (В. Лыткин). Сюся кывза **извадорса** аньялысь сёрнисö, И сьөлөм менам сыв (А. Ванеев); Войвыв **енэжувса** муой, Восьт мен асьыд лышкыд лов (В. Попов); 3) действие серти признак вылө: **Ытшкөм** турун бура косьмөма, гожьялөма шонді водзас (В. Напалков). Сьылө долыд шыясөн Гажа тувсов лун. Ворсö кумач гыясөн **Гөран-көдзан** му (В. Савин); 4) кодлөн тайё предметыс (принадлежность серти признак): Вурун кодь лым ягö вольсасис төрыт, **жоньлөн** нор сьыланкыс кылыштö вöрын (С. Попов). **Кык воклөн** дялянка вылас тшөкыда сулалісны пєс чипасъяс (В. Юхнин); 5) лыд серти признак вылө: Ылын тыдалысь войся битор **өтка** кодзув кодь. (В. Юхнин). Сьод синкыма **өтка** нывкөд Трөш сиктын ме быдми (В. Савин). И сылы, гашкө, Вералы моз жö первой тыдыштіс **өтка** битор и сійö сідз жö өдөбтіс вөвьяссö (В. Юхнин); 6) материал вылө, мыйысь вөчөма предметсö, предметылөн состав вылас: Кар шөрас **кыдза** да **кузь туруна** вель паськыд сад (П. Шахов). Лөня шыньгө-визувтö **лөз ваа** ичөтик ю... (И. Торопов).

Определение йитчö предмет вылө индысь существительнойён либө сы пыдди мунысь кывйөн петкөдлөм сёрникузяса любөй член дінö. Сёрникузяын татшөм кывсикасыс вермö лоны подлежащейён, нима сказуемойён, дополнением, определением, обстоятельством. Определениеыс определяйтана кывйыскөд йитчö примыкание подчинительной йитөдөн. Коми кывйын определение век сулалө определяйтан кыв водзас. Тайё содтана членыс вермө петкөдлысьыны ашшөр торъя кывйөн либө кывтэчасөн. Медся тшөкыда петкөдлысьоны качественной да относительной прилагательнойён: Гөгөр юргö **кыпид-мича** коми сёрни, кыпъялö коми гаж... (И. Торопов). Лөня сулалісны **дзор** козьяс, муртса тельгыштіс **дзоляник** шор... (В. Юхнин). **Тувсов** рытын сёрөн Лэччи Эжва дорö (В. Лыткин). **Войся сьод** чышъянсö шыбитіс вөр... (Ф. Щерба-

ков). Здук кежлѣ **тѡвсѧ** лун вѡсьтыліс синъяссѡ, Видзѡдліс сикт вылѡ — пышійс бѡр **сѡд** вѡрѡ (В. Лыткин). **Кымѡра** лунъясѡ Пельсыыс гажтѡмччис (А. Мишарина). Парма шѡрысь **козъя** вѡрысь Босытѡ гуйсѡ ичѡт ёль (А. Мишарина). Определение пыдди вермѡны мунны признак петкѡдлысь причастиеяс: **Дзирдалан** асывлѡн чужѡмыс нюмъялѡ, Ва дор йыв нѡрысын эзысьѡн лѡсталѡ Му вывлѡн эшкыныс (В. Лыткин). Лѡз роч ной эшкыныс вылын Туплясьѡ **нюмъялан** шондї (В. Лыткин). **Кыйтѡм** оштѡ эн куль. Коми кывійн определениеѡн вермасны лоны нимтан да асалан, босытан падежа сущестительнѡйяс: Виль тѡлыськѡд ѡттшѡтш **Горт** пристаньѡ чеччас Лѡз синъяса тѡдса пилот (В. Власов). **Керка** ѡшинь пырыс Домна унаысь на видзѡдлас важ мельничалань, сѡтчѡс паськыд эрдланьѡ... (В. Напалков). Пажын водзылын Саша бара лѡччис ва дорѡ **чай** вала (Я. Рочев). Ланьтїс сиктын **ныв-зон** сѡрни, Ори **съяланкывлѡн** шыыс (А. Размыслов). Вельскыд дополнение бердын определение пыдди мунысь сущестительнѡй сулалѡ босытан падежын: А лун тѡв вайѡ ылі берег дорсянь Ёсь гудѡк шы да **нывлысь съяланкыв** (В. Власов). Джуджыд сюяс копра-сисны бѡрын. Тѡвру ѡвтліс **мулысь чужѡмбан** (А. Размыслов).
 ✓ Определение пыдди вермасны мунны местоимение, лыд петкѡдлысь кыв, а сїдзжѡ инфинитив: **Сылѡн** лѡз синъясын тѡдчис ыджыд шоглун. **Ѳтка** керка, ичѡтик да важ, Сиктысь бокин, важѡн сїйѡ ѡвтѡм (В. Попов). Эм поэянлун **велѡдчыны**. Вѡлі кѡс-йѡм **мунны**. Определениеѡн вермас лоны и причастнѡй оборот, синтаксис боксянь юксьытѡм кывтччас: Киссьѡ шоньд тувсов зѡр **лымйысь мездмѡм** муѡ (С. Попов). Ывла вылын съялісны нин водз садьмысь кайяс (И. Торопов). Миян волїгѡн вѡлі зѡв шондїа **Руѡн-зѡръясѡн** нималысь му (А. Ванеев). Уна йѡза сѡкыдысла **морѡсѡдзыс вѡйѡм** теплоход вель дыр вермасис-катїс визула шлывгысь Эжва паньд (И. Торопов). Гыма-чарда зѡр мунїс эждїмса муяс да видзьяс вельтї, **озыр урожай** да **сук турун быдтан** шоньд зѡр (В. Напалков). Коркѡ ѡтчыд мен, видз вылысь локтїг, **орчча видзвывса ёль синма** ныв Шуис гусьѡник пѡсь сѡлѡм кыв (А. Размыслов). Сущестительнѡйѡн петкѡдлѡм определение лѡб *приложениеѡн*. Сїйѡ йитчѡ кутшѡмкѡ мѡд сущестительнѡй дїнѡ. Танї петкѡдлѡма кык сущестительнѡй костын йитѡдыяс, ѡтныс гѡгѡрвѡѡдѡ мѡдсѡ, сетѡ мѡдыслы виль ним. На костын ѡвлѡны топыд йитѡдыяс (нывбаба-велѡдысь). Торїѡдѡм (обособитѡм) приложениеыс сулалѡ сѡтшѡм жѡ падежын, кутшѡмын и гѡгѡрвѡѡдана-кывїыс: Модест Ивановичлѡн, **миян сиктса учительлѡн**, вѡлі Гога нима спаниель пон (С. Раевскїй).

Приложение — определениелѡн сикас, кодї тѡдчѡдѡ, стѡч-мѡдѡ предметсѡ профессия, специальность, рѡдвуж отношениеяс серти, кутшѡмкѡ йѡз котырѡ ѡтвѡтчѡм серти, национальность серти да с. в.: Виль йѡз — **пес пилитысьяс** — локтїсны кварталѡ дыша, найѡс мѡдѡдалїсны мѡд кварталъясысь (В. Юхнин). Верто-

лѣтысь петысьяс пѳвстысь Павел аддзис Шабановѳс, **бурѳвѳй мастерѳс** (Г. Юшков). Бурѳн и лѳкѳн велѳдѳс Ревекка Павелѳс, **асысь ѳтка писѳ** (Г. Юшков). Миян, студѳнтѳяслы, колѳ уна тѳдны.

Приложение торѳйѳдѳ гѳгѳрвоѳдан предметѳ ѳткодь предметѳясысь и гѳгѳрвоѳдѳгас сетѳ (опредѳляйтан) стѳчмѳдан предметѳылы мѳд ним. Сѳдзкѳ, сылѳн эм кык функция: гѳгѳрвоѳдан да нимтан: Синмыс нѳ — кельыдлѳз море — ѳттшѳтш и мелѳ и ѳсь... (М. Елькин). ѳд ми, вѳркѳд топыда йѳтчѳм коми войтыр, корковмас, асныраѳсь да асруаѳсь жѳ овлам (И. Торопов).

Приложение вермас лоны торѳйѳдтѳмѳн (обособиттѳмѳн) да торѳйѳдѳмаѳн (обособитѳмаѳн).

Обстоятельство — сѳйѳ сѳрникузялѳн содтана член, кодѳ гѳгѳрвоѳдѳ действие, состояние, петкѳдлѳ действѳныслысь кадсѳ, инсѳ, могсѳ, ногсѳ, помкасѳ да с. в. Сѳйѳ индѳ глаголѳн, безлично-предикативнѳй кывѳн петкѳдлѳм сказуемѳйлѳн признак вылѳ, векджык йѳтчѳ сказуемѳй дѳнѳ, но вермѳ йѳтчыны и глаголысь артмѳм существѳтельнѳйѳн петкѳдлѳм дополнение, определение, обстоятельство дѳнѳ. Сюрѳса кыв дѳнас йѳтчѳ примыкание, управление йѳтѳдѳн. Обстоятельство векджык петкѳдлысьѳ наречѳеѳн, деепричастѳеѳн, но вермѳ петкѳдлысьыны и косвеннѳй падежа существѳтельнѳйѳн, синтаксис боксянь юксытѳм кывтѳчасѳн. Обстоятельствѳлѳн вермас лоны уна сикас вежѳртас. Ина обстоятельство петкѳдлѳ действѳныслысь инсѳ, кѳнѳ вѳчсьѳ, кысянь, кытчѳ веськѳдѳма действѳесѳ. Татшѳм обстоятельствѳнас вермас лоны ина наречѳе, ин петкѳдлысь косвеннѳй падежа существѳтельнѳй, кывбѳра существѳтельнѳй: Повтѳг вокъяс! Мунам **ылѳ**. Парус гезъяс зѳвтѳ тѳв. Лѳбзяс пыжным **гыяс вылѳ**... (В. Чисталѳв). **Пармаысь, пытшкѳссыс, морѳссыс, сьѳлѳмсыс** Шлыгыны, визувтны сьыланкыв мѳдѳдчис (В. Лыткин). Арся гудыр **енѳжтѳ** Бордѳн вартѳс, шеныштѳс Тури-дзодзѳг гоз (А. Размыслов). **Юръяс весьтѳ** швучкѳ кымѳр, Тѳв ныр ѳддзѳ, гызьѳ ва, Ыджыд шыѳн локтѳ кунѳр... (В. Чисталѳв). Лѳнь асыв. Грездса **керкаяс весьтын** лайкъялѳ ру (В. Безносиков). Када обстоятельство индѳ кад вылѳ, кор вѳчсьѳ действѳныс. Татшѳм обстоятельствѳнас лѳны када наречѳеяс, косвеннѳй падежа существѳтельнѳйяс, деепричастѳеяс да деепричастнѳй оборотъяс, а сѳдзжѳ кывтѳчасъяс: Лѳсьыд, гажа зѳв **ѳнѳ** му вылын (В. Чисталѳв). Доляд сьѳлѳмлы **Овны тулысын** (В. Чисталѳв). Арся вѳрын коми кыйсьысылѳн сьѳлѳмыс шойччѳ, нимкодьясѳ, та вѳсна сѳйѳ вермѳ сиктѳ петавтѳг овны сѳнѳ тѳлысьясѳн (Я. Рочев). Пуяс орѳдлѳм помасѳ сѳмын **рѳмдѳгѳн нин** (В. Юхнин). **Пемдыны заводиттѳдз** на туй йѳз петѳсны керѳс вылѳ (Я. Рочев). Вася Манзадей **тайѳ пѳрѳйѳ кык вой** и узис Макла сиктын (Я. Рочев). **Куим лун** ноксѳс Аргышевлѳн отрядыс уезднѳй центрѳн (Я. Рочев). Помка вылѳ индысь обстоятельство петкѳдлѳ действие вѳчѳмыслысь (вѳчтѳмыслысь) состоянѳныслысь помкасѳ, петкѳдлысьѳ татшѳм вежѳртаса наречѳеѳн,

косвенной падежа существительной, **всна, понда, ради** кывббра существительной, а сідзжэ кывтэчасьясөн: **Радысла** нинём эз куж шуны. **Ныргорён узьёмсыс** керкаяс вылысь Лымйыс весь гылалё, тіралё му (В. Лыткин).

Мога обстоятельствоис петкөдлө действие вөчөмыслысь могсө. Татшөм членнас вермө лоны мога падежа существительной, кывббра существительной да инфинитив: **Векныд борйөд сьорсьөн-борсьөн Эжва вала** лэччам ми (В. Лыткин). ...ичөт дырйиыс **Геня Дуркин...** не этшайсь ветлывліс **вотөсла, тшакла** (Я. Рочев). **Пинжакасьлөны да шапкаасьлөны** найө сөмын шоныд дырйи **тшапитчөм** **могысь** праздник лунъясө... (Я. Рочев). **Ог төд, кызни** вадор саяйө локсис **Морөс бердысь пальөдыштны** дой (А. Размыслов).

Условие петкөдлысь обстоятельство индө условие вылас, код дырйи вөчсө действиеис. Сийө йитчө сөмын глаголөн петкөдлөм сказуемой дінө либө сёрникузя дінас ставнас: **Лыддысьтөг** оз позь бура велөдчыны.

Нога обстоятельство петкөдлө кызни, кутшөм ногөн вөчсө действиеис, петкөдлө действиеислысь, состояниислысь качествосө. Сийө медясө сідзжэ йитчө сказуемой дінө, но вермө йитчыны и мукөд членъяс дінө. Татшөм обстоятельствоис петкөдлысьсө наречиеөн, деепричастиеөн либө деепричастной оборотөн, а сідзжэ петан, ылыстчан, торйөдан, воан падежа существительной: **Асыв** век жө төдіс асьыс уджсө. **Руд небесаыс вочасөн** кыпаліс, паськаліс. **Туйсайса** керкаяс **ньөжйөникөн** быдмисны, матысмисны. (Я. Рочев). **Ывла** вылын пашляк ковгө, **Лявзигтырйи** дзуртө лым (В. Лыткин). **Мунөны** нопъя йөз ю дорті, яг пөлөн, **Тувсовья сынөдөн чөскыда** лолаліг. **Веськыда** мунөны пыр, **Шонділань** **видзөдігтыр** (В. Лыткин). **Сьбөлөмянь** аттьөалісны бур уджысь.

Мера да степень вылө иядысь обстоятельствоис йитчөны глаголөн, безлично-предикативной кывйөн, а сідзжэ наречиеөн петкөдлөм член дінө да индө кадлөн, инлөн мера вылө, действиелөн степень вылө, гөгөрвоөдоны действиесө, состояниесө, признаксө лыд, мера, степень серти. Татшөм обстоятельствоис на вермас лоны наречие, деепричастие либө деепричастной оборот, существительной, лыд петкөдлысь кывъяс, кыв тэчасьяс: **Асыв**вылын кыа. **Шувгө** ва дор вөр. **Эжва муртса** гыа (В. Лыткин). **Джуджыд** ньыв пуяс, мича коз пуяс **Лөня** быдмисны, **муртса** вөрисны, **Муртса** вөрисны — лыснас дзөрисны (В. Лыткин). **Сөян-юансө** лөсьөдөмаөсь **пызан чегмөн**. **Сотө-пөжө** юр весьтын вашъялысь шондіыс, **пөсьөдз** донөдөма лыасө... (В. Напалков). **Вит** лун чөж сапкисусис лым. **Челядь** дырйи гажыд уна, **Дольда** сэк олам... **Гашкө, дасысь** өти луно **Дырнөс** дорө волам (В. Лыткин). **Вокыслөн** отпускалігөн **Ира Нестерова** **кыкысь** котыртіліс комсомолецьяслысь да том йөзлысь субботник (В. Напалков). **Сьодасис са сьөдөдз** войыс, **Дженьдамис** луныс (В. Лыткин). **Мукөд** асылө пу йывъ-

ясын зарниён ворсё шонді югөр, а луннас мөдөдчас зэр либё шля-
ка да кётодас медбөръя **сунисөдз** (Я. Рочев).

Д е т е р м и н а н т ь я с. Быд сикас сёрникузяын вермас лоны сэтшөм член, коді паськөдө сёрникузяыслысь вежөртгассө ставна-
нас, а оз сөмын кутшөмкө торъя членлысь. Татшөм содтөд членыс
шусьё детерминантөн. Сійө кокныда йитчө ставнас сёрникузя
дінас, а оз кутшөмкө член діно. Найө сулалөны медясө сёрни-
кузя водзын, но актуальнөй членение дырйи вермө вежны ассыыс
инсө. Овлөны субъектнөй, объектнөй да обстоятельственнөй де-
терминантьяс. Субъектнөйыс индө действие вөчысь вылас либө
сы вылө, коді олө кутшөмкө состояниены: **Сылы** гажтөм. **Меным**
сьөкыд. **Тэныд** аски водз мунны. **Чойлы** эськө шойчыштны. 'Объ-
ектнөйыс петкөдлө объектсө, предметсө, код вылө вуджө дей-
ствиеыс, состояниены: **Тэныд** козин. **Пиөйлы** көсья сөмын бурөс.
Ставыслы уджыс тырмас. Овлөны када, ина, мога, нога, помка
вылө, условие вылө да с. в. индысь обстоятельственнөй детерми-
нантьяс. Найө индөны уна сикас обстоятельствояс вылө, код дыр-
йи вермө вөчсыны действиеыс: **Ар** кезлө көдздөдас. **Шонді во-**
дзын шонид. **Керкаын** пемыд на. **Көдзыд** вылө видзөдтөг ставныс
локтисны ас кадө.

СЬӨКТӨДӨМ (СЛОЖНОЙМОДОМ) ПРӨСТӨЙ СЁРНИКУЗЯ

Прөстөй сёрникузяын кё эмось өтсыма (однородной) членъяс, торйөдөм (обособитөм) членъяс, пыртана (вводной) да содтана (вставной) тэчасъяс либё шыөдчөм (обращение), сийө лоө сьөктөдөм. Татшөм сёрникузяыс сулалө прөстөй да сложной сёрникузя костын. Сёрникузялөн сьөктөдыс юкөныс лоө полупредикативнойөн, сийө содтө медшөр предикативной подулыслыс вежөртассө. Полупредикативностьыс — тайө медшөр висьталантор дорас содтөм юөртөм. Сийө сетө сёрникузяыслы содтөд вежөртас, содтөд рөмъяс.

ӨТСЯМА ЧЛЕНЪЯСА СЁРНИКУЗЯЯС

Өтсымаясөн лооны сёрникузялөн сэтшөм членъяс, кодъяс өткодя гөгөрвоөдөны кутшөмкө өти и сийө жө кыв, овлөны өти и сийө жө синтаксической функцияын, петкөдлөны өти сикас понятияс, сюрөса кыв динас ставныс йитчөны подчинительной йитөдөн, а өта-мөд костас — сочинительной йитөдөн, вочавидзөны өти и сийө жө юалөм вылө. Однородной членъясыс өта-мөдсыс оз зависитны ни вежөртас сертиыс, ни грамматическөя. На костын паныдасьлөны лыддөдлана, өткодялана, өтвывтана, торйөдана, паныд сувтөдана да с. в. отношенияс. Сёрникузялөн кутшөмкө торъя член да однородной членъяс костын овлөны өткодь синтаксической отношенияс. Өтсымаясөн вермас лоны сёрникузялөн став членыс. Татшөм членъясыс векджык овлөны кутшөмкө өти и сийө жө кывсикасөн, но вермөны петкөдлысыны и разной кывсикасысөн, либё өти и сийө жө кывсикасыслөн разной форма-ясөн: А нөшта сылы зэв любө вөлі видзөдны шондө югөръясөн ворсөдчыс **ваө**, кывтыс еджыд **пароход вылө**, **эрдлань**, **вөрлань** (И. Торопов). Мунөны нопъя йөз ю дорти, яг пөлөн, Тувсовъя сынөднас чөскыда лолаліг (В. Лыткин). Вылыс өзйыштіс Алексей Никитич. Но сийө **лыддис асыө культурной мортөн да эз жө мөд шыбласьны лөк кывъясөн** (В. Юхнин). Однородной членъяслы лөсялана признакъяс: (а) лооны өти сийө жө членөн, (б) сёрникузялөн кутшөмкө членкөд найө йитчөны подчинительной йитөдөн (подлежащөйыс кындзи), (в) өта-мөд костас налөн сочинительной йитөд, (г) тшөкыда петкөдлысөны өти и сийө жө кывсикасөн

(тшöкыда овлöны öткодь морфологическöй формаын), (д) петкöдлöны кутшöмкö öти понятие: ...сэтшöм лöсьыд вöлi Питиримлы лов тырнас кывны и шоналöм **васö**, и вежөн ловзьысь **берегьяссö**... (И. Торопов). Друг сынöдыс тырис дзодзöгьяслөн лёкысь горзöмөн. Ламбей **кыскыштiс** пыжсö **берегö**, **босьтiс** ружьесö, **көтöртiс** (В. Юхнин). Рытъя шондыс джуджыд нöрысö пыжа моз югöрнас **курасьö**, керка öшинасьö дзырыд васö **резö**, сикт мыш выльысь веж йикна идлысь диторьяссö виж гыөн **тыртлö** (Г. Юшков). **Лямпa туй ни чер туй он** лысьт кольны йöз чöс туй вылö.

Однороднöй членьясыс йитчöны вежöртаснас да грамматическöя. Сёрникузяын членьясыслөн öткодьлуныс (однородностьыс) петкöдлысьö шуанногөн, союзьясөн, кыв формаясөн. Быть коланаөн лоö торъя (лыддьöдлана) шуанног. Став членыс шусьö öткодья. Татшöм членьясыс вермöны йитчыны сiдзжö сочинительнöй союзьясөн, но найö абу быть коланабсь. А сёрникузяын кö кывьясыс йитчöмабсь союзьясөн, сiдзкö найö лоöны однороднöйөн, найö век шусьöны лыддьöдлана шуанногөн: **Тулыс и гожöм** петавлö кыа... (В. Лыткин). **Ме радейта и эрд, и вөр, Из гора креж и паськыд море** (В. Власов). Öтсыма членьяссö öти кывсикасөн либö öткодь формаясөн петкöдлöм сiдзжö лоö на костын йитöдөн: **Дзырдав жö, Коми му, коляоз дзоридзөн, Сьöлаоз синьясөн, гөрд лежнöг цветьясөн!** (В. Лыткин).

Оз лоны öтсымаясөн (а) вежöртассö ёнмöдöм тöдчöдöм могысь кыкысь либö некымынысь шуöм (повторитöм) кывьяс: **Ыргис-ыргис** да ланьтiс жö эсеся вой тöлыс (Г. Юшков). Пыр **матынджык** и **матынджык** кылiс кодлөнкö гöлöс; (б) фразеологическöй тэчасьяслөн юкөньяс: **ни бөрö ни водзö, пом ни дор, шы ни төв, шы ни ру, шы ни гу...**; (в) глагольяслөн тэчасьяс, кодьяс лоöны öтувья сказуемöйөн: **Босьтiс дай вöчис** медводдзаён. **Ветла видзöдла**; (г) частицаясөн йитчöм кывьяс: **керка не керка, а мыйкö водзас сэнi тыдалö**. Став тайö лыддьöдлöм кывйыс сёрникузяын лоöны öти и сiйö жö членөн.

Öтсыма членьяссö йитысь союзьясыс вежöртас сертиыс овлöны öтвывтанаөн, паньд сувтöданаөн, торйöданаөн, орччöданаөн. **Öтвывтан** союзьяснас лоöны **и, да (и вежöртасын), дай, ни. И, да** союзьяс овлöны öткаөн, но вермöны шусьыны и кыкысь либö унджыкысь. Öткаясыс индöны сы вылö, мый лыддьöдлöмыс помасьöма: Колисны тулыс и гожöм. Тшапöсь на коз пу да пожöм... (В. Лыткин). Кыкысь либö унджыкысь шуана союзьясыс тöдчöдöны, мый лыддьöдлöмыс абу помасьöма, мый öтсыма членьяслөн лыдыс абу на помасьöма, тöдчöдöны лыддьöдлан шуанногсö: **И** луньяс кольöны, **и** тöлысьяс, **и** вояс. Оз бурдны сöмын сьöлöмысь важ дойяс (В. Попов). **И** союзыс вермö йитны öтсыма членьяссö параясö, шуигөн коставлöмыс вöчсьö параяс костаc: Кöдзыдыс и пемыдыс, ёсь тöлыс и посни зэрыс — ставыс мешайтiс мунны водзö. **Дай** союз сулалö öткөн, индö лыддьöдлöмыслөн пома-

сьом вылас: Пасьтала ме дукосе **Дай** мөдөдчи карө (В. Лыткин). **Ни** (өтка и кыкысь шуана) союз паныдасьлө сөмын сосына сёрникузясы: Мортылөн арын **ни** төлын Челядьдыр некор оз вун (В. Лыткин). Видз шөрын быдмө өтка ыджыд гум, **И** абу жеб **ни** вөсни сылөн иддзис, **Ни** төв нырысь, **ни** зэръясысь оз видзчысь, Медмуса сылы гожд да шондї нюм (А. Ванеев).

Паныд сувтөданаясөн лөоны **а, но, да** (но вежөртасын), **зато** союзъяс. Найө индөны сы вылө, мый өти предметлы, признаклы, действнелы паныд сувтөдсьө мөд предмет, признак, действие. Тайө союзъясыс өткаөсь, оз шусьыны кыкысь либө унджыкысь: Мойд... **но**, зарни чойөй, Сьөлөмөс эн дойд! (В. Лыткин).

Торйөданаөн лөоны **либө, али, то... то, не то... не то, нисьө, то ли** союзъяс. Найө овлөны өткаөн либө некымынысь шуанаөн. **Али, либө** союзъяс петкөдлөны, мый лыддьөдлөм предметъяс, действиеяс письыс збыльвылас вермас лоны сөмын өти, мый збыльторйөскөд сөмын өти йитөд: Ота-мөдөс радейтөмтө **либө** веськөдлөмтө он дзев (П. Шахов). **То-то** некымынысь шуана союз индө действиеясылөн, предметъясылөн, явлениеясылөн вежласьөм вылас: Телега туй **то** чой горув лэчөдас, вуджас вөрса ёль вомөн вөчөм пос кузя, **то** бөр сэсса катөдас лыаа бужөд пөлөн гажа яг нөрысө... (Г. Фёдоров). **То ли... то ли, нисьө** союзъяс петкөдлөны чайтөм: Тайө сьөд вөршөрса эновтөм кушникыс войвывса мукөд кушникъяс моз сулалё ёль **нисьө** ичөтик ю дорын... (Я. Рочев). Талун сийө **то ли** локтас, **то ли** оз лок. Бөрдө **нисьө** ышлолалө забеднөысла... Виринея (Г. Юшков).

Орчөданаясөн лөоны **кызди... сідзи, не сөмын, но и, не сы мында... мыйта, көть... но** союзъяс. Найө век артмөны кык юкөнысь, йитөны кык өтсыма член, кодъяс орчөдсьөны өта-мөдыскөд, өткодявсьөны кутшөмкө отношение серти. Налөн воддза юкөныс сувтөдсьө өти өтсыма член водзас, а бөръя юкөныс — мөд член водзас: Косьмыны удиттөм стенсянь нырө өвтысь пожөм сир дукыс син водзө сувтөдис Гея Макла сиктө пыранинысь сө арөса пожөмөс, кодө асьыныс пас цуктылісны **не сөмын** өнія челядь, **но и** налөн батъясыс... (Я. Рочев).

Сёрникузяса өтсыма сюрөса членъяс. Сёрникузяын сюрөса членъясыс лөоны өтсымаөн сөмын сэк, кор найө артмөдөны өти предикативнөй подув. Кык либө некымын подлежащөй кө йитчөмаөсь өти сказуемөйкөд, найө лөоны өтсымаясөн. Йитөдыс на костын вермас лоны союзтөм либө союзаөн: Нывъяс, нывъяс, Мича мелі синъяс! Титөг эськө олөмыс эз вөв! Радейтөны тиянөс став выннас **Тулыс, гождөм, ар** и кодзыд **төв** (В. Власов). өтсыма подлежащөйяслөн вермас лоны өтувъя содтөд член-определение: Көинлөн **пиньясыс да гыжъясыс** абу ныжөсь. Сказуемөйыс кө сулалө однороднөй подлежащөйяс бөрас, сийө век уна лыда формаын, көть подлежащөйясыс и өтка лыдаөсь: Кызд, пожөм да жовпу быдмөны потшөс дорын. Сказуемөйыс кө сулалө одушев-

лѣнной существительнойн петкѡдлѡм ѡтсыма подлежащѡйяс водзын, сѣѡ сувтѡдсѣѡ уна лыдѡ: Чукѡртѡмаѡсь гортѡ **пѡль** и **пѡч**, **чѡй** и **вок**. Подлежащѡйнас кѡ лоѡны неѡдушевлѣнной существительнойяс, сказуемѡйяс вермѡ паныдасылыны и ѡтка лыдын.

Ѳтсыма сказуемѡйяс видлалѣгѡн колѡ кутны тѡд вылын, ѡти-кѡ, мый найѡ йитѡѡны ѡти подлежащѡй дѣнѡ, мѡд-кѡ, мый найѡ артмѡдѡны кык либѡ некымын предикативнѡй подув. Сы вѡсна некымын сказуемѡя сѣрникузя велѡдѣгѡн колѡ босѣтны тѡд вылѡ сказуемѡй-ыслысь сикассѡ, сылысь лексической да грамматической вежѡртасѣяссѡ петкѡдлѡмсѡ, сылысь артманногсѡ. Сѣрникузяын кѡ эм некымын прѡстѡй глагольной сказуемѡй либѡ морфология боксыань разнѡй кывсикасысѡн петкѡдлѡм сказуемѡй, сѣтшѡм сѣрникузяяс сулалѡ прѡстѡй да сложнѡй костын, артмѡдѡ переходнѡй (вуджаѡ) сикас: Тѡлыс **оз** и **мудзлы**, туйяс **вѡчѡ**, Зѣля **посѣѡ** юяс бѡрся ю, Енѣж пасѣта кодзувѣяссѡ **кѡдзѡ**, Еджыд вольѡн **вевтѣѡ** паськыд му (В. Власов). Дона анѡй, прѡшви шѡртысь **Кыан**, **серпасалан** мойд (В. Власов). Педѡ бѡр кайис Ошѣѣлѡ тѣрмасѣтѡг гуляйтѣгмос. **Нимкодѣяс** сылысь-дзольгысь пашкыр юра пожѡмѣяс косттыс паськыд зарни руа визѣясѡн юковтѡм да мойдын моз небыд югѡрѡн ойдѡм вѡрнас, **сетчис** аслас долыд **думѣяслы** (Б. Шахов). Сѣѡ **вѡлі том**, **мича**, **радейтѣс** олѡм. Но сѣрникузяын кѡ эмѡсь сказуемѡйяс, кодѣяс артмѡмаѡсь некымын субъектнѡй инфинитивысь да ѡтувѣя отсаян глаголысь, некымын нима юкѡнысь да ѡтувѣя связкаысь, а сѣдзжѡ некымын безлично-предикативнѡй кывйысь да ѡтувѣя связкаысь, лѡѡ ѡтсыма членѣяса прѡстѡй сѣрникузяѡн: Первой класса велѡдчысыяс **кужѡны нин лыддысыны**, **гижны**, **артасыны**. Куимнан сус пуыс **вѡліны** повзѡдчана **гырысьѡсь**, **ыджыд турун зорѡдѣяс кодѣ топѣдѣсь**, дыртѡ быдмигѡн жмитѡмаѡсь ѡта-мѡдныс дѣнѡ (И. Торопов). Енѣжын пыр унджык и унджык кодзув кыськѡ петѡ. Пыр **югыдджыкѡсь** и **югыдджыкѡсь** найѡ лоѡны да бытѣѡ **матынджыкѡсь** (И. Торопов). Керкаын **вѡлі сѡстѡм**, **югыд**, **шоныд**. Ѳтсыма содтана членѣяс артмѡдѡны кывѣяслысь сочинительнѡй йѣтѡд, найѡ век подчиняйтѡѡны кутшѡмкѡ ѡти (сюрѡса либѡ содтана) членлы, а лоѡны кѡ детерминантѣясѡн,— сѣрникузяыслы ставнас. **Ѳтсыма дополненияс** йѣтѡѡны союзѣясѡн либѡ союзѣястѡг ѡти и сѣѣѡ жѡ кыв дѣнѡ, петкѡдлѡны ѡткодѣ отношенияс, найѡ век сулалѡны ѡткодѣ падежын: Ъвлаыс кутшѡми гажа! **Байдѡгѡн**, **бобулѡн**, **кѡчѡн** Енѣжсыан кодѣкѡ **кѡдзѡ!** (В. Лыткин), **Ѳтсымаѡн** лоѡны **обстоятельствас**, кодѣяс йѣтѡмаѡсь сѣрникузялѡн ѡти и сѣѣѡ жѡ член дѣнѡ, ѡткодѣ зависѡтѡны сюрѡса кывсыс, пырджык кутѡны ѡткодѣ вежѡртас (кад, ин, помка, мог да с. в.): Джуджыд вѡра **пармаяс пѡвстѡд**, еджыд ялаа мича **ягѣяс пыр**, уна пѡлѡс **расѣяс вомѡн**, веж туруна **видѣяс дорѡд**, изѣя **косѣяс вывтѣ**, **посныдик** коми **сиктѣяс пѡлѡн** войывысыань лунвылѡ шынгѡ-визувтѡ Висер ю (И. Изѣюров).

Отсяма да абу отсяма определенияяс. **Отсяма** определениясыс откодя зависитоны оти и сийо жо гогорвоодан (определяемой) кывйысь, синтаксис боксянь найо ставныс откодъось (равноправнойось), налон лыддьодлана шуанног. Быд определение веськыда йитчюма гогорвоодана существительнойоскод, ота-модсыс оз зависитны. Татшом определениеяс костас лыддьодлана отношениеяс, найо йитчоны либо сомын лыддьодлана шуанногон, либо шуанногон да сочинительной союзъасон. Татшом определениеясыслысь позо вежны инсо, но вежортасыс оз вежсы. Отсяма определениясыс гогорвоодоны предметсо кутшомко оти сикас признак серти, шуам, ром, ыжда серти да с. в. Найо петкодлоны либо торйодана признакьяс разной предметъаслысь, либо торйодана признакьяс оти и сийо жо предметыслысь: **Воис зэра, кодыд ар.**

Абу отсяма определениеяс век гогорвоодо оти предмет, но разной боксянь: **Лоз синма ичотик** дзорид Дзордало син дорын татон (В. Лыткин). Определениеясыс оз лоны однороднойон, на пиысь отныс ко йитчо гогорвоодана (определяемой) кывйоскод веськыда, артмодо сыкод кывтэчас, а модыс йитчо тайо кывтэчас динас ставнас кыз отувъя сложной понятие дино, гогорвоодо тайо кывтэчассо ставнас, ылынджык сулалысь определениеяс подчиняйтчо кывтэчасыслы. Неоднородной определениееа кывтэчасъасылон подчинительной шуанног. Татшом определениеясыс зависитоны ота-модсыс вежортаснас, ота-модыскод йитчоны сорьсон-борьсон: **Кутш моз шлывго водзо Чуймом тувсов вой.** (В. Лыткин). **Лоня шынгө-визувто лоз ваа ичотик ю...** (И. Торопов). **Лоз роч ной** эшкыныс ылын Туплясо нумъялан шонди (В. Лыткин).

Неоднороднойон векджык лооны определениеяс, кодъасос петкодлома местоимениеон да прилагательнойон (тэнад съод платье, мян ыль керка), числительнойон да прилагательнойон (коймом тувсов лун), качественной да относительной прилагательнойосон (ыджыд пу керка, шоньд гажа лун), причастиеон да прилагательнойон (лыддысысь том зон). Татшом определениеясыс петкодлоны предметъаслысь разной признакьяс: принадлежность да ром, ыжда да материал, форма да ром, качество да ин серти признак да с. в.: **Некор кымывлытом Джуджыд Шор туома нин сылысь лымлон тувсов** ваон да мый вынсыс ызго-бузго, тэрмасо лозодны пондом Сыктыло (И. Торопов). **Шензисны шондилон медводдза югоръяс...** (Г. Лыткин). **Полігтыр нуммуние асылон кыа. Лапнитис ыджыд съод синъяснас вой** (В. Лыткин). **Косья ме сыланкыв тэчны Посни состом дзирдалан изъяссысь...** (В. Лыткин).

Однородной членъяс бердын вермоны паныдасылыны отувтана (**обобщайтана**) кывъяс. Татшомъяснас лооны сэтшом кывъяс, кодъяс зэв паськыда, сточмодтог петкодлоны однородной членъ-

яслысь вежортассо. Обобщайтана кывйыс — тайо збыльывса явлениеяслон отувтана ним. Тайо кывйыс индо сы выло, мый торйон петкодлоны однородной членьясыс. Однороднойясыс ко петкодлоны векныд, видовой понятие, то обобщайтана кывйыс — паськыд, родовой понятие. Обобщайтана кывьяс пьддиыс тшоқыда муноны местоимениеяс да местоименной наречиеяс, прилагательнойяс: нином, некор, некод, быдон, ставыс, быдлаын, быдсяма да с. в. И **ставыс** рытя кыа ромон ворсо: И му, и ва, и вор, и кымор пив (В. Власов). Мем тэын **ставыс** Радейтана, муса: И гажа вор, И тэнад вына йоз, И зарни шонди, Шонтэ кодэ мусо, И мян весьтын Сынод — кельыдлоз (В. Елькин). **Быдсяма** туйыс од эм вольной светад — Паськыд и векныд, веськыд и чукля (В. Лыткин). Обобщайтана кывьяс пьдди корсюро сиджэ вермоны мунны подчинительной либо сочинительной кывтэчасьяс: Оні эсько **көнко шоныдынын** шойччыны: керкаын, паччорын, полать вылын. Оні на менам син водэ сувтэны **сиктыяс** да **карьяс**: Печора, Ухта, Ижма, Куломдин...

Отувтана кывьясыс вермоны сулавны однородной членьяс водзас либо борас. Сийо ко сулалэ однородной членьяс водзас, восьто налысь радсо, на костын артмоны гогорвоодана отношениеяс. А отувтана кывйыс ко сулалэ однородной членьяс борас, подлалэ налысь радсо, сэки артмоны собственно-обобщайтана отношениеяс. Отувтана кывьясыс либо кывтэчасьясыс сёрникузяын лобны сэтшом жо членьясон, кутшомон и отсяма членьясыс.

СЕРНИКУЗЯЫН ТОРИОДОМ ЧЛЕНЬЯС

Торйоддоман лобны содтана членьяс, кодыяслы лэсялоны полупредикативной функцияс. Полупредикативностьыс — сийо кутшомко признак, действие йылысь содтод юортом. Торйоддом содтана членьясыс ашораджыкбсь торйодтомьяс сертныс, сы всна мый торйоддом членьясыс лобны полупредикативнойон, найо сетны содтод юортом. Татшом членьяса сёрникузяясыс сулалэны прэстой да сложной сёрникузяяс костын. Тайо прэстой сёрникузя, но сьоктодома (сложноймоддома).

Торйоддомыс — сийо содтана членьяссэ вежортас да шуанног сертныс торйоддом, сы могысь, медым налы сетны ыджыджык ашорлун мукод содтана членьяс сертныс. Торйоддом содтана членьясыс оз топыда йитчыны сюрёса кывйыскод, а торйодтомьясыс сюрёса кывйыскод йитчоны зэв топыда. Оз вермыны торйодсыны сёрникузялэч членьяс, найо ко быть коланабсь, топыда йитчомабсь сюрёса кывйыскод. Торйоддоманас вермасны лоны сомын абу быть колана членьяс, сэтшомьяснас лобны определение, приложение, обстоятельство (зэв шоча — дополнение). Сёрникузялэч сюрёса членьясыс некор оз вермыны торйодсыны. Содтана членьясыс торйодсыны: 1) найо ко сулалэны оз сюрёса кывйыс-

көд орччон, а на костын кө эмөсь кутшөмкө мукөд кывъяс; 2) на-
лөн кө мөд нога, абу пыр овлана кыв пөрадок, а инверсия, сула-
лөны кө сэтшөм инын, көні найө озджык паныдасьлыны; 3) на-
йөс кө паськөдөма (распространитөма), лооны кө найө торъя
грамматическөй юкөнлөн подулөн (торйөдөм членеы сёрникузя-
ыслысь вежөртассө вөчө сложнойджыкөн, юөртөмыс лоө тырвыйө-
джык; 4) өти член кө стөчмөдө мөдсө; 5) налөн кө торъялана
шуанног, найөс кө торйөдөны фразөвөй ударениеөн: Дыр нюжа-
лысь, пашлякөн лыйсысь көдзыдыяс бөрын коми пармаө воө гөс-
титны тулыс — **небыд лов шыа, дзользысь гөлөса, шөвк чышьяна**
да **вежөдысь кудриа юрсиа** (В. Напалков). Стап Онь Ив, **лөсьыд**
кытшыльтчөм уска, Орчча керкаө воывліс дыр. Сэтчөс ныв вөлі
вывті нин муса, Нывнас сьөлөмыс Ивөлөн тыр (В. Власов).

Торйөдөмыслөн помканас лоө сійө, мый сёрнитысьыс (либө ги-
жысьыс) көсйө либө сылы колө мыйкө төдчөдны, гөгөрвоөдны,
стөчмөдны, кыскыны вниманиесө кывзысьыслысь висьталантор-
йыслөн кутшөмкө юкөн вылө. Сёрникузяын кутшөмкө членөс тор-
йөдөмыс овлө сэк, кор авторыслы колө мыйкө йылысь висьтавыны
стөчджыка. Та могысь колө (а) торйөдны мортлысь, предметлысь,
явениелысь кутшөмкө торъя, колана признакө: Сійө — **мугов**
чужөма, косиник тушаа — сөйыштөма-юыштөма нин, пукаліс улөс
мыш вылө водөмөнмоз лэччысьөмөн, тшынасис... (П. Шахов);
(б) гөгөрвоөдны, стөчмөдны, востыны сёрникузялөн кутшөмкө
членлысь вежөртассө: Вөр весьтын, **Эжва сайын**, кайнс еджыд ру.

Торйөдөм определение. Коми кывйын определение веджык сула-
лө гөгөрвоөдан (определяйтан) кыв водзас. Сулалө кө сійө
определяйтан кыв бөрас, сідзкө, торйөдсьө. Сэки торйөдсьө опре-
деляйтана кывйыслөн кутшөмкө признак, качество. Татшөм опре-
делениеыс тшөкыда паныдасьлө вөр-ва явлениеяс, мортлысь
ортсыса да пытшкөсса качествояс, йөзлысь семейнөй, обществен-
нөй, служебнөй положение петкөдлөм могысь: Со сійө, **төждысь-**
ысь да **жугыль**, сулалө пиыс ноп дорын (В. Юхнин). Определение
век торйөдсьө (сёрникузяын, сылөн ин вылө видзөдтөг), сійөс кө
гөгөрвоөдан кывсысь торйөдөма сёрникузяса мукөд членьясөн,
кодъяс оз йитчыны определениеыскөд, оз зависитны сыысь, опре-
деление да гөгөрвоөдан кыв костас эмөсь мукөд членьяс: А горда
пара матыстчөны и матыстчөны, **тшапөсь, мичаөсь**, голяясө не-
уна кусынытыштөмаөсь, клопөдчөны бордыяснас (И. Коданев).

Определение вермө торйөдсьыны и сэк, кор сійө сулалө гөгөр-
воөдан подлежащөй водзас, нуө кө сійө содтөд вежөртас. Сэки
сійө лоө оз сөмын подлежащөйбердса определениеөн, но и ска-
зуемөйсө гөгөрвоөдысь кывйөн. Тайө сідз шусяна предикативнөй
определение: **Мудзөсь**, но асланыс лунся уджөн **долыдөсь**, пөрөд-
чысьяс пырисны вагонө, пуксялісны лабичьясө (В. Юхнин).

Торйөдсьөны өтка, паськөдөм (распространеннөй) и өтсыма
(однороднөй) определениеяс: Зумыш енежсянь юсь гөлөс нюрк-

нитіс, нор. Да и дзодзөгъяс лэбѳны лунвывлань — шенасыс тэрыб (М. Елькин). Лун шѳр гѳгѳрын кымын ме, водзлань чургѳдѳм пи-
шала, петі том козъя-понѳля дзескыд тїллысь гырысь пожѳмъ-
яса шылыд да югыд ягѳ... (И. Торопов). Чардыштїс, ...сэсея гы-
мыштѳмкѳд тшѳтш ыльѳбтїс зэр, **веськыд, шоныд, гырысь** (В. На-
палков). Повзыштѳмыс, тыдалѳ, и падмѳдіс мѳдсѳ. А, гашкѳ, и
локтысь тшѳтш, том зон на видзѳднысѳ, **косїндзи еджгов чужѳма**
да **лывкъялана пельк вѳраса** (Г. Юшков).

Век(ин вылас видзѳдтѳг) торїѳдсѳѳ определение, кодї гѳгѳр-
воѳдѳ морта местоимениѳн петкѳдлѳм сѳрникузяс членъясѳс, сы
вѳсна мый местоимениеыс кутѳ паськыд вежѳртас, и сїѳѳс пыр-
джык колѳ стѳчмѳдны: Найѳ, **томѳсь** да **ѳнѳсь**, зїля уджалѳм бѳ-
рын долыда сялькѳдчисны ваын... (Г. Фѳѳоров). **Лыжнѳй костю-**
ма да **шлѳпьялан ыджыд важ сапѳгъяс**, гач вылас нѳшта **быга-**
лѳм сїтеч юбкаа, сїѳѳ вѳлі кос-косъмѳма да мышкыртчѳма на
(Г. Юшков).

Причастнѳй оборѳтѳн петкѳдлѳм определениеяс, кодъяс сула-
лѳны гѳгѳрвоѳдана кыв водзас, коми кывїын пырджык оз торїѳд-
сыны: Ме пукала кер вылын да мерниклѳн кѳрт помѳн вештала
катаник нырысь **би жарсянь сылысь-сѳнікасысь** лымсѳ (И. Торо-
пов). Гѳгѳрвоѳдан кыв водзас сулалысь татшѳм определениеыс
вермѳ обособляйтчыны сѳмын сѳк, кор сѳрнитысьыс кыскѳ вни-
маниесѳ предметылѳн признак вылас, тѳдчѳдѳ сїѳѳс: **Няйт шыне-**
ляѳсь, лун-мѳд бритчѳтѳмѳсь, пленнѳйяс восьлалїсны надзѳникѳн,
муѳ видзѳдѳмѳн (И. Изъюрѳв). Танї причастнѳй оборѳт вылас
усѳ логическѳй ударениеыс, сїѳѳ лѳѳ содтѳд сказуемѳйѳн.

Торїѳдѳм определениеыс оз прѳстѳ инды торъя признак вылѳ,
сїѳѳ век нуѳ кутшѳмкѳ содтѳд юѳртѳм. Сїѳѳ ашшѳрджык торїѳд-
тѳм сертныс. Татшѳм определениеыслы лѳсялѳ гѳгѳрвоѳдана шу-
ачѳг, сѳрнїын сїѳѳ торїѳдсѳѳ кѳставлѳмѳн, сылы лѳсялѳ аслыс-
пѳлѳс кыв пѳрадок, инверсия, определениесѳ гѳгѳрвоѳдан кыв бѳ-
рас сувтѳдѳмыс ѳнджыка тѳдчѳдѳ сылысь вежѳртассѳ. Торїѳдтѳм
определениеыс кѳ век индѳ предметылѳн кутшѳмкѳ пыр лѳсяла-
на признак вылѳ, кад вылас видзѳдтѳг, то торїѳдѳмаыс бѳсьтѳ
када признак, петкѳдлѳ предметыслысь оз пыр овлана, век лѳся-
лана признак. Сїѳѳ петкѳдлѳ сѳтшѳм признак, кодї йитчѳма сѳ-
мын кутшѳмкѳ торъя кадкѳд, тайѳ сїѳѳс матыстѳ сказуемѳйкѳд,
кодї действїесѳ, состоянїесѳ, признаксѳ век петкѳдлѳ торъя кад
коластын, сылѳн век эм кад категория.

Торїѳдѳм приложение. Татшѳм приложениеыс гѳгѳрвоѳдѳ либѳ
стѳчмѳдѳ сїѳѳ предметсѳ, код йылысь мунѳ сѳрнїыс. Стѳчмѳдысь
торїѳдѳм приложениеыс медясѳ паныдасьлѳ сѳк, кор стѳчмѳдана
членсѳ петкѳдлѳма морта, соссяна, индана местоимениѳн, кодлѳн
абу кутшѳмкѳ стѳч вежѳртас: Тыр сюсь йѳзыс ѳнї важѳн вѳталѳ-
ны коймѳд вѳт, а ме, **йѳйыд**, сьѳлѳм гажѳн юкся войкѳд — век ог
пѳт (В. Попѳв). Ми, **салдатъяс**, чужим Россїяын... Тайѳ нырас

мед тшупас быд вөрөг (А. Ванеев). Торйөдөм приложение вермө йитчыны сёрникузьяса главнөй да содтана членьяс динө: Мамлөн йөвкөд мем муслун воис, Шоныдін корсьны ме ог мун, Меным быдөнысь Дона Войвыв, **менам Чужан му, батылөн му** (А. Ванеев). Восстание йылысь кывсис мянлы, **Петроградын велбдчысь польскөй студентьяслы** (Г. Фёдоров). Гижөдын приложение торйөдсьө запятаяөн, но кор приложениесө колө торйөдны однороднөй членьясысь либө кор сы вылө усьө логическөй ударениеыс, гөгөрвоодан кыв да приложение костас пуктысьө тире: Быд сикас мортыс веськавліс сылы бригадаө — **дышыс и юысьыс** (Е. Рочев). А маякыс — **морьякьяслөн кодзув**, мыйөн пемдыштас, югыда öйө (В. к.). Пызан сайын пукалісны пöрысь баб — **сизимдас арöса нывбаба** — мам, вок да чай.

Торйөдөм дополнение. Ёнджыка төдчөдөм могысь корсьорө паныдасьлө и торйөдөм дополнение. Сійө пыр кутө содтөд юөртөм, сулалө сёрникузья помас, сказуемөйсьыс торьялөмөн. Медся тшөкыда обособляйтсьөны паськөдөм дополненияяс, кодьясөс петкөдлөма кындзи, öтар, öтдор, пыдди кывбөра существительнөйөн либө местоименисөн: Мыссьывліи эн тэ көть öтчөд, **синванад кындзи** (В. Чисталёв).

Сёрникузьяи вермөны *торйөдсьыны и обстоятельствоас*. Сэки найө кокниа вуджөны сложнөй сёрникузьялөн придаточнөй предикативнөй юкөнө. Медсясө паныдасьлөны деепричастнөй оборотөн петкөдлөм торйөдөм обстоятельствоас: Öти морт пöрысь нин, усьяса-тошьяса, Мукөдыс томөсь на. Веськыда мунөны пыр, **Шонділань видзөдигтыр** (В. Лыткин). Но вот, **рытъя сөдз сынөдсө поткөдиг**, шпоркнитіс-лэбис утка котыр (И. Изьюров). **Вася, гырдыза помнас лызь вылө лэдзчысьөмөн**, кыпөдчыштіс лым выльысь да йизьөм малича соснас чужөм выльысь ниртыштіс лымсө (Я. Рочев). Корсьорө торйөдсьө öтка деепричастиеөн петкөдлөм обстоятельство: Ме, **чатрасигтыр**, некымын пөв гөгөрті ён пожөмыс гөгөр. (И. Торопов). Обстоятельство пыдди мунысь деепричастие, деепричастнөй оборот петкөдлө содтөд действие, босьтө второстепеннөй сказуемөйлысь функция. Татшөм второстепеннөй сказуемөйыс петкөдлө действие, коді мунө сказуемөйяс индөм действиеыскөд öти кадө, öттшөтш либө медшөр действие вөчтөдзыс, а сідзжө медшөр действнесө вөчөм бöрын: Вокьяс, **водзө вывті шогсигтыр**, Мөдөдчисны яг выв кырийөд (В. Лыткин). Торйөдөм деепричастнөй оборотыс пасйө кутшөмкө содтөд действие и сэк жө индө медшөр действиеыслөн мунанног, действие вöчан условияс вылас. Оз торйөдсьыны када обстоятельствоас, кодьяс петкөдлысьөны ашшөр субъекта деепричастиясөн: **Шонді петігөн дзоридз косьмис**. **Керкаө пыригөн** кодкө чукөстіс менө. Көть збыльвылас тані öти предложение, но кык предикативнөй юкөн: шонді петө и дзоридз косьмө. Но деепричастиеыс и глаголыс пет-

көдлөны өти кадө мунап ашөр действе, сы вöсна и оз обособ-
ляйтсы.

Стөчмөдысь торйөдөм членъяс. Татшөм членъясыс гөгөрвоөдө-
ны, стөчмөдөны сёрникузьялөн кутшөмкө членъяслысь вежөртассө.
Стөчмөдысь членъяса сёрникузьясыс обособитөм полупредикатив-
ной членъяса сёрникузьясыс торъялөны вежөртаснас: медвод-
даясыс сөмын стөчмөдөны, гөгөрвоөдөны кутшөмкө юкөн, а
мөдъясыс нуөны содтөд юөртөм, полупредикативной функция. По-
лупредикативнойясөн вермасны лоны сөмын содтана членъяс,
а стөчмөдысьнас — став членыс, тшөтш и сюрөсаясыс. Торйөдөм
полупредикативной кывъясыс вермөны йитчыны подчинительной
йитөдөн паськөдана (гөгөрвоөдана) кывйыскөд, а стөчмөдысь
членъясыс йитчөны аслысьяма йитөдөн, стөчмөданаөн, найө вер-
мөны йитчыны стөчмөдана кывъясөн да союзъясөн (весиг, тор-
йөн нин, медсясө, сы лыдын, либө да с. в.). Сёрникузьян өти об-
стоятельство вермө стөчмөдны либө гөгөрвоөдны мөд обстоятель-
ствоөс. Гөгөрвоөдысь либө стөчмөдысь обстоятельствоыс өти по-
нятиесө петкөдлө мөд кывйөн либө кывтэчасөн: Вылісянь, пемыд-
пыдөстөм **енэжсянь**, индалис мянлы туйнымөс дзирдалысь лым
чир кодь еджыд — югыд кодзув... (И. Торопов). Мөдлапблысь,
парма сайысь, Зарни шондө дөня кайө (В. Лыткин). Татшөм об-
стоятельствоысыс век сулалөны орччөн стөчмөдан либө гөгөрвоө-
дан кывйыскөд, сёрнын торйөдсөны шуанногнас, а гижигөн —
запятаясысөн. Но стөчмөдысь да стөчмөдана обстоятельствоысыс
вермөны торъявны өта-мөдсыс мукөд членъясөн: **Сэн**, гашкө,
тшыглы жө кулі, **лагерас** (Г. Юшков).

Өнджыка стөчмөдсөны када да ина обстоятельствоыс: Мича
ва дорті, гажа ю дорті, Тувсов асылө, **шондө петигөн**, Зонка, то-
миник, муніс туй кузя (В. Лыткин). Сметанин юөртис, мый асыя
войнас, **час кыкын**, сійө адзыліс кык төдтөм самолёт (Г. Юш-
ков). Вермөны стөчмөдсыны, гөгөрвоөдсыны и помка вылө ин-
дысь, нога да мукөд вежөртаса обстоятельствоыс.

ПЫРТАНА ДА СОДТАНА ТЭЧАСЪЯС

Пыртанаяснас да содтанаяснас лөоны сёрникузьяыскөд грамма-
тической йитчытөм тэчасъяс. Найө пырөны сёрникузьяс, но под-
чинительной йитөднас сёрникузьяыслөн членъясыскөд оз йитчыны,
накөд кывтэчассө оз артмөдны, грамматической наысь оз зави-
ситны, но вежөртас боксянныс топыда йитчөны сёрникузьяыслөн
содержаннеыскөд. Сёрникузьян татшөм членъяссө торйөдө шуан-
ногыс. Пыртанаяснас вермасны лоны торъя кывъяс, кывтэчасъяс
да сёрникузьяс. Тайө сэтшөм тэчасъяс, кодъяс оз йитчыны сёрни-
кузьяыслөн членъясыскөд, оз лоны сёрникузьялөн членъясөн, пет-
көдлөны сёрнитысьслысь висьталантор дінас уна сикас отноше-

ние, донъялõны висьталанторсõ, индõны юõртанторйислõн источник вылас, йитõны сёрникузясõ контекстыскõд. Пыртана тэчасьясылõн медшõр вежõртасьяснас лоõны: модальной, эмоциональной да экспрессивной. Найõ кõ сулалõны сёрникузья водзас либõ помас, сэки йитчõны сёрникузьяскõд ставнас. Пыртанаясыс вермõны йитчыны и сёрникузьялõн кутшõмкõ торъя юкõн, торъя член динõ. Сэки найõ сулалõны тайõ членъяс дорас. Сёрниын пыртана кывъяслы, кывтэчасьяслы лõсялõ пыртана (вводной) шуанног: найõс шуõны лõня, гõлõс лэдзõмõн. Пыртана тэчасьясыс вежõртас сертиыс овлõны: 1) модальнойõн. татшõмъясыс петкõдлõны сёрнитысьсылысь мый йылысь кõ бура тõдõмсõ (уверенностьсõ) либõ абу стõча тõдõмсõ (неуверенностьсõ), позянлунсõ, падъялõмсõ, чайтõмсõ (дерт, гашкõ, кõнешнõ, збыльысь, кыв шутõг, тыдалõ, кõнкõ, кажитчõ, чайта, буди, тõдõмысь, буракõ, вõлõмкõ да с. в.): Омлялõ турõбыс, скõралõ тõлыс, **Буракõ**, тõлыслы матысмõ лом (А. Мишарина). Водзын на ськыдыс Виччысьõ, **чайта**. Оз жõ мед олõмыс Тальяв кõtь няйтас (А. Мишарина). Векныд туй кузья тшапа ме восьлалі **Гашкõ**, шойччыны, **гашкõ**, и кось вылõ... Мед жõ гажõдас пармасõ пельысь! (В. Лыткин). **Дерт**, Ондрей чужлис тундраын жõ, дас арõдз быдмис кõрпиянкõдõtлаын (В. Юхнин);

2) висьталанторйислысь источникõ петкõдлысь (висьталõны, кывсьõ, кылõ, шуõны, ме ногõн, тэ ногõн, ме думысь, тэ серти, помнита да с. в.): **Шуласны** тай, нывъясыд пõ нэрõсь, налы колõ мелі нюм да сыв (С. Попов). Кõдкõ, **кылам**, кильчõ вылõ кайис (Г. Юшков). Ме **ногõн кõ**, колõ векнõдчыштны пасекаясõн... Пасека вывсьыс ставсõ мичаа пõрõдны и весавны-сотны õния моз жõ (И. Торопов);

3) мõвп (кыв кõрталõм) вылõ индысь (õти кывйõн кõ, мõд ногõн кõ...): **Õти кывйõн кõ**, колõ ставлы зильны уна лыддысьны, уна тõдны;

4) мõвпъяслõн йитõд вылõ индысь, налõн сьбõрсьõн-бõрсьõн мунõм вылõ индысь (õти-кõ, мõд-кõ, õтар боксянь, сідзкõ, сыысь кындзи, таысь кындзи да с. в.): Лёк Вишкун кулис, а прõзвищыес колис. Да мешайтас õмõй Власий Спиридоновичлы тайõ!.. **Õти-кõ**, Вишкунõн сийõс некõд оз лысьт шуны синмас. **Мõд-кõ**, Ласей чайтõм серти, главнõйыс абу сыын, кыдзи тэнõ шуõны,— главнõйыс сыын, кутшõма тэысь полõны (В. Юхнин). Воддза сертиыс дас кокни вõлї меным председателявнытõ. **Õти-кõ**, асьным ас выланым лоим ыджыдõсь, а, **мõд-кõ**, воём кутим тõдны уджсьыным. Дерт, и тõждыс да песььомыс меным сюрлї. Не сытõг. (Г. Юшков);

5) висьталанторсõ эмоциональнойõ донъялõм петкõдлысь (шуд вылõ, грекыд вылõ, рõк вылõ, беда вылõ, чассьõ вылõ, ен сыкõд...): Миян **шуд вылõ**, регыд югдїс, петїс ярьюгыд шондї. Оз на

ков мен ЭВМ Дон вылө ни, сідз ни. **Ен сыкөд**, юр на эм Төдлө-масө видзны (Г. Юшков);

6) вомъёрт дінас шыөдчөм вылас индысь, татшөм вводной тэ-часъяснас сёрнитысьыс шыөдчө кывзысь дінас, медым кыскыны сылысь вниманиесө шуөмтор вылас (кывзы, гөгөрвоан, аддзан, төданныд, думышт, кылан, эскы, видзөдтө да с. в.): **Төдан**, ме өні ог вермы стөча висътавыны налөн бөр локтөм йывсьыс. **Кылан**, ме тайөс вөчнысө ог вермы;

7) пыр овлысь, тшөкыда овлысь явлениеяс, действиеяс вылө индысь (кызди и век, кызди и пыр): Көр праздник луно, **кызди и пыр**, лооны көръяслөн ордйысьөмъяс (В. Юхнин). Рытнас, **кызди и пыр**, котөрөн петіс клубысь, медым кольөдны Ленаөс... (П. Шахов). **Кызди и век**, көдзыда ышлолалө Войвыв море (В. Ширяев).

Пыртана кывъясыс да кывтэчасъяс морфология боксян вермөны петкөдлысьыны быд сикас кывсикасысөн. Найө вермөны лоны нимаясөн (шуд вылө, беда вылө...), глагольнойясөн (кывзы, аддзан, кылан...), наречнойясөн (дженъыда, стөчджыка кө...), модальной кывъясөн петкөдлөм (гашкө, збыль, буракө, дерт, мися, төдөмысь). Пыртанаяс пыдди вермөны мунны и подчинительной кывтэчасъяс, кодъяс вермөны лоны и сёрникузяса членъясөн (кыв шутөг, мөд ногөн кө, миян шуд вылө, өти кывйөн кө да с. в.): **Кыв шутөг**, тавося кодъ шоныд төлыд войвылын шоча овлө — Пырالیс да **кыв шутөг** петіс бөр. Вводной кывъяс дінө вермөны содтысьны частицаяс, кодъяс вынсьөдөны пыртана кывъяслысь вежөртассө: дерт жө өд, гашкө инө, эскан-ө, аддзан-ө... Пыртана кыв либө кывтэчасыс сёрниас вермө паныдасылыны и **кызд** относительной кывйөн (кызд и пыр). Откымын пыртана кыв да кывтэчас вежөртаснас матын частицаяскөд. **Шуам, буракө, тыдалө** пыртана кывъяскөд матын **кө-а** частица, а **шуоны** кывкөд — **пө** частица: **Шуоны**, лымйыс таво вөрас уна — Таво **пө** вөрас лымйыс уна. **Буракө**, войнас көдздөдас — Войнас көдздөдас **кө-а**. Пыртанаясөн вермасны лоны и быдса сёрникузяяс. Налөн вежөртасыс да функциясыс сэтшөмөсь жө, кутшөм и пыртана кывъяслөн да кывтэчасъяслөн. Найө торъялөны сөмын тэчасногнас, коді сэтшөм жө, кутшөм и кык юкөна либө өти юкөна прөстөй сёрникузялөн. Медшөр сёрникузясыс пыртанаясө торйөдөны шуанног, коставлөм, сійө шусьё улын гөлөсөн да өдйөджык. Татшөм сёрникузясыслөн абу торъя юөртөмыс, торъя мөвпыс, а найө сөмын петкөдлөны сёрнитысьыслысь мөвп дінас отношенесө, донъялөны висъталанторсө, кутөны модальной вежөртас. Пыртана сёрникузясыс овлөны кык юкөнаөн и өти юкөнаөн, сэні вермасны лоны содтана членъяс, а сідзжө **кызд** относительной кыв (кызд висъталөны олөма йөз, кызд ті асьныд верманныд казьяны, кызд ми индылім нин...): Олөмыс, **кызди шуласны**, босьтө асысыс (И. Изьюров). **Кызд ми төдам**, Жеребцовыс вөлі Вөлөгдаса чиновник, коді воліс важея Усть-Сысольскө явитны Екатерина

II-льсь указ погост Усть-Сысолалы кар ним сетом йылысь (И. Изъюров). Пыртана кывъясъс кӧ лобны дась кывъясӧн, найӧс ми быд пӧрийӧ ог лӧсьӧдӧй выльысь, то сёрникузясыс оз лоны дасьӧн, найӧс сёрниын артмӧдам выльысь, вежӧртас боксяныс найӧ зэв уна сикасӧсь. Татшӧм сёрникузясыслӧн эм ашӧр предикативной подув, аслас сюрӧса членъяс: **Кызди и позис виччысьны**, Вассалӧн вын-эбӧс быри (И. Изъюров). **Кызди тӧдам**, И. Куратов Средней Азияын нуӧдӧс судебно-следственной удж (С. Морозов).

Вводной сёрникузясыс йитчӧны медясӧ век медшӧр сёрникузя дӧнас ставнас, но вермӧны йитчыны и торъя членъяс дӧнӧ.

Содтана тэчасьясыс сетӧны содтӧд юӧртӧм, содтӧд пасйӧдъяс, стӧчмӧдӧмъяс медшӧр сёрникузяыслы, гӧгӧрвоӧдӧны сёрникузясӧ ставнас либӧ сылысь членъяссӧ, пырмунӧмоз быттьӧ юӧртӧны. Налӧн могыс — мый йылысь кӧ висътавны содтӧд мӧвп. Содтананас (вставнойнас) вермасны лоны (а) торъя знакъяс (!?): Инас ӧшйытӧм чатӧра бурьса — тугъя кайяс ӧта-мӧд вежмӧныс азыма кокалӧны кын пельысь, шедӧ тай небось ыджыдкодь воманыс (!), тюръялӧны розйысь розйӧ да увйысь увйӧ да долыдырысь сильгӧны-сылӧны (И. Торопов), (б) торъя кывъяс да кывтэчасьяс: Журналъяс (кыкӧс) ме кори мӧдӧдны сиктӧ; (в) сёрникузяс. Паныдасьлӧны прӧстой и сложной вставной сёрникузяс: Рӧмдӧн рытын Туй вылын быдӧн тэрмасис... Кытчӧ? Пач дорын шоньд... (**Локтӧ тай унмьд!**) Коллим ми рытсӧ (В. Лыткин). Рам шондӧ мелӧа синъяссӧ читкыртлӧ. Ытвадыр юясыс саридз моз туӧма (**важӧн нин кылалӧс йи**); Оз тыдав некытӧн дӧ (В. Лыткин). Писательяслӧн Союз (**правление юралысьнас сэки вӧлӧ В. В. Юхин**) шуис Алма-Атаӧ мӧдӧдлыны менӧ (С. Морозов). Содтана тэчасьясыс отсалӧны гӧгӧрвоны сёрникузясӧ, восьтыны сёрни темасӧ, мӧвпсӧ. Содтана сёрникузясыс вермӧны лоны ашӧрӧн, а пыртанаяс ашӧр сёрникузяӧн оз вермыны лоны, медшӧр сёрникузятӧгыс найӧ гӧгӧрвотӧмӧсь. Содтана сёрникузялӧн вермас лоны стӧчмӧдан функция, кодлӧн могыс — петкӧдлыны действиеыслысь ин, кад, помка, мог да с. в.: Мыйӧн ме вӧлӧ локта сы ордӧ (**ми ськӧд ӧна дружитлӧм**) пырысь-пыр кутас вӧлӧ ворсны коми сыланкывъяс (И. Изъюров В. Савин йылысь). Содтана сёрникузялӧн гӧгӧрвоӧдан функцияыс тыдовтчӧ висъталанторйыслысь вежӧртассӧ гӧгӧрвоӧдӧмас, конкретизируйтӧмас: 1933 воын сийӧ журналын (**сэки шусис нин «Ударникӧн»**) йӧзӧдӧс статья «Том гижысьяслы индӧдъяс» (И. Изъюров В. Савин йылысь). Содтана сёрникузясыс вермӧны индыны не сӧмын содтӧд юӧртӧм вылӧ, но и петкӧдлыны модальной, донъялана вежӧртасьяс. Эмоциональной рӧма вставной сёрникузясыс петкӧдлӧны висъталысьыслысь чувствояссӧ, сёрнитантор дӧнас отношениесӧ: Каян кыр йылас да (**мый тайӧ!**) юыс и виддзыс, и вӧрыс ки пыдӧс вылын моз тыдалӧ. Сы вӧсна мый вставной сёрникузяыслӧн медшӧр могыс —

содтѳм юѳртѳм петкѳдлѳм, найѳ вермасны лоны сѳмын медшѳр сѳрникузя шѳрас либѳ помас, сѳрникузя водзас оз вермыны лоны, пыртана тѳчасъяс вермасны лоны и водзас.

ОБРАЩЕНИЕ

Кывъяс либѳ кывтѳчасъяс, кодъяс пасйѳны сйѳс, код днѳ шѳѳдчѳ сѳрнитысьяс, шусьѳны **обращениеѳн**. Сйѳ грамматическѳя оз йитчы сѳрникузяса членъяскѳд, оз ло сѳрникузяса членѳн, грамматическѳя тайѳ ашѳр, торйѳдѳм член: Уна на кѳсъя ме уджавны, **ѳртѳй**, сѳ арѳдз овны ме кѳсъя (В. Лыткин). Обращениеяс пырджык паныдасълѳны кык либѳ неумын морткоцса сѳрниын, но вермасны лоны и шѳѳдчѳмъясын, рассуждениеясын да с. в.: **Степан**, ми Ильякѳд кѳсъям ужнайтны. Лѳччы. Удзѳдам (В. Юхнин). Том дырйиыд, **пиукѳй**, олѳмыд кажитчѳ мичаѳн да гажаѳн, а збыльвылас сйѳ чорыд сукар кодъ,— мѳдис матыстчыны главнѳй сѳрнитантор дѳнас Марпа (В. Юхнин). Шѳѳдчѳмѳн векджык лѳѳны собственнѳй нимъяс, нимтан падежа существительнѳйяс, рѳдвуж нимъяс, профессия, арлыд да сям петкѳдлысь кывъяс; **«Батьѳ**, дугды, оз ков та йылысь»,— шуис ѳндрей (В. Юхнин). Шѳдджыка обращение пыдди мунѳны неодоушевленнѳй предметъяс, ывла выв явлениеяс (найѳ медсясѳ паныдасълѳны поэтической сѳрниын, олицетворение дырйи): **Козйѳ**, **козйѳ**, мый сулалан, Ме ѳд тѳнѳ пѳрѳда. **Войыв кодзув**, **югыд кодзув**, Ылын-ылын ѳзъян тѳ. Сѳмын лыдтѳм кодзув пысьяс ѳдйѳ корся тѳнѳ ме (Г. Юшков).

Обращение вермѳ сулавны сѳрникузя водзын, шѳрын, помын, но сйѳ оз ло сѳрникузяса некутшѳм членѳн, сълѳн мукѳд членъясскѳд абу подчинительнѳй либѳ сочинительнѳй йитѳдыс:

— **ѳпим**, тѳ сѳмын торкалан колана сѳрнисѳ. **Вера**, висътав водзѳ (В. Юхнин). Но мый нѳ, **биа бордаяс**, шѳйччыштѳм, шѳмкорѳн содтыштѳм выннѳмѳс (И. Торопов).— А кызди думайтан тѳ, **Константин Карпович?** (В. Юхнин).

Обращениеѳн вермас лоны кывъяслѳн вѳсьса да пѳдса рад. Сѳки сѳрнитысьяс шѳѳдчѳ неумын морт днѳ (Ваня, Маша да Коля, ѳдйѳджык локтѳй татчѳ) либѳ вомъѳрт дѳнас шѳѳдчигѳн шуѳ сйѳс уна признак серти (мусаѳй, донаѳй, мелѳй, эн скѳрав). Обращениеяссыс тшѳкыда оз сѳмын индыны морт либѳ предмет вылас, код днѳ шѳѳдчѳ сѳрнитысьяс, но и сетѳны сылы качественнѳй характеристика, донъялѳм, петкѳдлѳны сѳрнитысьяссылысы днѳ уна сикас отношение (мелѳлун, скѳралѳм, пыдди пуктѳм, сералѳм да с. в.). Тайѳ петкѳдлысьѳ шуанногнас. Йѳз кост сѳрниын тшѳкыда паныдасълѳны татшѳм обращениеяс, кызд **роч акань**, **шѳвк туг**, **зарни**, **бѳбѳ**, **зон**, **сьѳлѳмшѳр**, **сѳшайт**, **сѳкѳл**, **пѳль**, **пѳч** да с. в.

Обращениеяс вермасны лоны паськѳдтѳмѳн да паськѳдѳмаѳн:

Ыджыд чолөм, менам дона вок, Ылі ытытывывсыянь ыджыд вок-сянь! (А. Размыслов). Сьод синтаса, сэтөр синма, Пось сьёлөма нылөй, Тэнад сьёлөмад мед инмас Тайо сьыланкылөй (В. Лыткин). Паськөдөм обращение пытшкын вермө сулавны II морта местоимение, кор обращениеыс кутö донъялөм: Волю, волю, ясыд шондйöй тэ менам (фолькл.).

Эмоциональнöй выразительность петкөдлөм могысь обраще-ниеыс вермө повторяйтчыны: **Мамө, мамө, мамө** да, Додялы тэ, додялы да Кык вөрөнöй вөлтö (фолькл.).

ТЫРМАНА ДА АБУ ТЫРМАНА СЁРНИКУЗЯЯС

Сёрникузяын кө эм тэчасног да вежөртас сертиыс став колана сюрөса да содтана членыс, сийö лоö **тырманаөн** (полнöйөн): Козув дзирдыяссö Выхь вося войыс Ыджыд көш тырөн öшиньö койö (А. Мальцев). Коми сёрни мелі, мыла. Парма ёль моз сёлякылö. Сөстөм ёль моз сийö кывтö парма шөрөд, видзяс вьвті (А. Лужиков).

Абу тырманаөн (неполнöйөн) лоö сэтшөм сёрникузя, көні оз тырмы вежөртас либö тэчасног сертиыс öти либö некымын колана член, но сийö кокниа гөгөровсьö контекстсыс либö сёрни ситуациясыс. Синтаксис боксянь юксытöм сёрникузяяссö оз позь видлавны кыз тырмана либö абу тырмана, сы вöсна мый наын оз торйөдсыны ни сюрөса, ни содтана членьяс. Тырманаөн да абу тырманаөн вермасны лоны сөмын синтаксис боксянь юксяна кык юкөна да öти юкөна сёрникузяяс. Абу тырмана сёрникузяясы асланыс тэчасног сертиыс овлөны сэтшөм жö, кутшөмөн и тырманаясыс, найö вермасны лоны öти да кык юкөнаөн, паськөдөмаөн да абу паськөдөмаөн, прөстөйөн да сложнöйөн. Абу тырмана сёрникузяясыс тшөкыда паныдасьлөны йöзкост сёрниын, художества гижөдыясын, диалогьясын.

— Шань нывка Динаыс, сьёлөма...— водзö на нуөдö Шура.— Тэ коть эськө **письмö** коркө **гижыштін**, сылы...

— **Колö и эм эськө да...**— дзикöдз вежсьöм гөлөсөн артмис менам (И. Торопов).

А ме век Шураланджык зыртча. Эз на öд висьтав сийö, кызди веськаліс мян дінö.

— Тэ нö сплавас али мый вуджин?— юасы, мыйөн сөмын бокынджык ми лоим ськөд.

— **Вуджи, Федя...** (И. Торопов).

Овлөны контекст серти да ситуация серти абу тырмана сёрникузяяс. **Контекст серти абу тырмананас** лоöны сэтшөм сёрникузяяс, көні абуөсь кутшөмкө колана сюрөса либö содтана членьяс, но найöс вөлі индөма, висьталөма контекстас: Батьö коть и мугов ачыс, а синьясыс лөзөсь, югыдөсь, быттö енежсьыс кык чир

сетомаось. **И сэтшом визулось!** (И. Торопов). Сложной сёрникузяын колана членыс вермас лоны мод юконас.

Сёрникузяас ко абу тэчасног сертияс быть колана членыс (сюрёса членыс либо веськыд дополнение), сийо лоо неполносо-ставнойон. Тшоқыджыка паныдасьлоны неполносо-ставной сёрникузяас, коні оз тырмы подлежащійыс. Сийёс ко вёлі нин индёма орчча сёрникузяас, сіджко, модас вермо лэдзсыны. Кык либо не-кымын сёрникузяын ко ёти подлежащій, то сийё векджык паны-дасьло медводдзаас, а мукодъясас модысьё оз нин шусьы: Мый-ла нюмдома Джоконда? Мыйла видзодышто шога? Гашко, шогесьо кодко понда... Гашко, йёзыс водзын мога... (А. Лужинов). Ска-зуемойыс лэдзсынысьо вермо шочджыка подлежащій сертияс, сы вёсна мый сёрникузяыслысь вьльторсё, вьль вежортассё, а сідж-ко и предикативностьё петкодлоо сказуемойыс. Контекст серти абу тырмана сёрникузяас вермас лэдзсыны и сказуемой дїнас йитчысь дополненные либо обстоятельствоыс.

Ситуация серти неполнойыс — сийо сэтшом сёрникузя, коні оз тырмы кутшомко колана член, но сийо гогорвосьо (лоо гогорвоа-наон) сёрни ситуациясыс, обстановкасыс. Тырмытом, сёрнику-зяас индытом членьяссё гогорвоодоны сіджко жестьяс, мимика. Татшом сёрникузяасыс паныдасьлоны сомын кутшомко торъя си-туацияын, медясо сомын устной сёрниын: Локто. (Предметыс, код йылысь муно сёрнияс, кодї вочо сказуемойяс петкодлом дей-ствіесё, гогорвосьо обстановкасыс, ситуациясыс. Обстановкаыс гогорвоодо, кодї локто: автобус, поезд, велодысь, тодса, чой... Сёрнитысьыслы гогорвоана, кодї (мый) локто, код (мый) йылысь муно сёрнияс, коть сёрникузяас сийёс и абу индёма. Шуам, сула-лоны кыркотш вылын йёз, виччысьоны теплоход. Кодко шуйс: «**Со мыччысыс кодж сайсыс**». И ставлы гогорвоана, мый йылысь сёрнияс, мый теплоходыс мыччысыс.

ДИАЛОГЪЯСЫН АБУ ТЫРМАНА СЕРНИКУЗЯЯС

Абу тырмана сёрникузяасыс зэв тшоқыда паныдасьлоны диа-логъясын. Татшом сёрникузяасыс артмоны юалом да вочавидзём репликасысь. На пын эмось сомын медя колана членьясыс, кодьястог сёрникузяыслон вежортасыс оз ло гогорвоана. Тайо зэв дженьыд сёрникузяас. Торйодоны реплика-сёрникузяас, сёрни-кузя-юаломьяс да сёрникузя-вочавидзёмьяс. Реплика-сёрникузя-яссё артмодоны ёта-мод борся мунысь репликаяс, кодьясын индёма сомын мыйко вьльторсё юортысь членьяссё; найо содтоны висьталанторсё вьль юортомон, актуальной членение дырйи найо лооны ремаон. Репликаясас оз паныдасьлыны сийо кывьясыс, кодьяс вёліны нин, кодьясё сёрнитысьясыс шулісны нин, кодьяс актуальной членение дырйи лооны темаон. Диалогсё заводитысь

реплика — сёрникузяясы медясö пыр тырманаоьс, асшөрөсь, а бöрындык сулалысьясыс — дженьыдөсь, абу тырманаоьс:

— Аски ветлы чойыд дорö.

— Ог эшты.

— Быть колö.

— Мöдысь.

Юалöм реплика-сёрникузяясы петкөдлöны юалöм, а сёрникузя-вочавидзöмыс юөртö, сетö юалöм вылас воча кывсö:

— Вокрыд гортад?

— Гортын.

— Мый вöчö?

— Лыддысьö.

— Мый?

— Тороповöс.

Воисны карса важ пывсян динö, кытчö чеччыны колі, артыштны кö, мый сөсянь медся матын Галиналөн оланінöдз. Но сійö эз шыасьлы, и гургисны водзö.

— Кытчö нö чеччам? — юалис Павел.

— Ме ог тöд, — шöйбвошлі Галина.

— А ог öмöй... öтлаын кутöй... овны?

— Гашкö, коркö.

— Чайтан, ылöдча?

— Он!

— А мыйла либö пывсян динас эгö чеччöй? Мед нин лöб веськыда юалöма.

— Ме кыв сетлі.

— Кодлы? — повзис Павел.

— Код ордын ола.

— Кутшöм кыв?

— Мый некодöс ог вайöд (Г. Юшков).

ЭЛЛИПТИЧЕСКÖЙ СЁРНИКУЗЯЯС

Эллиптическойыс — сійö сэтшöм асшөр сёрникузя, кодлөн тэчасногас абу глагольной сказуемöйыс, сійö оз индыссьы контекстас, кутшöмкö торъя вежөртас (содержание) петкөдлөм могысь сказуемöйыс оз и ков. Сёрникузяс сказуемöйыс абу, но сійö артмөдö сёрникузясö: сэни эмöсь сказуемöй дорас йитчысь содтана членъясыс (членъяс, кодъяс гөгөрвоодöны сказуемöйсö, йитчöны сы динö). Татшöм сёрникузяясыс абу йитчöмаоьс контекстыскöд. Действиесö либö состояниесö петкөдлөм могысь оз ков ни контекст, ни сёрни ситуация. Действиеыс, состояниесыс петкөдлысьöны тэчасногас ставнас, татшöм сёрникузяыслөн могыс — индыны действиеыслысь ин, кад, ног вылас, объект вылас: Йöзыс кыркөтшлань, а Вириня вөрлань (Г. Юшков). Ме — гортö, сійö, —

удж вылө. Ме тэныд велөдчөм йылысь, а тэ нинөм абу йылысь.

Эллиптической сёрникузясыс вермасны лоны чуксаланаон:
Öдйөджык татчө, öдйөджык!

Эллиптической сёрникузясыс лөсялөны полнөйяскөд, көнi эм глаголөн петкөдлөм сказуемөй. Татшөм сёрникузясыс оз лоны неполнөйөн, сы вöсна мый глагольной сказуемөйыслөн абутөмыс танi лө тэчасногыслөн аслыспөлөслунөн (нормаөн). Танi тырмытөм членсö оз ков содтыны, сёрникузяыс лө вөжөртас сертиыс полнөйөн, танi эмөсь кывъяс, кодъяслөн глаголсьыс зависитөмыс төдчө, төдчө, мый найö зависитөны глаголсьыс.

Татшөм сёрникузясыс паныдасьлөны медсясö йөз кост сёрниын, художествоа гижөдъясын, описаниеясын. Найö тшөкыда мунөны газетнөй юрнимъясын (заголовокъясын), көнi пыр индъсьöны медся колана кывъясыс, кодъяс нуöны медшөр вөжөртассö: Град выв пуктаслы ыджыд дөзбөр.

АСШОР ВӨЧӨМ ВЫЛӨ УДЖЬАС

1 удж. Сетөм сёрникузяясыслысь төдмалөй висьталан могъяс сёртиыс сикассө. Юалан сёрникузяясыслысь висьталөй сикассө да кызди петкөдлөма юалөмсө. Торйөдөй эскөдана да соссяна сёрникузяяссө, соссянаясыыс — тырвийө соссянаяссө да абу тыр-вийө соссянаяссө.

Дона муёй! Веж пармаёй! Нөрысыяс, юяс да ёлыяс! Тиян весь-тын со здозгөгъяс, чождьяс да каляяс — кывтөмыс налөн оз ор... (М. Елькин). Мыйла нө олөмыс Муслун мем сетис? Кодзув эз шуд вылө, шог вылө петис. Сөстөма дзирдалө, Вылын зэв олө. Төкөд ми, кывбурөй, Сылы ог колөй (А. Мишарина). Тулысөс кызди он радейт, Сы йылысь кызди он сыыв? Кор весиг дзор тошка дядь-лөн Дзордзалө чужөм выв? (А. Размыслов). — Эзысь югыд тув-сов войясөй! — Мыйла нө менам войясыс оз узьсыыны? — Көдзыд войыв, тувсов войясөй! — Мыйла нө менам сингъясөй оз куньсыыны? (В. Чисталёв). Бара ме ас чужан муын, ас карын. Ме гөгөр войтырыс мелі и варов. Татөні сынөдыс кыпид и сөстөм, Муслун-лысь би киньтор сёлөмтө өзтө, Төд вылө вайөдө зэв унатор — Ставсө, кызд визувтис олөмлөн шор (В. Лыткин). Кытыськө вөр сайысь йөй төлысь петис. Видзөдліс ме вылө Былялөм синнас — Паськыда шпыньмунис (В. Лыткин). Шондібанөй, ичөтдырөй, он тай вун тэ нбөтчид. Шогъяс пөвстти меным усылан Төд вылө не-өтчид (В. Лыткин).

2 удж. Сетөм сёрникузяясыыс аддзөй подлежащөйсө. Висьта-лөй, мыйөн сийөс петкөдлөма.

А гөгөр пемдө и пемдө. Кыдза-пипуа раскын лөнисны мед-бөръя сылысыяс. Буракө, мудзис жө котралөмысь да чуксасыө-мысь мөдлапөв лыавывса лэчыд гөлөса истан. Сөмын өтнас гажа би вильыша ыпъялө да мыйкө чөла висьтасыө сы гөгөр пукалысь йөзлы (И. Торопов). Паськыд Эжва, тэнсыд мичлун өнөдз некод на эз сыыв (В. Лыткин). Дышыд век дыш лөб, век дась нянь вы-влө кутас надейтчыны. (Посл.) Зэв паськыд туй кузя Тэ динө пы-равлө Мөд, вөлөм, тшөкыда, Дыр кежлө ылавлө... (В. Лыткин). Лөзьюгыд на сөмын төдчө, Войыс пышйө, асыв вөтчө (А. Миша-рина). Ичөт колипкайөй, Кывзы менө, кывзы, Ылі вөр-ва сайө Ну тэ сыыланкывсө. Тэнсыд мича гөлөс Зэр ни төв оз вины. Тэнө быд морт кылас, Оттшөтш кутас сыывны (В. Власов). Көсыя ме сыыланкыв тэчны, Медым эськө ойбыртысь сайкалө, Медым эсь-кө вөтасыысь ыркөбтас, Медым ставнас, вир-яйнас, вөрзыылас,

Вынйөрөн чукиён тыр Сьёлөмыс öзйылас (В. Лыткин). Рытив-быд öнтам ме гуляйтi. Зэв гажа вöли нöрыс йыв... (Ф. Щербаков). Öти йöз шывъялö-олö, Пöсь кисьтö мукöд... Сидзкö нö кодлы нö сыввныс, сёмуса другöй? (В. Лыткин). Ытва некод на абу пык-лöма. Арся войнад дас кык поводдя вежсьылö.

3 удж. Лыддьöй сёрникузяяссö, аддзöй сьöктöдöм прöстöй глагольнöй сказуемöйяссö да висеталöй, кызди найö артмöмаöсь, кутшöм содтöд вежöртасыс налөн.

Тундра шöрын пуöмөн-пуö кыпид олөм. Посньыдик лөнъ тыяс вылын дугдывтöг горзöны да сяльгöны-уялöны утка котыръяс (Я. Рочев). Рытив-войладорыс ньöжмыда тувис-петис кодзулöсь енэжас кельыдгöрд чут (Г. Юшков). Гöгрöс тупысьөн гöгыльтчис-пырис Варов ныв, бытльö öтдор и ас... (В. Власов). Мудзи ме... Из нöрыс шлыпвидзö-куйлö — Сыркмунöм... Йизьöма... Кулöма... (В. Лыткин). Тан чужии-быдмин. И томлун коли, Сöдз васö юлин эн öти ёльыс (С. Попов). Мортыд чужас, быдмас-сöвмас, Сэсся коркö нярсяс бөр (В. Лыткин). Кызд колö кусöдчигөн тэрмасыны, Сидз колö наяныдкöд вермасыны. А ми ланьтлывлам и небзьывлам, И весиг ош моз вешъям-дзесбсьывлам (Г. Юшков). Вöвдöмыс кос косьмöма (Г. Юшков). Руд дзормöм Уралсянь, көн гуляйтö ру, Вой саридзлань муткыльтö-визувтö ю... (Г. Юшков).

4 удж. Сетöм сёрникузяяссьыс торйöдöй составнöй глагольнöй сказуемöйсö. Индöй отсаян глаголыслыс вежöртассö. Тöдмалöй, кутшöм сёрникузяясын инфинитивыс оз пыр сказуемöяс, мыйла.

Тадзи сёрнитиг-варовитигтыр ныла-зонма воисны берегдорса видз вылö. Сэни, дзордзалыс пашкыр льöм кустъяс пöвстын, сьылисны нин водз садьмыс кайяс. Мöдлапöлын сьёлöмтö вöрзöдана кöкис кök. Дзольгыс лэбачьяс... заводитисны чолöмань гöрддзасысь выль лунсö (И. Торопов). Войыв юыс олö ассьыс олөм, Сöстöм васö йöзлы юны вöзий (В. Власов). Тöвру садьмис да очасыны пондiс. Пипу серöктiс лысванас друг!.. Бансö мыччöдiс дзирдалыс шондi, Мусö киньянас мичмöдiс тшук (А. Мальцев). Сьёлöм йöктö, Кадыс тшöктö Кыпыдджыка сыввны (В. Савин). Ой, олөм, олөм! Тэнсьыд донтö Ме лэпта лунысь лунö. Ми тэкöд видчыны ог пондö, Тэ кольчы, а ме муна... (И. Куратов). Тувсовъя турöбъяс мöдiсны нюжавны. Найö лютуйтисны дугдывтöг дзонь вежонъясөн, да шочинника петавлысь шондi эз вермы ни лым сывдыны, ни йöзлысь сьёлöмъяс бурмöдны (В. Юхнин). Петис беспи Мöмöt дорö дай шуö:— Дедö тшöктö тэныд мекöд бертчыны. Кодным коднымöс вермам, сылы и оброк лöб мынтыны (мойд). Кöин да ош ыстисны кöчöс корны каньöс да ручöс, а асьныс дзесбисны: ош кайис пу йылö, а кöин

дзэбсис пу вуж улö да лыс лапъясöн вевттысис (мойд). Чолöм да здорово, сё муса друг! Письмö тэд гижыштны мөвпышти друг. Кывбурьяс страпайтны мастерöсь ми, Рифмаяс корсявны кужам зэв сюся, Юр вемын ломалö творческой би,— Прöста öд ого поэтыасöн шусьöй. (В. Савин).

5 удж. Торйöдöй нима сказуемöйсö. Кöни эм, торйöдöй связкаяссö да нима юкöнсö, связкаяслысь тöдмалöй сикассö, висьталöй, кутшöм кывсикасöн петкöдлöма нима юкöнсö.

Öмидз рöма нывлөн вом дорыс, Юрси — тэрыб тувсов ёль. Мунас матиник кöть код дорöд, Некод веськодöбн оз коль (В. Тимин). Луньяс пуксисны сöдзöсь, мичаöсь, йöвва кодь пыдöстөм энэжын эз тыдав öти кымөр пласт (Я. Рочев). Вежöраöсь, муса мортлы — мортлы лоам; Ен кö сиас, тадзи Ангельясöдз воам! (И. Куратов). Тышглунысь да кöдзыдысь Лёк керкаö мунин, став мортвужсö янöдысь, Лёк олöмö сунин (И. Куратов). Сьöкыд висьöмланы мунö тай нö олöм (И. Куратов). Сынöдыс — мөс вöра йöв (В. Лыткин). Мый понда миян жугылы пыкны? Мед гажөн ылъялö том кад! Пöсь муслун тэкöд ассьым йитны Ме эськö нэм чöж вöли рад (А. Размыслов). Нэр сьöлöма нывлөн синмыс — гожся энэж (В. Лыткин). Суöда — бергöда Ассьым том гажöс! Пасьтася — петкöдча Бур молодечөн. Муса лоа бара Мича нывьяслы... (В. Чисталёв). Морöсöй тырöма шогөн, Пыкöсыс некыдз оз пьсьт. Вермис кö, лэччис жö шорөн,— Синва тусь весиг оз пет (В. Чисталёв). Эн кöсьы, вокöй, тэ поэтөн некор лоны. Он кö кöсьы позтöм кöкөн нэмтö овны... (В. Чисталёв).

6 удж. Торйöдöй подлежащöйсö да сказуемöйсö, видзöдлöй найöс.

Тадзи сёрнитиг-варовитигтыр ныла-зонма воисны берегдорса видз вылö. Сэни, дзордзалысь пашкыр льöм кустьяс пöвстын, сьылисны нин водз садьмысь кайяс. Мöдлапöлын сьöлöмтö вөрзбöдана кöкис кök. Дзольгысь лэбачьяс... заводитисны чолöмавны гөррдзасьысь выль лунсö. Шоныд зэръяс бöрын видзвывса турун лювалöма-нюжалöма, небыд да зэв веж (И. Торопов).

7 удж. «Коми шусьöгъяс да кывйöзъяс» книгаысь корсьöй да гижöй öти состава сёрникузяяссö. Кутшöм öти состава сёрникузяяс медясö паныдасьлöны? Мыйла?

8 удж. Сетöм сёрникузяяссьыс торйöдöй öти состава определённо-личнöйяссö, неопределённо-личнöйяссö, обобщенно-личнöйяссö. Висьталöй, мыйбн найö торъялöны.

Визувтöм ватö он бергöд. Бöжтöм вöвнад ылö он мун. Важ ордым кузя муна ыбö, Став лысва сэтсыс куртны дась, А шондi ньöжйөникөн лыбö да чöвтö мулы зарни пась (С. Попов). Чужив

быдми Эжва бердын, Колли сәні нчөтдыр. Менө юкталін и вердін, Мөвпөй вөлі тәкөд пыр. Төв и гожом, ар и тулыс Төдлі Эжва юлысь сям (В. Лыткин). Чөв олім, видзөдім ваө, Быттьөкө кыв-төмөсь дзик. Гортө эз мунсы дай ставыс, Матын көть тыдаліс сикт. Сідз эг и ләптыв ме синмөс, өтчыд эг ыдждөдлы лов. Пель-помө инмис, Мен сәсся нинөм оз ков (Г. Юшков). Пуктісны Ива-нөс царөн, а важ царлы сетісны чер да вөрө пес керавны мөдө-дісны (мойд). Районө Степанөс корисны. Вөрзөмөн муніс. Рыт-нас пө бөр воа. (Г. Юшков). Тавой синмөс здук кежлө ог кунь-лы, киөн-кокөн ывла вывкөд йитча. Аски асывводзө выльмөм лунлы киөс веж луд вывсынь мычча (А. Размыслов). Тадзи Па-вел веськаліс флотө, подводной лодка вылө. Мөд поход бөрас сій-ёс гортас ләдзлісны, кузь туй вылас содтөд дас лун на сетісны. Сәки и төдмасис Павел Галинакөд (Г. Юшков). Сиктсайса по-жөма ягын, сувтса пөвійысь вөчөм джуджыд потшөса йөрын, ви-дзисны сьөд ручөс (Г. Юшков). Гыжа-пиня мортөс он өбидит. Öти донөн ставсө он донъяв. Талысь пө мичсө он вермы гижөмөн гижны, непөштө гижөмөн гижны, он вермы кывйөн висьтавны (И. Куратов). Мирыдлысь синтө он тупкы. Медбөръя кывтө мед-водз эн шу.

9 удж. Торйөдөй безличной сёрникузяяссө. Висьталөй, кызди петкөдлөма сказуемөйяссө.

Асывнас, сэтөра чайөн чөсмастьштөм бөрын, деда-внука бара пуксисны пыжө да водзө на пондісны катны Льбөм-юөд. Шондіыс пөжө. Но ыркыд налы ва вылад да вуджөраинад. А мудзыштөм вывсьыд сэтшөм азыма лолавсьө сэтөр көра да льбөм көра сы-нөднас. Татшөм сынөдыс озджык ләдз чукөрмыны вир сөнад мудзыслы, бура мыськовтө быдлаті да. (И. Торопов). Лөсьыд, гажа зэв Öні му вылын. Долад сьөлөмлы Овны тулысын!.. Сідзи мунап да, Сәсся сувтыштан, Гажа ывланас Нимкодясьыштан. ... Сідзи сулалан, Пыді лолалан: Кокныд морөсыдлы, Кыпыд сьөлөмыдлы (В. Чисталёв). Локтыштіс кытыськө кымөртор, Лок-тыштіс — вөр весьтын өшйис... Көсийштіс зэрыштыны, колантор, Шы ни төв зэрыштіс, кобис. Пөльыштіс төврутор зэр сорыс, Öв-тыштіс, усыштіс, лөнис. Мысьсьыштіс-пөжйыштыс вөр-пуыс, сөс-төмөсь лонны лысьяс (В. Чисталёв). Көдзыд нин... Му эжсө кам-гөма, Көрт кодь — дзик кын. Улөник кымөръяс өшйөма, Рудіник пуксьөма лун (В. Чисталёв). Быд кыв дозйө оз позь пуктыны. Öти шогыслы колө лоны-а, мөдыд да коймөдыд ачыс лөө. Лун-тыр сільгис-зэрис көдзыд зэрөн. Рытладор төлыс бергөдчис. Лоп вой төла. Ыркнитіс. Войбыд уси лым. Асывнас ывлаын лоп гөгөр еджыд (В. Чисталёв).

10 удж. Торйөдөй öти состава сёрникузяяссө. Висьталөй, ку-штөм öти составаөн найө лөны.

Рыт. Лэччис нин шонді. Кыза лысваалис. Бадь кустын колип-кай сьылө шудысла, сьөлөмсянь сьылө. Пукалө, кывзө би дорын Вась ывла вылысь рытъя олөмсө. Пукалө-шойччө. Ёна и мудзө-ма талун. Но сьөлөм вылас долыд. Керөма лон сьлөн могыс — эштөдөма көсиймторйыс, көйдыс иналөма, дзебөма бурино. Прө-стө овны Вась оз вермы, пыр мыйкө мөжгө-вөчө (В. Чисталёв).

Волинныд-ө коркө ті кузь пожөма вөра ягө? Аддзылинныд-ө, кызди кер пөрөдоны, кызди ыджыд пу пөрө? Төдлинныд-ө сийгажсө? Ок!

Асылын чеччан зэв водз, асья кодзулыскөд кыпөдчан тшөтш. Көмасын, пасьтасын, нурйыштчан-сёян. Сэсся доддасын да рөд-йөн мөдөдчан ягө. Пемыд. Муртса кодзувьясынь сөмын югөр-тор усыштө. Шоныд керкаысь петөм бөрын унзиль. Сиктысь эрд вылө петан да вөлись палялан. Вөр туйөд пыран. Пемыд на, дзурс, — нинөм оз тыдав. Пуяс быттьө вугралөны-узьбөны: оз вөр-зыны увйөн ни лыскөн. Лёнь. Увьяс вылө кыза бшйөма тукта. Тубралөма, төбөма лым төбөдөн лапья козьясөс йывсянысь да подулөдзяс. Оз шыөдчы, оз вөрзьөдчы — сулалө-вугралө вөр. Водзө мунан. Коркө дыр мысти лөз төдчыны кутас, югдыны вөр-зяс. Пуяс кутасны янсавны мөда-мөдсыныс. Йирмөг лөө дод-дын пукавны. Чеччан, котөртан додь бөрся — шоныд перьян. Мудзан да бөр доддьө сөлан. (В. Чисталёв).

Веждін!. Веждін!. Ешө Вежьюдинөн тэнө войдөр нимтыліс-ны. Ёна важөн тайө вөлөма. Летописьяс пасйөны: немын сө во сайын нин Печора йылын олысь мансияс ... асланыс князь Асык юрнуөдөмын неөтчыдысь петавлөмаөсь Эжва вылө, сотлөмаөсь вөр керкаяс. Абу вөлөма любө Асыклы, кор Эжва горувсаяс ку-тисны пьськөдчыны ю йывлань, овмөдчыны прөмысөн озыр пась-кд вөрьясө (И. Изьюров).

11 удж. Сетөм сёрникузясө паськөдөй содтана членьясөн.

Дзирдалө шонді. Ывлаыс еджыд. Асывводз. Усьөма лым. Ме котөртла. Шондыс пөжө. Колип сьылө. Дзуртис-воссис өшинь. Төдчө кыа. Эжва кывтө.

12 удж. Торйөдөй веськыд да косвенной дополнениясө. Висьталөй, сёрникузяса кутшөм член динө найө йитчөны.

Кыркөтш дор нөрысын Сулаліс пожөм, Төлыскөд вензис пыр — Тулыс и гожөм. (В. Лыткин). Батьөкөд вундалам рос. Ыв-лаыс гажа да кос. Вөр шөрын сулалө коз (В. Лыткин). Ыдждь мездлунлы му выв пасьтаыс ошкөм сьылөны. Коми войтырөй, тэнсьыд сьылөмтө Муртса кылам ми. Кыа петөмсө, югдан вежөс-сө эн тай казьявлы (В. Лыткин). Кодлы ме висьтала шөгөс? Код водзын сьылышта-бөрда? Кодлы нө норася-горза? Кодөс нө сы вылө бөрья? Коді нө? Абу тай некод. Тэ водзын сөмын ме, муза, Висьтала ас кежя думьяс. Тэ сөмын өтнад мем «гуза»! (В. Чис-

талёв). Ваньёос вуграсьнытö оз нин ков велöдны, вугырöн и кыс-нанöн быд пöлöс черитö не этша нин лэптавліс... А ставсö деда-внука шонді лэччандорöдз кыйисны стариклы тöдса гобльöкъясысь кöкъямыс сир. Юква пуисны да мудзöм вувсьыс лов мун-тöдзыс сёйисны. А унджык черисö солыштисны сямöд чуманö да топыда вевттисны. (И. Торопов).

13 удж. Индöй определенеяссö, висьталöй, мыйöн найöс петкöдлöма.

Шондыс важöн нин лэччис. Кыаыс тöкөтьö тыдалö. Ва дорын сьылöны нывъяс. Чуткасьысь туся пу, Раминик нывъяс Кывзöны сьылöмсö налысь (В. Лыткин). Лöз роч ной эшкыныс вылын Туплясьö нюмъялан шонді (В. Лыткин). Матысьысь арлön кöдзыд лов шыыс кыліс пыр гораджык. Ылі войвылын арся повод-дяйдлысь думъяссö он тöд: талун пуяс вылын шарöдчöны вижöдöм коръяс, меліа вашъялö гудыр кымөр ёкмыльяс костті мыч-часысь шонді, а аски гундыр моз вувзысыс вой тöв, ад горшнас нылыштас ывла вувсьыс став шоныдсö, повзöдас весиг асьсö шондісö, öти войön му вылö шöтас кокчөр шөрöдз лым... (Я. Рочев). Вурун кодь лым ягö вольсасис тöрыт, Жоньлön нор сыланкыв кылыштö вöрын. Лунвылö вешйисны ёртъясыд тiян, на-көд эн лэбöй тi, пармалön пиян! (С. Попов). Еджгов нитшка, вöрзöдльвтöм на сус вөр воис. Чунь кузя мугов лыска, паськыда шеныштчöм вожъяса пуяс тырөн нюжöдчисны енжас (Г. Юшков). Улöдз öшйöм кымöрсö быттö кутö усьöмысь рытъя рöмы-дас лöзалысь вöрыс. Ю шöрын частö паныдасьлöны гөрöм му вылö кольöм телезнаяс кодь посни дiяс (Я. Рочев). А шонді вы-лынкөд нин вашъялö, сiйö удитіс нин косьтыны пув коръяс вы-лысь асья руön усьöм лысва. Вöрыс эзджык ло сэтшöм гора, кыськö садьмöм тöвру пондiс шувгыштны сись кодь пожöмьяс-лön вылын туганъясын (И. Торопов).

14 удж. Аддзöй обстоятельствояссö, индöй налысь вежöртас-сö, висьталöй, кутшöм кывсикасьясөн найöс петкöдлöма, кутшöм член дiнö йитчöны.

Меланьö колипкай вöрсянь Меліа нюмъяліг лэбзис, Пондiс мем гартлыны сьывйö Со кутшöм сыланкывлысь кывъяс: «Ви-дза ов, Коми му, Сöвет борд улын!» (В. Лыткин). Векныдик туй кузя Тэ ордö волювлі. Вөр пöвстті мунігөн Гажаджык лолыв-лі (В. Лыткин). Шондыс вөр сайсянь медводдза югöрсö Меліа, вежаа, шензигтыр мөдöдiс, ыстыштiс, кесйöдiс: «Мун, Вöч, вось-ты му вылö лун!» (В. Лыткин). Рөмдiгөн рытын Туй вылын бы-дөн Тэрмасис... Кытчö? Пач дорын шоныд... (В. Лыткин). Вый тупыль моз войтыштiс-сылі вөр пу сайö кын сьöмöса тöвся шон-дi... Көдзыд югөрön резыштiс медбөръясыс пу йывъястi, и кусi. Рöм уси му вылö. Кулі дженьыдик тöвся лун. Паськыд пемыд

бордъя пѳтка — вой ѳвтыштїс бордъяснас да шывгысис-пуксис му вылѳ. Сьѳкті, личкысис му бердас улыник енѳж (В. Чисталѳв).

15 удж. Аддзѳй содтана членъяссѳ, висьталѳй, кутшѳм подчинительнѳй йитѳдѳн йитчѳны сюрѳса кывйыскѳд (примыкание, управление).

Тѳла... Кымѳръяс енѳжтї тѳвзьѳны-мунѳны ѳдйѳ. Сувтовкост мыччысьлѳ лѳзалан пыдѳстѳм енѳж. Шондїыс ѳдйѳджык удитлас видзѳдны, зарни югѳрнас ѳвтыштас мусѳ. Регыд кежлѳ. Кымѳр пласт бара нин шондїѳс вевттьѳ. Тѳрыба котѳртас кок увтї кымѳрлѳн вуджѳр, водзиджык видз вывтї паськыд гын тубрас моз быгыльтчас ѳдйѳ, асыввыв яг нѳрыс паныд тювгыяс-каяс... Шочаммѳ кымѳръяс. ѳдйѳ зѳв швучкѳ, енѳжтї мунѳ, гѳнечѳн суѳдѳ мукѳдсѳ медбѳръя кымѳртор... Мунїсны кымѳръяс. Весасис енѳжыс. Сѳзь лон, лѳз. Ѳтнасѳн сѳмын дзирдалан коли сѳтѳнї шондї. Гѳгѳр дзик ловзьѳма, нюмъялѳ-сьылѳ (В. Чисталѳв). Апрель мыйкѳ тѳрыт кѳдзыд йылысь сѳрис. Тулыс помлѳн тѳвкѳд Талун ори шѳри (А. Размыслов).

16 удж. Сѳтѳм сѳрникузяссыс тѳдмалѳй существительнѳй-ясыслысь синтаксической функциясѳ.

Енѳж шѳр шондилысь нумѳѳ Гожѳмнас коркѳ Тѳдлїс-ѳ сьѳлѳмыд тѳнад, сѳмуса ѳртѳй? (В. Лыткин). Эжвалѳн визулыс Яг бердтї швучкѳ, Пожѳм весьт кыркѳтшѳ Зѳв яра кучкѳ (В. Лыткин). Ѳшинь увтї бобув лѳбзис, Мича еджыд бобув. Тувсов шоныд зѳрысь дзѳбсис, Корсис аслыс кобув. Ѳшинь весьтѳ тѳчас вылѳ Тѳрмасигтыр пуксис (В. Лыткин). Жугыля видзѳдѳ шондї: Гожѳмыс мунїс. Сьѳдасис са сьѳдѳдз войыс, Дженьдаммис луныс. Енѳжлѳн дѳмаса дукѳс Сьѳд мусѳ личкис (В. Лыткин).

17 удж. Торйѳдѳй ѳтсыма членъяссѳ. Индѳй, мыйѳн найѳс петкѳдлѳма, сѳрникузяса кутшѳм членъясѳн лѳѳны, кызди йитчѳмаѳь ѳта-мѳдыскѳд.

Коръя пуяс сулалїсны пасьтѳмѳсь. Кок улын шавъялїсны му ѳж вылѳ вольсасьѳм виж коръяс. Юр весьтын нораа шувгысны ѳсь йыла козьяс, паськыд пожѳмъяс, сьылїсны сѳмын аслыныс гѳгѳрвоана, но коми йѳзлы важысянь тѳдса да матысса помтѳм сьыланкывьяснысѳ, гажѳдїсны туй йѳзѳс, кызди гажѳдлїсны налысь зверь-пѳтка бѳрса вѳтлысьысь да чѳс туй сюрѳс кытшовтысь батьясѳ, пѳльясѳ да пѳльясыслысь пѳльясѳ (Я. Рочев). Радейтсыяслѳн чѳвлуныс гораджык тыр гѳлѳсѳн сѳрниысь. Налѳн вѳча видзѳдлѳмын вѳлї ставыс: сьѳлѳм дой и ѳта-мѳднас любуйтчѳм, джуджыд шог и ѳта-мѳдсѳ ошкѳм (В. Юхнин). Телега туй со чѳй горув лѳччѳдас, вуджас вѳрса ѳль вомѳн вѳчѳм пос кузя, то бѳр сѳся катѳдас лыаа бужѳд пѳлѳн гажа яг нѳрысѳ, кѳнї гоньвидзѳны-сулалѳны сѳ арѳса нияяс (Г. Фѳдоров). Радей-

та ме тэнö, ас чужан муой! Радейта тэнсьыд ме тулыс и гождом, зэра ар, кодзыд төв, во гөгөр олөм; Турун-нянь эштөдөм, юяс и вөръяс — Быдтор зэв муса мем! (В. Савин). Бадьяслөн кышөдчөм, турунлөн копрасьом, Эжвалөн шлывгөмыс, черилөн тювкъялөм Бурдодас сьолөмтө тэнсьыд (В. Лыткин). Джуджыд вора пармаяс пөвстөд, еджыд ялаа мича ягыас пыр, уна пөлөс расьяс вомөн, веж туруна видзьяс дорөд, изья косьяс вывтi, посныдик коми сиктьяс пөлөн войвывсянь лунвылө шлывгө-визувтө Висерю (И. Изьюров).

18 удж. Сёрникузяясас пукталөй колана пунктуация пасьяс. Висьталөй, мыйөн сьөктөдөма прөстөй сёрникузяессө.

Гашкө буретш да Вөр Царствоас найө пырөны? Куш кыкөн дедушыскөд некөн со некутшөм ловья морт абу. Сэсся воасны найө Хрустальной Замокө. А ачыс принцесса петас налы паныд сэтшөм мелi да мича и нимыс сьлөн ас кодьыс жө мича Еджыд юсь... Со нин Принцесса нюждө Ваньöлы еджыд пөсь кисө... Пыралам пө менам оланinö... Сэтшөм гажа да лөсьыд сэнi Замокас... И став пемөсыс и став пөткаыс кывзысьöны Еджыд Юсьлысь кызд кужöны мелiалöны сийöс (И. Торопов).

Төдлытөг лэбыштiс войвывса гождом. Локтiс кодзыд зэра ар. Лизгыртчалiсны а сэсся и сьөдөдiсны да гылалiсны арся пужьясөн чишкалөм дзоридзьяс. Лунвыв саридзлань лэбысь юсь-дзодзөгьяс борд выланьс нунисны медбөръя шоныдсө. Кын чораса ывлаын тыртөммөм вöрын лун и вой буалiс лөк төв жугыль пуяс вылысь нетшкис öстатки корьяссө. Гөгөр лон куш кодзыд да гажтөм. Сэсся петiс лым. Звизжитан турөб быттö кöсийс став ловья ловсö кынтыны дорны кыз йи улö тыртны лым толаясөн (Г. Фёдоров). Гождя. Енэжас шондi. Мед, сьөлөм кö ёнтö. Тувсовья гажнас Сьөлөмöй пождьясь! Лэчыд төв пöлышт жугыльсö-шогсö-Мыльöссö Лөк олан ногсыс. Вылысь м'оз курдөд Сьөлөмлысь дойясөс бурдөд... (В. Лыткин). Тöлысь кывтö Видзö рытсö ковтөм шыясысь. Татшөм рытö Гашкө оз и ковны кывьясыд? (В. Тимин). Гождя рытын чужан сиктным рам, Рөмпöштан кодь Эжва юным шыльд... Көнкө тарыт миян муса мам Лунвыв йöрын уджалö на зiля (А. Размыслов). Воддза сертныс дас кокни вöли меным председателявнытö. Öти-кö асьным ас выланым лонм ыджыдöсь а мөд-кө воөм кутим төдны уджесьыным. Дерт и төждыс да пессьöмыс меным сюрлi. Не сытөг (Г. Юшков). Ловзьөд тулыс шорьяссө Ловзьөд парма-вөр. Ловзьөд сөстөм корьяссө ловзьөд енэж шөр (А. Мишарина). Вой тöлыс шутьялө Пармаыс шувгö Эжва берд кыр йылын. Лөкмөма-увгö. Нюждөлас горөдлас Быдсяма ногсö,— Тыдалö пальөдö Кодлыськө шогсö (В. Лыткин).

19 удж. Сетом сёрникузяссө видлалой быд боксянь, вочой тырвайо (полной) синтаксической анализ.

Тола... Кыморьяс енежти товзёны-мунёны оидё. Сутовкост мыччесьло лозалан пьдостом енеж. Шондйис оидёдзык удитлас видзодны, зарниа югорнас овтыштас мусо. Регид кешло. Кымор пласт бара нин шондиос вевттьо. Тэрыба котортас кок увти кыморлон вуджор, водзидзык видз вывти паськыд гын тубрас моз быгылтчас оидё, асыввыв яг норыс паныд тювгыяс-каяс... Шочаммо кыморьяс. Оидё зэв швучко, енежти мунё, гонечон суодо мукдес медборья кыморттор... Мунисны кыморьяс. Весасис енежыс. Сэзь лои, лоз. Отнасон сомьн дзирдалан коли сэтони шонди. Гогор дзик ловзёма, нюмьяло-сьыло (В. Чисталёв).

Таво гожом ена ветлис ур. Быдлаын кышакылис, ворьясын и сикт гогор. Долюд воли адззыны, кызд гажаа, визула ветло-мунё, быдлаын вуджрасё горд куыс да трубаа кузь божыс...

Кыпид лолыдлы, долюд сёлёмыдлы, кодыр му вылын мыйко содо-йывмо, ловзё-быдмо, рөдмо, бурмо да озырмо... Гажтом, шог овло сэк и лов вылын, кодыр мыйко, кутшомко буртор разрушитчо-киссьо, быро... (В. Чисталёв).

Лунтыр сільгис-зэрис кодзыд зэрөн. Рытладорыс толыс бергөдчис. Лои вой тола. Ыркнитис. Войбыд уси лым. Асывнас ывлаын гогор лои еджыд.

Атто, кутшома вежсис гогор. Ывла вылын дзикөдз лонис. Лэбачьяс дугдисны лэбалёмысь, сьылёмысь. Весиг лов шы оз кыв, некод оз шыась. Сомьн быдон дзоргоны выло, енежо. Конко ылын, вор ты дорын, сулалё отка керка. Сэн эсько гаж петё овны мем... (В. Чисталёв).

БИБЛИОГРАФИЧЕСКОЙ СПИСОК

Грамматика современного удмуртского языка. Синтаксис простого предложения. Ижевск, 1970. 250 с.

Игушев Е. А. Современный коми язык. Синтаксис / Учеб. пособие. Сыктывкар, 1980. 101 с.

Ивлева Т. М. Безличные глаголы и их валентность в коми языке // Вопросы лексикологии и словообразования коми языка. Сыктывкар, 1984. С. 67—86.

Ивлева Т. М. Синтаксис транзитивных глаголов с включенным объектом в коми языке // Взаимодействие финно-угорских и русского языков. Сыктывкар, 1984. С. 63—73.

Лудыкова В. М. Сказуемое безличных предложений в коми языке // Вестник Ленинградского университета. 1983. № 8. (История, язык и литература. Вып. 2. С. 69—73).

Лудыкова В. М. Осложненные типы простого глагольного сказуемого в коми языке // Вопросы финно-угорской филологии. Л., 1984. Вып. 4. С. 44—60.

Лудыкова В. М. Существительное в коми именном сказуемом // Советское финно-угроведение. 1985. № 3. С. 32—37.

Лудыкова В. М. Сказуемое в коми языке: Учеб. пособие. Сыктывкар, 1986. 60 с.

Лудыкова В. М. Безлично-предикативные слова в коми языке // Грамматика и лексикография коми языка. Сыктывкар, 1989. С. 42—49.

Лудыкова В. М. Составное глагольное сказуемое в коми языке // Вопросы финно-угорской филологии. Л., 1990. С. 59—71.

Прокушева Т. И. Модальность инфинитивных предложений в коми языке // Советское финно-угроведение. 1982. № 3. С. 178—182.

Современный коми язык. Ч. II. Синтаксис / Под ред. *Н. Н. Селькова*. Сыктывкар, 1967. 284 с.

ЮРИНДАЛЫСЬ

Водзкыв. Сёрникузя. Сылѡн признакъяс, сикасъяс	3
Медводдза юкѡн. Прѡстой сёрникузя	7
Кык состава сёрникузя	8
Подлежащѡй	8
Сказуемѡй	10
Отѡ юкѡна сёрникузя	17
Отѡ юкѡна глагольной сёрникузяяс	17
Нѡма сёрникузяяс	24
Синтаксис боксянъ юксытѡм сёрникузяяс	24
Вокативнѡй сёрникузя	26
Паськѡдѡм (распространитѡм) сёрникузя	27
Мѡд юкѡн. Съѡктѡдѡм (сложнѡймѡдѡм) прѡстой сёрникузя	35
Отсяма членъяс сёрникузяяс	35
Сёрникузяын торѡдѡм членъяс	40
Пыртана да содтана тѣчасъяс	44
Обращение	48
Тырмана да абу тырмана сёрникузяяс	49
Диалогъясын абу тырмана сёрникузяяс	50
Эллиптической сёрникузяяс	51
<i>Асшѡра вѡчѡм вылѡ уджъяс</i>	53
<i>Библиографической список</i>	62

Лудыкова Валентина Матвеевна

Коми кывйын прӱстой сёрникузя. (Простое предложение в коми языке):
Учебное пособие по спецкурсу.

Редактор	С. Б. Свигзова
Технический редактор	М. Л. Вавилина
Корректор	О. В. Михайлова

Свод. тем. пл. 1991, поз. № 2112.

Сдано в набор 1.10.91.

Подписано в печать 28.12.91.

Формат 60×84¹/₁₆. Бумага тип. № 1. Печать высокая.

Усл. печ. л. 3,8. Уч.-изд. л. 3,7. Тираж 400 экз.

Заказ № 7787. Цена 95 к.

Редакционно-издательский отдел Сыктывкарского университета.
167001. Сыктывкар, Октябрьский пр., 55.

Головное предприятие Коми республиканского полиграфического
производственного объединения.
167610. Сыктывкар, ул. Первомайская, 70.